



# მასწავლებელი <sup>№3(52).2018</sup>

მასწავლებელთა პროფესიული განვითარების ეროვნული ცენტრის გამოცემა

ფურნალი „მასწავლებელი“ საქართველოს ყველა სკოლაში უფასოდ რიგდება და ხელმისაწვდომია თითოეული მასწავლებლისათვის.

პროფესიული ფურნალი „მასწავლებელი“ გამოდის ორ თვეში ერთხელ.

**მთავარი რედაქტორი:**  
ნატო ინგოროყვა

**რედაქტორები:**  
მანანა ბოჭორიშვილი,  
ნანა მაჭავარიანი

**რედაქციის წევრები:**  
გიორგი მაჩაბელი,  
მანანა რატიანი,  
მარიკა სიხარულიძე,  
ნათია ნაცვლიშვილი

**სტილისტი:**  
ირმა ტაველიძე

**დისაინერი:**  
ბესიკ დანელია

**მხატვარი:**  
მამუკა ტყეშელაშვილი

**კორექტორი:**  
ქეთევან ნიკოლეიშვილი

**ნომერზე მუშაობდნენ:**  
ანა ჯანელიძე, თამთა დოლიძე,  
ნინო ლომიძე, მაია მენაბდე,  
მაია ჯალიაშვილი, მაია ფირჩხაძე,  
ქეთევან ოსიაშვილი,  
მალინა საჯაია, თამთა დოლიძე,  
ლელა კოტორაშვილი, ნათია  
ფურცელაძე, ნესტან რატიანი,  
ქეთევან კობალაძე, მაკა სახურია,  
ნინო ლაბარტყავა

**საკონტაქტო ინფორმაცია:**  
მასწავლებელთა პროფესიული  
განვითარების ეროვნული ცენტრი.  
მისამართი:  
თბილისი, გმირ კურსანტთა ქ. 1,  
ელ. ფოსტა: info@tpdc.ge

ფურნალში გამოქვეყნებულია შრიფტი:  
FuturaBook Geo. ავტორი: კობა კურტანიძე.  
ყველა უფლება ეკუთვნის ავტორს.

ფურნალში გამოქვეყნებულ პუბლიკაციებში  
გამოთქმული ზოგიერთი მოსაზრება,  
შესაძლოა, არ ემთხვეოდეს მასწავლებელთა  
პროფესიული განვითარების ეროვნული  
ცენტრისა და „მასწავლებლის“ რედაქციის  
შეხვედლებს. ცალკეულ სტატიაში  
დასახელებული ფაქტების უტყუარობაზე  
პასუხისმგებელია სტატიის ავტორი.

ISSN 1987-6149 UDC 371.1  
374

WWW.TPDC.GE



ნატო ინგოროყვა

რამდენიმე წლის წინ მასწავლებელთა პროფესიული განვითარების ეროვნულმა ცენტრმა გამოყო მნიშვნელოვანი გზავნილები მასწავლებლებისთვის და თითოეულ მათგანზე ინფორმაცია საქართველოს მასწავლებლებს სხვადასხვა საშუალებით მიაწოდა.


როცა რედაქტორის ახალ წერილზე ვფიქრობდი (ეს წერილებიც ხომ ერთგვარი გზავნილებია მასწავლებლებისთვის), სწორედ იმ ცხრა გზავნილის ამბავი გამახსენდა.

ასეთი იყო ჩვენი გზავნილები მაშინ:

- უნდა ვიყო შემოქმედებითი. უსამართლობა იქნებოდა იმის მტკიცება, რომ ბავშვის შემოქმედებითი წარმატებისა თუ მარცხის განმსაზღვრელი ერთადერთი ფაქტორი მასწავლებელია, თუმცა პასუხი კითხვაზე, ვინ შეიძლება ჩაითვალოს შემოქმედებით მასწავლებლად, მარტივია: ის, ვინც ზრუნავს მოსწავლეთა შემოქმედებითი აზროვნების განვითარებაზე.
- ღია უნდა ვიყო სიახლეების მიმართ. ასეთ პედაგოგს გაუადვილდება, გახდეს მოსწავლის მთავარი მოკავშირე და გამოაღვიძოს მისი ინდივიდუალური პოტენციალი.

- სკოლა ჩემი სახლია. განაკარგი არ იქნება, სკოლა სახლს დაამსგავსოს მასწავლებელმა? სახლს, ამ სიტყვის საუკეთესო გაგებით, რომ მოსწავლემ თავი იქ მყუდროდ და უსაფრთხოდ იგრძნოს?
- ვასწავლი და ვსწავლობ. „მასწავლებელი“ და „მოსწავლე“ პირობითი ცნებებია, რადგან მასწავლებელიც მთელი სიცოცხლე სწავლობს, ბევრ რამეს – საკუთარი მოსწავლეების განაც.
- უნდა ვიყო სამართლიანი. მასწავლებლის ღირებულება თაა სისტემა, უპირველეს ყოვლისა, მოსწავლეებთან, მშობლებსა და თანამშრომლებთან ურთიერთობისას ვლინდება. ის მუდმივად უნდა ცდილობდეს ამ ურთიერთობებში ობიექტურობის შენარჩუნებას.
- უნდა ვიყო ტოლერანტი. „სიმამაცეში მაშინ გამოვიცდებით, როცა უმცირესობაში ვართ, ტოლერანტობაში კი – უმრავლესობაში ყოფნისას“.
- ვზრუნავ უწყვეტ პროფესიულ განათლებაზე. პროფესიული განვითარება უწყვეტი განათლების პროცესია, ამიტომ კარგი მასწავლებელი, ამავე დროს, კარგი მოსწავლეც უნდა იყოს!

- ვაშენებ სამოქალაქო საზოგადოებას. თუ ზოგადი განათლების ეროვნული მიზნების მიღწევით გვსურს, სინამდვილე ვაქციოთ ჩვენი ურყევი ნება – დემოკრატიული საზოგადოებრივი წეს-წყობილების დამკვიდრება, მაშინ ძალისხმევის მიმართულება ნათელია.
  - უნდა ვიყო თვითკრიტიკული. თანამედროვე საგანმანათლებლო სივრცეში თვითკრიტიკულობა ეფექტური სწავლების აუცილებელი კომპონენტია. სწავლების ტრადიციული მოდელები ნაკლებად იყო ორიენტირებული სასწავლო პროცესისა თუ შედეგების ანალიზსა და კრიტიკაზე, სწავლების თანამედროვე ფორმები კი ამ ორი ელემენტის გარეშე წარმოუდგენელია.
- მაშინ ამ გზავნილებზე სტატიების მომზადება ჩვენს ავტორებს ვთხოვეთ და ახლა, როცა კვლავ მივუბრუნდი ამ სტატიების შინაარსს, თქვენთვის მათი შესვენება მომინდა. მნიშვნელოვანია, რომ თითოეული გზავნილი კვლავ აქტუალურია, თითქოს დღეს დაიწერა და თანამედროვე განათლების დღევანდელ პრობლემებს ეხმიანება. არ არის ასე? – მაშინ ვიკამათოთ.



## მოსაზრება

# 9

### თამთა დოლიძე სოფლისსაზოგი

შეფასების სისტემის ერთ-ერთი მთავარი დანიშნულება მოსწავლისთვის საკუთარი ძლიერი და სუსტი მხარეების ჩვენებაა. ჩვენ ის უნდა შევავასოთ, რამდენად ნაყოფიერ და კარგად გააზრებულ ნაბიჯებს დგამს მოსწავლე თვითგანვითარების მიზნით.

# 18

### მაია მენაბდე ინანიშვილის ხელწერა და ჩიხაბაშონების აკვლავი

სტატიაში მის ერთ საინტერესო, გამორჩეულ, აქტუალურ ნაწარმოებზე უნდა ვისაუბრო – „ჩიტების გამომზამთრებელზე“. ამ ნოველა-პიესას მეშვიდეკლასელები სწავლობენ (ჩემი აზრით, ერთი წლის მერე რომ ესწავლათ, უფრო უპრიანი იქნებოდა). ადვილად იგებენ-მეთქი, რომ გითხრათ, ტყუილი იქნება, მაგრამ საერთოდ არ ესმით-მეთქი, არც ეს იქნება მართალი.

# 34

### ნათია ფურცელაძე როცა მოსწავლეები და მასწავლებლები ერთად კითხულობენ

მთავარია, წიგნი ბავშვების ინტერესებისა და საჭიროებების გათვალისწინებით შევარჩიოთ და კითხვის მსურველი პედაგოგები შემოვიკრიბოთ. მოსწავლეები უზომოდ გაიხარებენ, როცა გაიგებენ, რომ მასწავლებლები მათთვის და მათთან ერთად კითხულობენ.

# 38

### ნესტან რატხიანი როგორ ბავშვებთან მოსწავლეთა წარმომადგენლებთან უნდა ვილაშქროთ – ჩაუვარდნიან

წერიტი კომუნიკაციის გასაუმჯობესებლად მასწავლებელმა მრავალფეროვანი დაგვლებები უნდა შესთავაზოს მოსწავლეებს. ერთ-ერთი ასეთი დაგვლება რეფლექსიების წერაა. მიუხედავად იმისა, რომ რეფლექსია პირველ პირში იწერება და ნაწერი, ერთი შეხედვით, არაფორმალური ხასიათისაა, ეს იმას არ ნიშნავს, რომ მოსწავლე აკადემიურ ჩარჩოებს უნდა გასცდეს.

# 41

### მალინა საჯავია ღონა მარტინესი სოსილან-ნაოსიანი სწავლების სიკეთე

ბევრმა მასწავლებელმა ინტუიციურად იცის, რომ მოსწავლეებთან ემოციური კავშირი მნიშვნელოვანია მათი აკადემიური, სოციალური და ემოციური ზრდისთვის. ასეთი მასწავლებლები ზრუნავენ მოსწავლეებზე, ყურადღებას აქცევენ კლიმატს საკლასო ოთახში, მოსწავლეების ჩართულობას თუ უკუკავშირს.




## გამოსვლილება

# 14

### ლელა კოტორაშვილი წაიკითხა ჩვენი წიგნი

ბავშვებისთვის მორალური შეგონებები განსაზღვრულ ასაკამდე გაუგებარია. თუ გესურს, ნაბიჯ-ნაბიჯ ვასწავლოთ განსხვავებული ადამიანების მიმდებლობა ან გავუღვივოთ თანაგანცდა, ლიტერატურული მაგალითები ამაშიც დაგვეხმარება.



## განათლების ფსიქოლოგია

# 44

### ქეთევან კობალაძე მეუბნება როგორც დანაშაული

რა მექანიზმი დევს მოძალადე მშობლის მხრივ ბავშვის – მსხვერპლის – ქმედებათა გაუფერულების, გაუფასურების ტენდენციის? ჩვენი აზრით, მშობელი ბავშვს საკუთარი მრისხანების, ბრანის „კონტინენის“ ფუნქციას ანიჭებს.

# 47

### ქეთევან ოსიაშვილი როგორ დავკვირდეთ ბავშვის სიზარმაცს

ბავშვებისთვის მუდმივად იმის შესხენება, რომ ის ცული, ზარმაცი, მოუხერხებელია, უარყოფითად აისახება ჩვენდამი მის დამოკიდებულებაზე. ბავშვის უპირობო სიყვარული და მისი მიღება ისეთად, როგორც არის, უამრავი პრობლემის და მათ შორის სიზარმაცის დაძლევაშიც დაგვეხმარება.



### პრობლემა

მაკა სახურია

# 26

## კლანი როგორც კოლექტივი და მისი ლინეაზაბაბათა სისხვა

შემოქმედებითობა და თანამშრომლობა ორმხრივი ურთიერთობის პროდუქტებად უნდა მივიჩნიოთ, ხოლო ტოლერანტობა, მიმღებლობა, თანასწორობა, პასუხისმგებლობა, კეთილგანწყობა, სოციალური თანამშობის უნარები, რასაკვირველია, სკოლაშიც გამოუმუშავდება ბავშვს, მაგრამ აქ გადამწყვეტია ოჯახის როლი და თავად მოსწავლის პიროვნული ფსიქოემოციური ფონიც.

### ჩესურსი

ნინო ლაბარტყავა

# 4

## იღვაძი სოსიადური პრეპეზაციის დაგეგმვისათვის ბანათღაბის დაწყაბით საუბუჩა

ბავშვებისთვის საკუთარი და სხვათა ემოციების ამოცნობის უნარის განვითარება, პროსოციალური ქცევის წახლისება და რეფლექსია მნიშვნელოვანია კლასის ერთობის, სკოლის საერთო კულტურისა და ემოციურად უსაფრთხო სასკოლო გარემოს ფორმირებისთვის.

მაია ფირჩხაძე

# 22

## ღიფინეხიჩაბული სწავღაბა როგორც მოსწავღათა ჩაღიჩაბის უჭეპური საუბაღა

ღიფერენციღებული სწავღებისას მასწავღებელი მუშაობს მთელ გგუფთან, რომლის თითოეულ წევრსაც სხვადასხვა ხარისხის ცოღნა აქეს, მაგრამ პროცესი მიმართულია „გათანაბრებისკენ“ – დავაღებები დახარისხებული თითოეულის შესაძღებლობის მიხედვით, რაც ერთიანობაში ხელს უწყობს თითოეული მოსწავღის მოტივიღებას და შესაძღებლობებისა და ინტერესების მაცხიმაღურ გამოვღენას, ერთმანეთით სწავღას და თვისისწავღას.

მაია ჯალიაშვილი

# 50

## როგორ „გავაღვიძოთ“ მოსწავღე – კრიტიკული აზროვნების ნიუანსაბი

კრიტიკულად მოზროვნე არა მხოლოდ კონკრეტულ ამოცანებს წყვეტს, არამედ რეაღური ცხოვრებისეული გამოწვევებისთვისაც ემზადება. ამგვარი აზროვნების უნარი ეხმარება ადამიანს, დამოუკიდებღად გაიკვლიოს გზა თანამედროვე საინფორმაციო ნაკაღებში.

### მოსაზრება

ანა ჯანღიძე

# 53

## სიფრღი სეპროლოგიბი აღიღუ ბანათღაბაში

ბავშვების უმეტესობა წერა-კითხვის სწავღამდეც თავისუღლად სარგებღობს ციფრული ტექნოლოგიბით. მეტიც – ხანდახან სწორედ ამ ტექნოლოგიბის საშუაღებით უფითარღებთ წიღნიერების უნარ-ჩვევები. ამღენად, ტექნოლოგიბის სფეროა, სადაც ბავშვებს ადრეული ასაკიღანვე აქეთ საკუთარი კომპეტენტურობისა და შემოქმედებითობის დემონსტრიღების შესაძღებლობა.

ინტერნეტბაბთი  
საბასავღაბლთ | კიღლღის ბაბთი | ბაღღინა | კაღსაბღთ | ღაღიბი | კიღსაბღთ

www.mastsavlebeli.ge

ბანათღაბა –  
თავისუღღაბაა!

ინტერნეტბაბთი  
WWW.MASTSAVLEBELI.GE

27-30







ნიმოლაბაიშყავე

# იდეები სოციალური პროექტების დაგეგმვისათვის განათლების დაწყებით საფეხურზე

ეროვნული სასწავლო გეგმის თანახმად, სოციალური და სამოქალაქო კომპეტენცია ერთ-ერთი გამჭოლი კომპეტენციაა. ის, სამოქალაქო ცხოვრებაში ინტეგრირების მიზნით, ისეთი უნარებისა და ღირებულებების ჩამოყალიბებას გულისხმობს, როგორებიცაა: კონსტრუქციული თანამშრომლობა, პრობლემების მოგვარება, კრიტიკული და შემოქმედებითი აზროვნება, გადაწყვეტილების მიღების უნარი, შემწყნარებლობა, სხვისი უფლებების პატივისცემა, დემოკრატიული პრინციპების აღიარება და სხვა.

აღბათ დაგვეთანხმებით, რომ სკოლაში სოციალური პროექტების განხორციელება ამის საუკეთესო საშუალებაა. სოციალური პროექტები მიმართულია გარემოს გაუმჯობესებისკენ, კონკრეტულ სოციალურ რეალურ სოციალურ საჭიროებების შესწავლისა და სოციალური სიტუაციის გაუმჯობესებისკენ (არსებულ პრობლემათა პრევენციისკენ/მინიმიზაციისკენ), რისი საბოლოო მიზანიც სამოქალაქო საზოგადოების განვითარე-

ბაა. სკოლაში მოსწავლეები მხოლოდ კონკრეტულ დისციპლინებს კი არ სწავლობენ, არამედ სკოლა ოჯახთან თანამშრომლობით ზრუნავს მათ აღზრდასა და მორალურ განვითარებაზე. ამასთანავე, სხვაზე პასუხისმგებლობა, სხვაზე ზრუნვა ბავშვებს ეხმარება საკუთარი თავის ღირებულად აღქმაში და აძლევს მათ პრობლემებთან გამკლავების შესაძლებლობას, ეს კი მოზარდთა რისკიანი ქცევის პრევენციის ერთ-ერთ საშუალებად მიიჩნევა. ზოგი მეცნიერის აზრით (Eisenberg, 1992), აგრესიული ქცევის შემცირება შესაძლებელია პროსოციალური ქცევის (სხვებზე ზრუნვა ისე, რომ არ მოელი პირად გამოჩინებას) წახალისებით.

მასწავლებლის საქმიანობის დაწყების, პროფესიული განვითარებისა და კარიერული წინსვლის სქემაში სოციალური პროექტი როგორც მასწავლებლის დამატებითი საქმიანობა გათვალისწინებულია პრაქტიკოსის, უფროსისა და წამყვანის სტატუსის მქონე მასწავლებლებისთვის და მისი წარმატებით

განხორციელების შემთხვევაში პედაგოგს 0.5 კრედიტი ენიჭება.

სოციალური პროექტი შეიძლება განხორციელონ მოსწავლეებმა, მასწავლებლებმა, მოსწავლეთა მშობლებმა და თემმა. შესაბამისად, პროექტის ბენეფიციარიც შეიძლება იყოს: კონკრეტული მოსწავლე, კლასი, სკოლა, სასკოლო ქსელი ან თემი.

აქედან გამომდინარე, სოციალური პროექტის მიზნები შეიძლება იყოს:

- 🍏 სოციალური ადაპტაციის გაუმჯობესება;
- 🍏 მოწყვლადი ჯგუფებისთვის პირობების გაუმჯობესება, ცხოვრების ხარისხის ამაღლება;
- 🍏 მრავალფეროვანი ჯგუფების მიმართ ტოლერანტობის გაზრდა;
- 🍏 დაპირისპირების, კონფლიქტების პრევენცია;
- 🍏 უშუალო გარემოს (მათ შორის – ფიზიკურის) გაუმჯობესება;
- 🍏 მოსწავლეთა სწავლის მოტივაციის ამაღლება.

სოციალური პროექტები შეიძლება განხორციელდეს შემდეგ თემებზე: ეკოლოგია, ჯანმრთელობა, უსაფრთხოება, სერვისის გაუმჯობესება, სოციალური ადაპტაცია, განათლება, დასვენების ორგანიზება, შემოქმედება.

შესაძლოა დაგებადოთ კითხვა, რა კონკრეტული ნაბიჯებია საჭირო იმისთვის, რომ უმცროსი სასკოლო ასაკის მოსწავლეებს განუვითაროთ უნარები, რომლებიც გარემოს გაუმჯობესებისა თუ სხვებზე ზრუნვისკენ იქნება მიმართული.

ვფიქრობთ, უპირველეს ყოვლისა, მნიშვნელოვანია ემპათიის განვითარებაზე ზრუნვა. ემპათია მოიპოვებს სხვისი ემოციების გაგების, წვდომისა და თანაგანცდის უნარს. პატარა ბავშვებისთვის მისი მნიშვნელობის განმარტება, ერთი შეხედვით, შეიძლება საკმაოდ რთულ ამოცანად მოგვეჩვენოს, მაგრამ იმისთვის, რომ ბავშვმა სხვისი ემოციის აღქმა და შესაბამისად რეაგირება შეძლოს, მნიშვნელოვანია, ესმოდეს გრძობათა ფართო სპექტრი, რომელსაც იგი ყოველდღიურად განიცდის და ისიც, რომ სხვა ადამიანებს შეიძლება მსგავსი სიტუაციაში განსხვავებული ემოციები დაეუფლოთ. რაც უფრო უკეთ შეგვიძლია საკუთარი და სხვისი ემოციების ამოცნობა, მით მეტად ვახერხებთ თავის მართვას და სხვათა დახმარებასაც, ეს კი აუცილებელი უნარებია მეგობრებსა თუ თანაკლასელებთან კარგი ურთიერთობის დამყარებისა და შენარჩუნებისთვის.

ამის მიღწევა, უპირველეს ყოვლისა, საკუთარი ემოციების ამოცნობის უნარის განვითარებით არის შესაძლებელი. მართალია, თანაგრძობის უნარი ასაკთან ერთად გამოვითქვამდებოდა, მაგრამ არსებობს სტრატეგიები, რომელთა დახმარებითაც შეგვიძლია ბავშვებს ეს გრძობა განუვითაროთ.

მიიჩნევა, რომ 7 წლამდე ასაკის ბავშვებისთვის სხვისი ემოციების წვდომა საკმაოდ რთულია. ეს იმაზე და მოკიდებული, რამდენად ფაქტობრივად გამოხატავდნენ უფროსები ბავშვების მიმართ ემოციებს, რამდენად ხედავდნენ პატარები სხვების მიმართ გამოხატულ ემპათიას და რამდენად იყო წახალისებული სხვა უფროსისა თუ ბავშვის პროსოციალური ქცევა. ასეთ შემთხვევაში ბავშვს ექმნება წარმოდგენა, რომ სხვათა ემოციების წვდომა და სხვაზე ზრუნვა მნიშვნელოვანია. თანაგრძობა სხვისი ემოციების გაგებით იწყება.

გთავაზობთ აქტივობას „ამოიცანი ემოცია“, რომელიც 6-10 წლის ბავშვებზეა გათვლილი. აქტივობის განხორციელებისთვის საჭიროა ბარათები სიტუაციებით, რომლებიც შეიძლება იყოს ტიპური უმცროსი სასკოლო ასაკის ბავშვებისთვის (სიტუაციათა გამრავალფეროვნება სასურველია მოსწავლეთა ინტერესების, ასაკისა თუ კულტურის გათვალისწინებით).

სიტუაციათა სავარაუდო ჩამონათვალი:  
● ბავშვს ნაყინი კონუსიდან ჩამოუვარდა;

- დაბადების დღე აქვს და სტუმრებს ელოდება;
- დაეცა და მუხლი დაიზიანა;
- სურს, უფროსებმა ახალი სათამაშო უყიდონ;
- სკოლაშია და მოშივდა;
- სტუმრად მიდის ახალგაძმოსულ თანაკლასელთან;
- ყური სტკივა და სიცხე აქვს;
- ბიძაშვილმა რაღაც აჩუქა;
- მასწავლებელმა შენიშვნა მისცა;
- ქურთუკის შეკვრის დროს ელვა გაეჭიდა;
- სკოლაში ბეზიას ელოდება, რომელიც აგვიანებს;
- მის ლეკვს ოპერაცია საჭიროდება.

მოსწავლეები სხდებიან წრეზე. მასწავლებელი უკითხავს სიტუაციას ან სთავაზობს ბარათს შესაბამისი ილუსტრაციით. მანამდე მოსწავლეებს ურიგდებთ ბარათები სხვადასხვა ემოციის სახელწოდებებით (ან ემოტიკონებით): მოწყენილი, მზიარული, შეშინებული, შეშფოთებული, გაკვირებული, გაბრაზებული, ამაყი, ბედნიერი. მოსწავლეები პასუხობენ კითხვებზე: „რას გრძობს ბავშვი? რას იგრძობდით თქვენ ამ დროს?“ მოსწავლეებს შეუძლიათ ამოარჩიონ ნებისმიერი ბარათი, აჩვენონ ჯგუფს და დაასახელონ. ასეთ დროს ბავშვები აკვირდებიან, რომ ადამიანებს ერთსა და იმავე სიტუაციაში შეიძლება განსხვავებული ემოციები გაუჩნდეთ.

იმისთვის, რომ აქტივობა მეტად სახალისო იყოს მოსწავლეებისთვის, შეიძლება ემოტიკონების დასამზადებლად გამოვიყენოთ



სოციალური  
პროექტი შეიძლება  
განახორციელონ  
მოსწავლეებმა,  
მასწავლებლებმა,  
მოსწავლეთა  
მშობლებმა და  
თავმა. შესაბამისად,  
პროექტის  
განხორციელების  
შედეგად იყოს:  
კონკრეტული  
მოსწავლე, კლასი,  
სკოლა, სასკოლო  
ქსელი ან თემი.

ფოტოები ჟურნალებიდან ან სპეციალურად დამზადებული ხელის თოჯინები. ემოციების გამოსახულებათა გამოყენება სხვადასხვაგვარად არის შესაძლებელი. მაგ., შეიძლება, რომელიმე ემოციის ამორჩევის შემდეგ ბავშვებმა იმსჯელონ, რომელ ემოციას გამოხატავს ის და როდის განიცდიდნენ თავად მსგავს ემოციებს.

მას შემდეგ, რაც მოსწავლეებს მივაწვდით ინფორმაციას ემოციების შესახებ, შეგვიძლია წამოვიწყოთ დისკუსია: გარშემო მყოფების როგორმა ქცევამ/კეთილმა საქმემ შეიძლება დაგვაყენოს კარგ გუნებზე და, საზოგადოდ, კლასში თუ ქალაქში შექმნას დადებითი კლიმატი.

იდეების გენერირების შემდეგ შეიძლება საკლასო ოთახში გავაკრათ კეთილი საქმეების ჩამონათვალი, საიდანაც მოსწავლეები თავად აირჩევენ მათთვის სასურველს.

- ეს შეიძლება იყოს:
- 🍏 ნაცნობებისადმი ღიმილიანი მისალმება;
- 🍏 კარის დაჭერა ვინმესთვის, ვინც ოთახში შემოდის;
- 🍏 მოწყენილი მეგობრისთვის სასაცილო ამბის მოყოლა;
- 🍏 კეთილი სურვილებით ბარათის დატოვება თანაკლასელის მერხზე ან ბიბლიოთეკის წიგნში;
- 🍏 ასაკოვანი ადამიანის ბავშვობის ისტორიით დაინტერესება, მისი მოსმენა;
- 🍏 მეგობრისთვის კომპლიმენტის თქმა;
- 🍏 მაგიდის გაწმენდა და ალა-

- გებაში ოჯახის წევრების დახმარება;
- 🍏 ოჯახის წევრებისთვის ლოგინის გაშლა;
- 🍏 დაფის გაწმენდა, კლასის მოწესრიგება მანამდე, სანამ ვინმე ამის გაკეთებას დაგვავალებს;
- 🍏 ყვავილების მორწყვა;
- 🍏 სკოლის ეზოს გალამაზება ფერადი ცარცით.

იდეები შეიძლება ეხებოდეს არა მხოლოდ სიკეთის ყოველდღიურ, მარტივ გამოვლინებებს, არამედ იმგვარ საქმიანობებსაც, რომლებსაც შედარებით მეტი დრო და გარკვეული რესურსი სჭირდება. კერძოდ:

- 🍏 ზამთარში ფრინველებისთვის საკვებურების მოწყობა;
- 🍏 ხეების დარგვაში მონაწილეობა;
- 🍏 სკოლამდელი ასაკის ბავშვებისთვის წიგნების წაკითხვა ან საყვარელი თამაშების სწავლება;
- 🍏 ჯარისკაცებისთვის, მოხუცთა თავშესაფრის ბინადრებისთვის სადღესასწაულო დღეებში ხელნაკეთი მისალოცი ბარათების გაგზავნა;
- 🍏 ექიმებისთვის, ექთანებისთვის, 112-ის თანაშრომლებისთვის, პოლიციელებისა და მეხანძრეებისთვის სამადლობელი წერილების დაგზავნა იმის გამო, რომ მუდამ ზრუნავენ ჩვენს უსაფრთხოებაზე;
- 🍏 საბავშვო წიგნების, გასაფერადებლების, სახატავი საშუალებების შეგროვება და ბავშვთა პოლიკლინიკისა და სტომატოლოგიური

- კაბინეტის მოსაცდელებისთვის გადაცემა;
- 🍏 სკოლის ბიბლიოთეკისთვის სანიშნეების დამზადება;
- 🍏 ცხოველთა თავშესაფრისთვის სათამაშოების დამზადება (მაგ., ძაფზე გამობმული ბავთებისა კატებისთვის).

საქმიანობის დასრულების შემდეგ მიზანშეწონილია პროცესის რეფლექსია. მოსწავლეებმა უნდა გააანალიზონ, რა განცდებს იწვევს მათში ან იმ ადამიანებში, ვისაც ეს შეეხო, მათ მიერ განხორციელებული სიკეთის უცხტები, რა საპასუხო რეაქცია მიიღეს მათგან. სასურველია დისკუსია და დაფიქრება იმაზე, რა სიკეთე გავციკეთეს დღის თუ კვირის განმავლობაში სხვა ადამიანებმა და როგორ შეიძლება ამგვარმა ქცევამ შეცვალოს კლიმატი ჩვენს კლასსა თუ სკოლაში. რეფლექსიისთვის შეიძლება როგორც კლასში დისკუსიის წამოწყება, ისე სპეციალურად შექმნილი ჟურნალების გამოყენება.

- სიკეთის ჟურნალი შეიძლება შეიცავდეს შემდეგ პუნქტებს:
- თარიღი:
- 🍏 კვირის განმავლობაში რა კეთილი საქმის/საქმეების გაკეთება შემიძლია ჩემი თანაკლასელისთვის/თანაკოლეგისთვის?
- 🍏 მოიფიქრეთ და დახატეთ, რა კეთილი საქმის გაკეთება შეგიძლიათ კვირის განმავლობაში.
- 🍏 რა კეთილი საქმე გავციკეთათ სხვა ადამიანმა?

- რას გრძნობთ, როდესაც სიკეთეს გიკეთებენ?
- დახატეთ, რა სიკეთე გააკეთათ სხვა ადამიანმა თქვენთვის.

თარიღი:

- კეთილი საქმე, რომელიც ამ კვირაში გააკეთეთ სხვა ადამიანისთვის.
- თქვენი აზრით, რას გრძნობდა ის ადამიანი?
- თქვენ როგორ გრძნობდით თავს?
- მოახდინა თუ არა თქვენმა საქციელმა გავლენა კიდევ ვინმეზე?
- რის გაკეთებას აპირებთ ხვალ?

თარიღი:

- მე შემიძლია, მშობლებს ჩემი სიკეთე დავანახო იმით, რომ...
- შემიძლია, დაძმას ჩემი სიკეთე დავანახო იმით, რომ...
- შემიძლია, მეგობარს ჩემი სიკეთე დავანახო იმით, რომ...
- შემიძლია, ჩემი კლასის დამრიგებელს სიკეთე დავანახო იმით, რომ...
- რა კეთილი საქმეების მაგალითებს ვხვდები ჩემს კლასში?
- დახატეთ თქვენი კლასი, როდესაც იქ კეთილი საქმეები ხდება.

თარიღი:

- სიკეთის დღე რომ აღმენიშნა, ამ დღეს გავაკეთებდი...
- დახატეთ ადამიანები, რომლებიც სიკეთის დღეს აღნიშნავენ.

თარიღი:

- ჩემთვის სიკეთე არის..
- დახატეთ, რა არის სიკეთე.
- სიკეთის გაკეთება მნიშვნელოვანია, იმიტომ რომ...
- ყველა ადამიანი დღეში ერთ სიკეთეს რომ აკეთებდეს, როგორი იქნებოდა, თქვენი აზრით, ჩვენი ქალაქი/სოფელი/სამყარო?

მასწავლებელს შეუძლია აღნიშნული ჟურნალის როგორც გამარტივება, ისე გამრავალფეროვნებაც. ჟურნალს მოსწავლეები დამოუკიდებლად აწარმოებენ, თუმცა ზოგად საკითხებზე პედაგოგმა შეიძლება კლასში დისკუსია წამოიწიოს.

რეფლექსიისთვის შეგვიძლია უფრო მარტივი ვერსიის გამოყენებაც - მოსწავლეები მათ მიერ გაკეთებულ კეთილ საქმეს ხატავენ ან წერენ და აკრავენ წინასწარ მომზადებულ სიკეთის ხეზე.

შეიძლება კლასში კალენდრის გაკეთებაც, რომელშიც მოსწავლეები დღეების მიხედვით ჩაწერენ მათ მიერ გაკეთებულ კეთილ საქმეებს.

ინ. სავარაუდო ნიმუში

ორშაბათი	სამშაბათი	ოთხშაბათი	ხუთშაბათი	პარასკევი	შაბათი	კვირა
კლასი გავაფორმე ჩვენი ნამუშევრებით, რამაც ის უფრო კომფორტული გახადა.	დავეხმარე თანაკლასელს დავალების შესრულებაში;	მოვიკითხე თანაკლასელი, რომელიც ავად არის.	მოვრწყე ყვავილები; მოვაწესრავეთ საკლასო ოთახი. დავეხმარეთ სკოლის ბიბლიოთეკარს კატალოგის შექმნაში.	დავეხმარე ბებუას ნამცხვრის გამოცხობაში.	ჩემს დას წავუკითხე ზღაპარი.	დავეხმარე მამას მანქანის გარეცხვაში.

შეიძლება მეოთხე კლასის შემდეგ ორგანიზაციის Life Vest Inside („შინაგანი სამაშველო ჟილეტი“) მიერ შექმნილი ვიდეოს „სიკეთის ბუმერანგი - ერთი დღე“ ჩვენება - <https://www.youtube.com/watch?v=nwAYpLVyeFU>.

ვიდეოში ნაჩვენებია, როგორ იწყება დღე იმით, რომ მშენებელი მუშა ეხმარება პატარა ბიჭუნას, რომელიც სკეიტბორდიდან ვარდება, მერე კი ფეხზე წამოდგარი ბიჭუნა მოხუც ქალბატონს ემველება მძიმე ჩანთის აწევაში და ასე გრძელდება მანამდე, სანამ სიკეთე თავად მუშას არ დაუბრუნდება. ვიდეოს ჩვენების შემდეგ შეიძლება დისკუსიის წამოწყება. რატომ ჰქვია, მათი აზრით, ვიდეოს „სიკეთის ბუმერანგი?“ თქვენ როგორ მოიქცეოდით ბიჭუნას, მოხუცი ქალბატონის, მიმტანის ან სხვა პერსონაჟის ადგილას? როგორ ფიქრობთ, რატომ იქცევიან ადამიანები ასე?

იმედი გვაქვს, სტატიაში მოწოდებული იდეები დახმარებას გაუწევს დაწყებითი საფეხურის მასწავლებლებს სოციალური პროექტების დაგეგმვისას. ბავშვებისთვის საკუთარი და სხვათა





ბავშვებისთვის  
საკუთარი და სხვა-  
თა ემოციების  
ამოცნობის უნა-  
რის განვითარება,  
პროსოციალური  
ქცევის წახალისე-  
ბა და რეფლექსია  
მნიშვნელოვანია  
კლასის ერთობის,  
სკოლის საერთო  
კულტურისა და ემო-  
ციური კავშირისა და ემო-  
ციურ უსაფრთხო გარემოს  
სადასრულებლად.

ემოციების ამოცნობის უნარის  
განვითარება, პროსოციალური  
ქცევის წახალისება და რეფ-  
ლექსია მნიშვნელოვანია კლასის  
ერთობის, სკოლის საერთო  
კულტურისა და ემოციურად  
უსაფრთხო სასკოლო გარემოს  
ფორმირებისთვის. გასათ-  
ვალისწინებელია ისიც, რომ  
პროსოციალური ქცევის წახა-  
ლისება შეიძლება სასკოლო ბუ-  
ლინგის პრევენციის მიზნითაც  
გამოვიყენოთ. თუ დაფუძვებით,  
რომ ადამიანი სხვას ჩაგრავს  
საკუთარი ძალის დემონსტ-  
რირებისა და ყურადღების  
ცენტრში ყოფნის სურვილით,  
ზემოთ აღწერილ საქმიანობათა

შეთავაზებით ბავშვებს ვუბი-  
გებთ, ენერჯია ცივილიზებული  
და სოციალურად მისაღები  
ფორმით დახარჯონ, იგრძნონ  
საკუთარი და სხვა ადამიანების  
ღირებულება, შესაძლებლობის  
ფარგლებში იზრუნონ გარემოს  
გაუმჯობესებაზე და გაიზრდონ,  
რომ თითოეულ ადამიანს შეს-  
წევს ძალა და უნარი, წვლილი  
შეიტანოს მშვიდობიანი და უკე-  
თესი გარემოს შექმნაში, რაც  
სამოქალაქო საზოგადოების  
ფორმირების მნიშვნელოვანი  
წინაპირობაა.

გამოყენებული ლიტერატურა

1. Eisenberg, N. (1992).  
The Caring Child, Harvard  
University Press, P 189
2. goo.gl/Aonn1h  
(ნახვა 01.03.2018)
3. goo.gl/ZyL5VT  
(ნახვა 01.03.2018)
4. goo.gl/ozpMGJ  
(ნახვა 01.03.2018)
5. goo.gl/9QKjWy  
(ნახვა 01.03.2018)
6. goo.gl/jZW4Uv  
(ნახვა 02.03.2018)
7. goo.gl/9gP6Zc  
(ნახვა 02.03.2018)
8. goo.gl/RdPF2k  
(ნახვა 01.03.2018)
9. goo.gl/tAe8Zx  
(ნახვა 01.03.2018)
10. goo.gl/AVq5tC  
(ნახვა 01.03.2018)
11. goo.gl/rNBhrG  
(ნახვა 01.03.2018)
12. goo.gl/LzuxRx  
(ნახვა 01.03.2018)
13. goo.gl/oPYq56  
(ნახვა 01.03.2018)
14. www.lifevestinside.com







თამთა ღლიძე

# სოცლის საზოგადოება

– ადექი, მომიყევი გაკვეთილი! – მიძახებს დაფასთან მასწავლებელი. ვდგები, მთელი კლასი მე შემომყურებს. რომ დავდგე და ამხელა ბიჭმა მოყოლა დავიწყო, რა გაუძლებს თანაკლასელების დამცინავ მზერას და რეპლიკებს: – პროფესორა მოდის! გზა დაუთმეთ, ნასწავლი კაცი გაატარეთ! – და ა.შ. ამიტომ ვარ ჩუმად, თორემ გაკვეთილი როგორ არ ვიცი! გუშინ მთელი საღამო შევალიე, ბოლო ფურცლამდე ჩავიკითხე უტასა და კოლონელიძის ქალის დიალოგი, გამოვიტირე დიდოსტატის მარჯვე მარჯვენა, ხელიკისფერი სვეტიცხოველი მესიზმრებოდა მერე... გაკვეთილი ვიცი, თანაც „ტექსტთან ახლოს“, როგორც მასწავლებელს უყვარს. ძალიან მინდა, ვინმეს ჩემი შთაბეჭდილება გაეფიქრებოდა. ერთი წუთითაც არ ვიყო მანებდი, ბოლო მერხზე სოფლის გამგებელივით მედიდურად წამოჭიმული გოგია ასე რომ არ მიბრიალებდეს თვალებს.

– დაჯექი, ორიანი! – გამოაქვს მოსალოდნელი განაჩენი ჩემი დუმილით გაბზრებულ მასწავლებელს, რომელსაც კუდიანების წერით დაღლილი ხელი ახლა სხვა საკბილოსკენ მიუმართავს და ეძახის:

– ახლა შენ ადექი და მომიყევი გაკვეთილი!

ეს ისტორია ალბათ ძალიან მოუხდებოდა მეოცე საუკუნის ქართულ სკოლებზე დაწერილ ნებისმიერ მოთხრობას, მაგრამ მსგავსი სცენარით მოვლენები დღესაც არაერთ სკოლაში ვითარდება. საგანმანათლებლო რეფორმებისა და მეთოდოლოგიური სიახლეების მიუხედავად, მოსწავლეების ცოდნა უმეტესად ისეთი პრიმი-


ტიული ინსტრუმენტებით იზომება, როგორცაა გაკვეთილის მოყოლა, ლექსების, ციტატების, წესების გაუზრებლად დაზეპირება, საკონტროლო წერისთვის სტანდარტული თემების („მეგობრობა ვეფხისტყაოსანში“ და სხვა) შედგენა-დაზუსტვა და ა.შ., მოკლედ რომ ვთქვათ, ფაქტობრივი ცოდნის დამახსოვრებაზე ორიენტირებული ქმედებები, რომელთა გამოუსადეგარობაც საკუთარ თავზე, ალბათ, ყველას გამოგვიცდია. სამწუხაროა, რომ მოსწავლის შეფასების ეს „ტრადიციული“ მეთოდი მასწავლებლების დიდ ნაწილს დღესაც ყველაზე მოხერხებულ ინსტრუმენტად მიაჩნია, მაგრამ ისიც გასათვალისწინებელია, რომ საგანმანათლებლო სისტემაში საფუძვლიან ცვლილებებს ხელს ბევრი რამ უშლის, მათ შორის – კლასში მოსწავლეთა ჭარბი რაოდენობა, რაც შეფასების პროცესს საგრძნობლად ართულებს. დროთა განმავლობაში თვითგამოვლენის სურვილიც იკლებს და აღსაზრდელები ხშირად მიმართავენ „მასაში ჩაკარგვის“ სხვადასხვა ხერხს. თუ დაწყებით საფეხურზე მასწავლებლის მიერ დასმულ კითხვას კლასი აწეული ხელებით ეგებებოდა, საბაზო საფეხურზე დაუმორჩილებელ, თავისუფლების მოპოვებისთვის მებრძოლ მოზარდებს გამოკითხვის მეთოდით ვეღარ შეაფასებ. თანაც ფაქტობრივი ცოდნის გამოვლენა ჯერ კიდევ არ ნიშნავს რომელიმე სასწავლო უნარის სათანადოდ ფლობას. მთავარია, მოსწავლეებს თვითმწავლის უნარი გამოვუმუშაოთ და შეემცნების სურვილი გავუღვივოთ. დავიწყებას უნდა მიეცეს ის დრო, როცა გამოცდის გადაბარება იმის გამო გიწევდა, რომ რომელიღაც ლექსი ზეპირად ვერ გაიხსენე. არავინ შეგეკითხებოდა, გესმოდა თუ არა მტკვრის პირას ჩაფიქრებული პოეტის ტკი-

**შეფასების სისტემის ერთ-ერთი მთავარი დანიშნულება მოსწავდისთვის საპუტარი ძიებრი და სუსტი მხარეების ჩვენებაა. ჩვენ ის უნდა შევასწოთ, ჩამოვინარეოთ და პარბარ ბაზრებზე ნაბიჯებს დგამს მოსწავდე თვითბანვითაბის მიზნით.**

ვილი. მხოლოდ მისი ეპოქის მთავარი პრობლემის შესახებ ინფორმაციით იყავი შეიარაღებული და ეს საკმარისი იყო ყველა კითხვაზე პასუხის გასაცემად.

უპირველეს ყოვლისა, მკაფიო წარმოდგენა უნდა გვქონდეს იმის შესახებ, თუ რას ვაფასებთ. მოქმედი ეროვნული სასწავლო გეგმის მიხედვით, სასწავლო პროცესი და შეფასების სისტემაც მოსწავლის წინაშე მდგომ გამოწვევებსა და საჭიროებებს უნდა ერგებოდეს. სკოლაში მიღებული გამოცდილება მას დინამიკური და ფუნქციური ცოდნის კონსტრუირების საშუალებას უნდა აძლევდეს (კონსტრუქცივისტული საგანმანათლებლო კონცეფცია) და რადგან მოსწავლის შეფასება სწავლა-სწავლების განუყოფელ ნაწილს წარმოადგენს, ისიც ზემოხსენებულ კონცეფციას უნდა ეფუძნებოდეს. გარდა ამისა, შეფასება მოსწავლის ინდივიდუალურ პროგრესს უნდა აღწერდეს.

მნიშვნელოვანია ისიც, რა ტიპის სამუშაოს შესრულებას ვითხოვთ. მოსწავლეთა დაინტერესება უფრო ადვილია კომპლექსური და მკაფიო კონტექსტის მქონე დავალებებით (ესე, პროექტი, კვლევა, პრობლემის გადაჭრა, დისკუსია, შემეცნებითი ექსკურსიები, დებატები და სხვ.). დავალება უნდა იყოს მნიშვნელოვანი (საგნობრივი კრიტერიუმების შესაბამისი), გასაგები (მკაფიო ინსტრუქციით შეიარაღებული), მიუკერძოებელი (ყველა მოსწავლეს, მის ხელთ არსებული ცოდნისა და გამოცდილების გამოყენებით, თანაბრად უნდა შეეძლოს მასზე მუშაობა), დაძლევადი (სასწავლო საფეხურის შესაბამისი), შეფასებადი (უნდა შეიძლებოდეს მისი გაზომვა შეფასების რუბრიკის დახმარებით) და მოსწავლის მაღალ ჩართულობას მოითხოვდეს. მოსწავლე თავად უნდა იღებდეს გადაწყვეტილებას, თანამშრომლობდეს, შეეძლოს წინარე ცოდნასა და გამოცდილებას.



ცოდნის აგების (ცოდნის, გამოცდილებისა და შეხედულებების სინთეზი) პროცესი წინარე ცოდნაზე დაყრდნობით ახლის შემეცნებასა და გამოყენებას გულისხმობს. აქედან გამომდინარე, მოსწავლის შეფასების ძირითადი მიზანი თავად სწავლის პროცესის მიმდინარეობისა და „ცოდნათა ურთიერთდაკავშირების ჩვენებაა“ (ესე 2017-23). განახლებული მოთხოვნების საპასუხოდ, სკოლამ მოსწავლეს მრავალფეროვანი სასწავლო პროცესი და განვითარების თანაბარი შესაძლებლობა უნდა შესთავაზოს.

დიღებზე დაყრდნობით ახალი პრობლემის გადაჭრა და სხვ. მრავალფუნქციური დავალებები, საინტერესოსთან ერთად, გაცილებით ნაყოფიერი და გრძელვადიანი შედეგის მომცემია. საკამათოა ისიც, რა სიხშირით უნდა გამოვიყენოთ განმსაზღვრელი შეფასება. განათლების მკვლევრები საუბრობენ განმავითარებელი შეფასების უპირატესობაზეც, რადგან პროცესის შეფასების დროს ინდივიდუალური პროგრესი უფრო ნათლად ჩანს.

შეფასების სისტემის ერთ-ერთი მთავარი დანიშნულება მოსწავლისთვის საკუთარი ძლიერი და სუსტი მხარეების ჩვენებაა. ჩვენ ის უნდა შევავსოთ, რამდენად ნაყოფიერ და კარგად გააზრებულ ნაბიჯებს დგამს მოსწავლე თვითგან-

ვითარების მიზნით. სწავლების შედეგის გამოშვის მრავალფეროვანი მეთოდების გამოყენებით კი მას ცოდნისა და უნარების სხვადასხვა გზით გამოვლენის საშუალებას მივცემთ. მოკლედ რომ ვთქვა, შეფასებადი დავალება შეფასების მიზნებს უნდა შეესაბამებოდეს და ღირებული ცოდნის შეძენა-განმტკიცებას ემსახურებოდეს.

ყველა საგანს მიზნის შესაბამისი შეფასების ინსტრუმენტები სჭირდება. მასწავლებელს ეძლევა მიმართულება, კრიტერიუმთა (სასწავლო უნარ-ჩვევათა ერთობლიობა) ჩამონათვალი, რომლითაც ის ხელმძღვანელობს. შეფასების თითოეული რუბრიკა დავალების მიზნის შესაბამის ინდიკატორებზე დაყრდნობით უნდა შეიქმნას (ნიშუმების ნახვა შეგიძლიათ ესგ-ში). შეფასების პროცესი მაქსიმალურად გამჭვირვალე უნდა იყოს. აქედან გამომდინარე, შეფასების რუბრიკაზე ხელი მოსწავლეებსაც უნდა მიუწვდებოდეთ. მეტიც, მათ აუცილებლად უნდა ვასწავლოთ ამ რუბრიკის გამოყენება სამუშაოს სწორად დაგეგმვისა და შესრულების მიზნით.

უნდა შევეცადოთ და დავალებებს ქუდაბი სინთუდის მიხედვით მივანიჭოთ. მოსწავლე ადვილი დართული დაბრკოლების გადალახვისთვის სხვადასხვა ზიღო უნდა მიიღოს. ამ გზითის საკუთარი ნაშრომის აღკვეტუნად შეფასებასაქ ინსტავდის.



შეფასებადი დავალების შედგენამდე ჯერ რამდენიმე კითხვას უნდა ვუპასუხოთ: რას ვაფასებთ? არის თუ არა ფასეული ის ცოდნა, რომელსაც მოსწავლისგან ვითხოვთ? გაზომვადია თუ არა სწავლის შედეგები? სწორად არის თუ არა შერჩეული დავალების/აქტივობის ფორმა? შეესაბამება თუ არა დავალების სირთულეს ქულების სისტემას? თუ ფაქტობრივად ცოდნა არა, მაშ, რა უნდა შევავსოთ ყოველი თემის დასასრულს? თუ ერთ წერილობით ნაშრომში მიღებული ქულა მოსწავლის წერით უნარ-ჩვევას მხოლოდ კონკრეტულ დროსა და მომენტში ზომავს, მაშინ რატომ აქვს ერთნაირი წონა მიმდინარე და შემთავამებელ შეფასებებს?.. მოკლედ, კითხვა უამრავია, მათზე პასუხის გაცემა კი – არც ისე ადვილი.

რაც შეეხება შეფასებადი დავალების სტრუქტურას, რაც უფრო მრავალფეროვანი და არასტან-

დარტული თავსატეხებითაა ის აგებული, მით უფრო რთულდება ჯამური ქულის გადანაწილება. უნდა შევეცადოთ და დავალებებს ქულები სირთულის მიხედვით მივანიჭოთ. მოსწავლემ ადვილი და რთული დაბრკოლების გადალახვისთვის სხვადასხვა ჯილდო უნდა მიიღოს. ამ გზით ის საკუთარი ნაშრომის ადეკვატურად შეფასებასაც ისწავლის. მოსწავლეთა დიდი ნაწილისთვის დავალების ინსტრუქციის წაკითხვა და გაგება პრობლემას წარმოადგენს, არადა, ამაზე დამოკიდებული დავალების შესრულების ხარისხი. ჩემი აზრით, შეფასების რუბრიკა ამ მიმართულებითაც უნდა ასახავდეს მოსწავლის პროგრესს.

აქვე გავიზიარებთ ჩემ მიერ შედგენილ შეფასების რუბრიკას, რომლის მიხედვითაც მიმდინარე სასწავლო წელს მოსწავლეების წერიითი აზროვნების უნარებს ვაფასებ.

**არგუმენტირებული ესეს შეფასების რუბრიკა (დაწყებითი საფეხური, VI კლასი)**

კრიტერიუმი	კრიტერიუმის აღწერა	ჯამური ქულა	შეფასება	ქულა
არგუმენტირება/ მსჯელობის დასაბუთება	ესეში გამოთქმული მოსაზრება/ თეზისი დასაბუთებული უნდა იყოს თემატური არგუმენტებით, საჭიროებისამებრ გაანალიზებული უნდა იყოს მოვლენებს შორის მიზეზშედეგობრივი კავშირები.	4	ესეში გამოთქმული მოსაზრება დეტალურად დასაბუთებულია თემატური არგუმენტებით (მინიმუმ 3 არგუმენტი), გაანალიზებულია მოვლენებს შორის მიზეზშედეგობრივი კავშირები.	4
			ესეში გამოთქმული მოსაზრება დასაბუთებულია ორი თემატური არგუმენტით, მოვლენებს შორის მიზეზშედეგობრივი კავშირი ზოგადადაა მიმოხილული.	3
			ესეში მოყვანილია ერთი თემატური, დასაბუთებული არგუმენტი, მეორე კი ნაწილობრივ უკავშირდება სამსჯელო საკითხს.	2
			თეზისი დასაბუთებულია ერთი თემატური არგუმენტით.	1
			ესეში გამოთქმული მოსაზრება არ არის გამყარებული თემატური არგუმენტებით. მსჯელობა არაა დამაჯერებელი.	0
თხრობის ორგანიზება/ სტრუქტურა	ნაშრომი უნდა პასუხობდეს დავალებას (დავალების პირობის გაგება); იგი ლოგიკურად უნდა იყოს ორგანიზებული, აზრობრივად თანმიმდევრული და გამართული; აბზაცები ერთმანეთს ლოგიკურად უნდა უკავშირდებოდეს.	2	დავალების პირობა ადეკვატურადაა გაგებული; ნაშრომი ორგანიზებული, აზრობრივად გამართული და თანმიმდევრულია. აბზაცები ლოგიკურადაა გამოყოფილი და ერთმანეთთან დაკავშირებული.	2
			ნაშრომი ნაწილობრივ პასუხობს დავალებას; ნაწილობრივ ორგანიზებული და თანმიმდევრულია, ცალკეული მონაკვეთი გასამართია აზრობრივად.	1



			დავალების პირობა არაადეკვატურადაა გაგებული; დარღვეულია სტრუქტურა; თხრობა არათანმიმდევრული და აზრობრივად გაუმართავია.	0
სტილი და ლექსიკა	აზრები ნათლად და თანმიმდევრულად უნდა იყოს გადმოცემული, ნაწერი – სტილისტიკურად გამართული; ნაშრომში მიზანმიმართულად უნდა იყოს გამოყენებული მდიდარი ლექსიკური მარაგი.	2	მოსწავლის ნააზრევი ნათლადაა გადმოცემული, ნაშრომი სტილისტიკურად გამართულია, მოსწავლის ლექსიკა მდიდარია და იგი მას ადეკვატურად იყენებს.	2
			ნაშრომში ცალკეული მოსაზრება ბუნდოვნადაა ჩამოყალიბებული, რამდენიმე მონაკვეთი სტილისტიკურად გაუმართავია. გამოყენებულია მწირი ლექსიკა.	1
			ლექსიკა მწირია, ხშირად ჭირს აზრის გაგება, ნაშრომი სტილისტიკურადაც გასამართია.	0
გრამატიკა	ნაშრომში დაცული უნდა იყოს თანამედროვე სალიტერატურო ენისა და გრამატიკული ნორმების საფუძვლის შესაბამისი მოთხოვნები. მასში არ უნდა იყოს დაშვებული წინასწარ განსაზღვრულ რაოდენობაზე (ნაშრომის სიდიდისა და მიზნის შესაბამისი) მეტი ისეთი ორთოგრაფიულ-მორფოლოგიური, სინტაქსური და პუნქტუაციური შეცდომა, რომელთა დაცვაც მოსწავლეებს ესგ-ის მიხედვით მოეთხოვებათ.  <b>შენიშვნა:</b> შეცდომების ხარისხისა და რაოდენობის მიხედვით, თითოეულ კრიტერიუმში შესაძლოა დაიწეროს შეფასების გრაფაში მოცემულ ქულებზე დაბალი შეფასებები ან წაზღვრულ მოსწავლის ძალისხმევა და პროგრესი.	2	სალიტერატურო ენის სპეციფიკა და გრამატიკული ნორმები დაცულია. მოსწავლის მიერ დაშვებული შეცდომების რაოდენობა არ აღემატება დასაშვებს.	2
			სალიტერატურო ენის სპეციფიკა და გრამატიკული ნორმები ნაწილობრივ დაცულია; მოსწავლის მიერ დაშვებული შეცდომების რაოდენობა რამდენიმე ერთეულით (განისაზღვრება საფუძვლისა და კონკრეტული დავალების მიზნის შესაბამისად) აღემატება დასაშვებს.	1
			წერითი ნაშრომი ენობრივ-გრამატიკულად გაუმართავია.	0





# წაიკითხე ჩემი წიგნი

**ბავშვისთვის  
 მონაღური შებო-  
 ნებები განსაზღ-  
 ვნივს ასაკამდე  
 გაუბეზარია. თუ  
 გვსურს, ნაბიჭ-  
 ნაბიჭ ვასწავლოთ  
 განსხვავებული  
 აღამიანების  
 მიმღებლობა ან  
 გავუღვივოთ  
 თანაბანსა,  
 დიდიხატუნადი მა-  
 ბადითები ამაშიც  
 ღაგვეხმარება.**

ცნობილია, რომ კითხვა ძალადობას ვერ იტანს. პატარა ადამიანების კითხვით დაინტერესებისთვის სიამოვნებასა და სიხარულთან დაკავშირებული აქტივობების გამოგონება ბევრად უფრო გამართლებულია. ერთ ძალიან საინტერესო თამაშზე უნდა ვიამბოთ, რომელიც ზამთრის არდადეგებზე მე და ჩემმა რვა წლის გოგომ გავაჩაღეთ.

უჩვეულო თავგადასავალი ზამთარში დაიწყო. სოფლის მონოტონური რიტმისა და გრძელი ღამეების გადასაგორებლად „დონ კინოტის“ კითხვა დავიწყე. ადგილ-ადგილ მინაწერებს ვუტოვებდი მარიამს, ჩემს მოსწავლეს, რომელსაც ჩემ შემდეგ სურდა მახვილგონიერი იდაღგოს გაცნობა. არშიებზე მარიამმაც დაუტოვა მინაწერები თანაკლასელ თამარს, მერე თამარმა წაიკითხა და ფურცლებს მისი კომენტარებიც დაემატა. ამგვარად შეიძინა განსაკუთრებული და ძვირფასი ამბები წიგნმა, რომელიც ყოველთვის გამახსენებს ჩემს მესამე რაჭულ ზამთარს, მარიამს, თამარს, დონ კინოტის ხიფათებზე სიცილს – ჩვენი ერთი-ანობის სიმბოლოდ ქცეულს.


არშიებზე დატოვებულმა მინაწერებმა ივლისის ცხელ დღემდე მოგვიყვანა. მესენჯერში წერილი მოწკაპუნდა, საჩუქარი მოგიმზადეთ და ჩვენს ჭიშკარს რომ ჩამოვივლით, გამოგაწოდებთო. 14 წლის მარიამს ელიფ შაფაქის „სიყვარულის ორმოცი წესი“ წარწერებიანი ბარათებით გადავესო, წებოვანი ლენტით საგულდაგულოდ შეეფუთა, წიგნის წაკითხვამდე და წაკითხვის შემდეგ წასა-

კითხი წერილები ხელნაკეთ კონვერტში გამხმარი ყვავილებთან ერთად მოეთავსებინა. ამგვარი „იძულების“ წესით წამაკითხა სასურველი წიგნი, მხოლოდ იმისთვის, რომ მერე შთაბეჭდილებების გამოზიარებელი ვყოლოდი, თან რაც შეიძლება მალე უნდა წამეკითხა მისი წიგნი. მარიამის წამოწყებამ გაამართლა. თურქი მწერლის რომანი ორ-სამ დღეში შემომეკითხა, თან ინტერესით ველოდი ფურცელ-ფურცელ მიმოხეულ წარწერებს. კითხვის პროცესში თითქოს მარიამიც ჩემთან ერთად იყო და კვლადკვალ მომყვებოდა განცდებსა და შთაბეჭდილებებში. იმდენად მოვიხიბლეთ პროცესით, გადავწყვიტეთ, სხვისთვისაც გაგვეზიარებინა.

მერე შევეკრიბეთ, ჩამოვწერეთ მიზნები, მოვიგონეთ თამაშის წესები, პროექტის სახე მივეცით და სახელად „წაიკითხე ჩემი წიგნი“ ვუწოდეთ. გავიხსენეთ ადამიანები, რომლებსაც კითხვა უყვართ და, ჩვენი წარმოდგენით, წიგნის ამგვარად წაკითხვა გაახალისებდათ. ბავშვებმა რამდენიმე წიგნი მათთვის წაიკითხეს. ჩანაფიქრმა გაამართლა. შემოვიკრიბეთ უფროსი მეგობრები და ერთმანეთს ძალიან საინტერესო ურთიერთობები ვაჩუქეთ.

პროექტის მოკლე აღწერილობა ასეთია: მე ვკითხულობ წიგნს, არშიებზე ვტოვებ მინაწერებს, ადგილ-ადგილ – წარწერებიან ბარათებს, ვწერ წიგნის წაკითხვამდე და წაკითხვის შემდეგ წასაკითხ წერილებს და ვუგზავნი სასურველ ადრესატს, რომელიც ერთი თვის განმავლობაში კითხულობს

ჩემს წიგნს, მპასუხობს ან არ მპასუხობს შეკითხვებზე, სურვილისამებრ ეხმარება გამოთქმულ მოსაზრებებს და მწერს წერილს. მთავარია, წაიკითხოს და შთაბეჭდილებები გამოხატოს, მერე კი უკვე თვითონ არჩევს ჩემთვის ნაწარმოებს და ამავე ფორმით მაკითხებს თავის წიგნს.



შედეგად პოულობ ადამიანს, ვისაც უზიარებ კითხვისას დაგროვებულ ემოციებს, ცდილობ წაკითხულის გაზრებას, კარგად ეცნობი ავტორს, სათაურს, პერსონაჟებს და ასე ნაბიჯ-ნაბიჯ ივითარებ მკითხველის უნარ-ჩვევებს. თამაში შეიძლება წამოიწყონ მეგობრებმა, მოსწავლე-მასწავლებლებმა, ოჯახის წევრებმა, უცნობმა თუ ნაცნობმა ადამიანებმა. სწავლა-სწავლებისას ამგვარი აქტივობა განსაკუთრებით სასურველია უფროსსა და უმცროსს შორის, რადგან უფროსი ადამიანის გამოცდილება ძალიან მნიშვნელოვანია, ხოლო მოზარდის სიხალისე და გულწრფელობა – გადამდები და ახალი ძალის მომცემი. ჩვენი პროექტი თავდაპირველად ორ მოსწავლეს და შვიდ უფროსს მოიზარებდა, ახლა კი სხვებიც შემოგვიერთდნენ და მალე ბლოგზე გადავიტანეთ-ლებთ, სადაც შევეცდებით, რაც შეიძლება მეტად ადამიანს წავაკითხოთ წიგნები და ჩვენი გამოცდილება გაუზიაროთ.


პროექტის მიზნებმა ასეთი სახე მიიღო:

1. ჩემი წიგნი დროზე ადრე წავაკითხო სასურველ ადამიანს;

2. გამოვხატო შთაბეჭდილებები და გავიგო მისი აზრი;
3. ერთად წაკითხულმა წიგნმა დაგვაახლოოს;
4. შედგეს კომუნიკაცია სხვადასხვა ასაკის ადამიანებს შორის;
5. კითხვა სოციალურ მოვლენად ვაქციოთ;
6. წიგნებს ვაჩუქოთ ახალი სიცოცხლე;
7. გავხდეთ დაკვირვებულნი მკითხველი;
8. დრო საინტერესოდ გავატაროთ;
9. ურთიერთობები შინაარსიანი გავხადოთ.

ამ ყველაფერთან ერთად აღსანიშნავია პროექტის კიდევ ერთი დადებითი მხარე – წიგნების გასულიერება, მათთვის ამბების გამოგონება. ადრესატთან გაგზავნისას წიგნი მოგზაურობას იწყებს, მერე უკან ბრუნდება და განსაკუთრებულად ძვირფასი ხდება იმ თავგადასავლების გამო, რომლებსაც თან მოიყოლებს.

როგორც წერილის დასაწყისში ვახსენე, წამოწყებამ მე და ჩემი რვა წლის გოგოც მოგვზიბლა. ვიამბობთ ერთად წაკითხული წიგნზე, ანუ დედა-




შვილის მიერ წამოწყებულ თამაშზე, რომელმაც დამარწმუნა, რომ ბავშვის წიგნამდე მისაყვანად და ინტერესის გასაღვივებლად არაჩვეულებრივი გზაა, წაიკითხო მისთვის, დაუტოვო მინაწერები, მინიშნებები და კითხვა დღესასწაულად უქციო. თეკლამ ჩემთვის პირველად წაიკითხა ანე-კატარინე ვესტლის „ანტონის საჩუქრები“. სკოლაში დაატარებდა და დარდობდა, ბავშვები რომ მეკითხებიან, რატომ წერ წიგნში, ვერ ვუხსნი მიზეზს, ჰგონიათ, ასე არ შეიძლებოა. არადა, ფანქართან ერთად კითხვა საუკეთესო გზაა გასაგე-



ბად და გასააზრებლად, მკითხველის გემოვნების ჩამოსაყალიბებლად და, რაც მთავარია, ინდივიდუალობის გასაღვივებლად. იმის მიხედვით, რას გახაზავს, რაზე დასვაშს აქცენტს, ხვდები, როგორია, რა უხარია, რა ამახსოვრდება და კიდევ უფრო უახლოვდები მის შინაგან სამყაროს.

შობას თეკლას მეგობრის – მარიამის დაბადების დღეზე აღმოვჩნდით. ბავშვები გასართობ ცენტრში დავტოვე და საჩუქრისთვის წიგნის მალაზიაში გავიქეცი. ვესტლის რამდენიმე წიგნი მარიამისთვის გამოვაქროლე, ცხელ-ცხელი, ახალგამოცემული მეშვიდე ნაწილი კი თეკლასთვის ვიყიდე. სანამ ბავშვები ერთობოდნენ, გადავშალე და კითხვა დავიწყე. რეალობამ წიგნის პირველივე გვერდზე გადაინაცვლა – იქაც შობა დამხვდა.

„მორტენი, დიდდა და ქარიშხალა“ დიდი ოჯახის ყოველდღიურობაა – უბრალო ამბებითა და ერთმანეთით ხარობენ. ყველაზე მეტად კი ბებისა და შვილიშვილის მეგობრობა მოგხიბლავთ.



თამაშის წესები ვზადებდა გამოიკვეთა. ყურადღებას ვამახვილებთ სხვადასხვა ქრილით, მაგალითად:

**1. საერთოაზრები** – სიუჟეტში აუცილებლად შეგვხვდება ერთი სიტყვა, წინადადება, ეპიზოდი ან პერსონაჟი, რომელიც საერთო ამბავს გაგახსენებთ. ამგვარ დეტალებზე ყურადღების გამახვილებით პატარა ადამიანებს ვასწავლით საკუთარი ცხოვრებით სინარჯულს, შემოვუნახავთ დაუვიწყარ მოგონებებს, მაგალითად,

ერთ-ერთ ილუსტრაციაზე მორტენი ნაძვის ხის ძირას დგას, მე კი შემდეგი წარწერა დავუტოვე:

„ეს ხის ფესვი, იცი, რას მახსენებს? ბელლორის ხაგსიანი ხის ფესვებს, შენ რომ დაძვრებოდი ხოლმე“.

თეკლას კი ერთგან გაუხაზავს სიტყვა „ფოტოაპარატი“ და არშიაზე დაუწერია: „დე, შენ რომ გვიღებდი ფოტოაპარატით, გახსოვს?“

„– ერთი წუთით... აქ დამიცადეთ, – უთხრა დედამ ბავშვებს, საშარეულოში შეივრბინა, ხუთი ფუნთუშა და თხის ყველის ნაჭრები გამოიტანა და შეშინებულ ბავშვებს ჩამოურიგა“. ანასტასიას ბებოს ჰყავდა თხა. ბებოს ოლია ერქვა. მე ის ძალიან მიყვარდა. ხშირად მახსენდება-მეთქი, ვუწერ მეგობრის ბების შესახებ და მინდა, თვითონაც წამოიყოლოს ბავშვობიდან ადამიანები.

**2. სიხვედრის აღმოჩენა** – ლამაზ სიტყვებზე ყურადღების გამახვილებით ბავშვებიც სიტყვის მაძიებლები ხდებიან. ადგილ-ადგილ ვხაზავ, ყოველი თავის ბოლოს კი სიას ვუწერ. ასე დავაგემოვნეთ უცნობი სიტყვები: ზღურბლი, შურდული, ქაშაყი, კასრი, ძელსკამი, მალაყი, ციმციმა, ეფვანი, მარხილი... სანაცვლოდ თეკლაც მაცვარებდა თავის აღმოჩენილ სიტყვებს, ლურჯი ფანქრით გახაზული „დაუცაცხანა“ დამახვედრა წარწერით – „კარგი სიტყვა“, ერთგან კი ისრით მანიშნა სიტყვაზე „ბოროტი“ და ასეთი რამ მომწერა: „ვერ ვიტან „ბოროტ“ სიტყვას!“

**3. ღიხინაზური კარაქები** – შეიძლება, რომელიმე ადგილმა ცნობილი ზღაპარი, ლექსი ან საბავშვო წიგნი გაგახსენოთ. აუცილებლად გახადეთ შესამჩნევი. ამგვარად ტექსტიდან ტექსტში მოგზაურობას დაუდებთ სათავეს.

„უცებ ხის ქვედა ტოტები ოდნავ შეირხა და იქიდან კურდღელი გამოცუნცულდა. მორტენს მოეჩვენა, თითქოს პირდაპირ მისკენ მორბოდა...“ – კურდღლის უეცარმა გამოჩენამ რომელიმე წიგნი ხომ არ მოგაგონამეთქი, არშიაზე ვეკითხები თეკლას ზამთრის არდადეგებზე წაკითხული ლუის კეროლის „ელისის“ გასახსენებლად.



**4. ხრონიკის ანგარიში** – ბავშვისთვის მორალური შეგონებები განსაზღვრულ ასაკამდე გაუგებარია. თუ გესურს, ნაბიჯ-ნაბიჯ ვასწავლოთ განსხვავებული ადამიანების მიმღებლობა ან გავუღვივოთ თანაგანცდა, ლიტერატურული მაგალითები ამაშიც დაგვეხმარება.

„უცნაური თავი“ ერთ-ერთი თავის სათაურია. იქვე მინაწერი დაუტოვე: „**მომწონს უცნაური ხალხი. ბავშვებიდან მომწონდა განსხვავებული ადამიანები.**“

მომდევნო მონაცვეთი კი ლურჯად გავუზახე: „**ხომ იცით, სიმართლის თქმა ყოველთვის ძნელია, მაგრამ აუცილებელი. ადამიანი, რომელიც სიმართლეს არ გაუბრბის, ყველანაირ გაუგებრობას იცილებს თავიდან. ეს გახსოვდეთ!**“

**5. მშვენიერი აქტები** – ალბათ, ხშირად დაფიქრებულხართ, უზბანული გარემო და რიტმი როგორ გვიხვევს შინაგან სამყაროს, დრო აღარ გვრჩება (ცაში სამზერლად, სხვისი ღიმილის შესამჩნევად, უფრო და უფრო ვულრმავდებით საკუთარ პრობლემებს, ვფიქრობ, ბავშვებიდან ყურადღების გამახვილება სამყაროს მშვენიერებაზე საიმედო საყრდენი იქნება პატარა ადამიანის ჰარმონიული განვითარებისთვის. ამგვარად გზას გავუკვალავთ საინტერესო ცხოვრებისკენ.

„**ცა ახლა მუქი ლურჯი უფროა, – შენიშნა მინამ, – მაგრამ ვარსკვლავები ლამაზად ციმციმებენ.**“ საგანგებოდ გავაფერადე ეს ფრაზა, თეკლამ კი ერთგან შემდეგი წინადადება გახაზა: „**არყის ხე ყინულის ქირხლით იფარება.**“

„**დიდებამ კიდევ ერთხელ შეიყნოსა ხის სურნელი.**“ „**ყველა სურნელზე მეტად მიყვარს,**“ – სხვა გვერდზე ვუტოვებ მინაწერს.

**6. იპოვინი** – „ხა, ხა, ხა, ხა!“ – თეკლა ყველაზე ხშირად ამ შორისდებულს მახვედრებს და ძირითადად დიდდას თავქარიანობებზე ეცინება. ის კი არადა, მითხრა, ძალიან მინდა, დიდდას დაემსგავსო.

ალბათ, ვესტლის მიერ აღწერილი ოჯახის მთავარი თვისება მხიარულებაა, რომელიც ყველა ასაკის მკითხველს ხიბლავს. აბა, როგორ არ გავეცინება, ეზომი ხის ცხენზე შემოს-


კუპებულ დედას რომ აღმოაჩენ ან რომელიღაც თავში პატარა გოგოსავით გამოწყობილი დიდდა რომ გამოგეცხადება?

„**რა სასიამოვნო სუნი დგას აქ. მგონი, ღურგალს სიამოვნებით გავყვებოდი ცოლად.**“

**მორტენმა სასოწარკვეთილმა შეხედა. რას წარმოიდგენდა, რომ იმ მაღაზიაში დიდდა დაქორწინებაზე დაიწყებდა ლაპარაკს?!** – ისე გაფერადებული და ხაზგასმული ეპიზოდებიდან. დაკვირვებული ვარ, ყველაზე მეტად მხიარული ამბავი ახალისებთ. წიგნში აღმოჩენილი სასაცილო თავგადასავლები დიდი თუ პატარა მკითხველის ემოციურ სამყაროს დადებითი ძალებით ავსებს.

კიდევ ბევრ რამეზე შეიძლება ყურადღების გამახვილება, თუმცა ინსტრუქციის აღწერილობა და ჩამონათვალი საკმარისია იმაში დასარწმუნებლად, რომ წიგნის ამგვარად წაკითხვით წინ დიდი სიამოვნება გელით. მოარგეთ მიზნები თქვენს ფანტაზიას, გემოვნებას და წაკითხვით სასურველი ადამიანისთვის. ისიამოვნებთ, მოლოდინი შეგიპრობთ, ცხოვრებას გაიმრავალფეროვნებთ, სხვაზე ფიქრს ისწავლით, წერით თუ შემოქმედებით უნარ-ჩვევებს გაიქტიურებთ, საფუძვლიანად გაიცნობთ ავტორებსა და ნაწარმოებებს, სიხარული აგავსებთ და, თქვენ წარმოიდგინეთ, დროისა და სივრცისთვის ფორმის შეცვლასაც კი შეძლებთ.

კატანა აღამინების პითხვით  
ღინსტინსაბისთვის სიამოვნებასა  
ღასინარუღთან  
ღაკავშირებაში  
აქტივობების  
გამომონება  
ბეზრად უფრო  
გამართლებულია.  
ერთ ძალიან საინტინსოთაგაზგა  
უნდა გინამომოთ,  
რობელის გამთინის  
არღაღებებზე მე  
ღა ჩიბმა რვა ზღის  
გომომე  
გავარალეთ.





მაია მენაბდე

# ინანიშვილის ხედვებია და რიტუალოების მკვლევარი

„და აღდგა და მოვიდა იგი მამისა თვისისა. და ვიდრე შორსლა იყო, იხილა იგი მამამან მისმან და შეეწყა-  
ლა. და მირბოდა იგი და დავარდა ქედსა ზედა მისსა და ამბორს – უყოფდა მას“.

უძღვები შვილის იგავი, ლუკას სახარება, მე-15 თავი, 11-32

რამდენჯერაც რევან ინანიშვილის ყველაზე ჰუმანურ სამყაროს გადავაწყდები, იმდენჯერ ვფიქრობ: რა გვემელებოდა ჩვენ, ქართველებს და ჩვენ, მასწავლებლებს და ჩვენს მოსწავლეებს, რევან ინანიშვილი რომ არ დაბადებულიყო. კაც-თმოყვარეობა ყოველი დიდი მწერლის შემოქმედების განმსაზღვრელია, მაგრამ ასე ხელისგულზე დადებული, დატეული, თვალსაჩინო და ადვილად ხელმისაწვდომი იშვიათად შემხვედრია. ეს მისი ხელწერაა. სულ მგონია, რომ მისი მოთხრობები და ნოველები ყველაზე მეტად გვასწავლის სიყვარულს და არასოდეს დაავიწყდებათ ბავშვებს.

ამ სტატიაში მის ერთ საინტერესო, გამორჩეულ, აქტუალურ ნაწარმოებზე უნდა ვისაუბრო – „ჩიტების გამოშამთრებელზე“. ამ ნოველა-პიესას მეწვიდეკლასელები სწავლობენ (ჩემი აზრით, ერთი წლის მერე რომ ესწავლათ, უფრო უპრიანი იქნებოდა). ადვილად იგებენ-მეთქი, რომ გითხრათ, ტყუილი იქნება, მაგრამ საერთოდ არ ესმით-მეთქი, არც ეს იქნება მართალი.

არაერთხელ მომისმენია და წამიკითხავს კიდეც სავსებით დამაჯერებელი და მისაღები აზრი, რომ „ჩიტების გამოშამთრებელი“ ანტისაბჭოთა ტექსტია და მისი კარგად გაგებისთვის ბავშვებმა ეპოქა უნდა გაიზონ, მაგრამ მე მაინც არასოდეს ვასწავლი მათ ანტისაბჭოთა ქვეტექსტებით. ჩემთვის ეს ნაწარმოები სამი პიროვნების ტრაგედია უფროა, რომლებსაც ეპოქის შეცვლა ვერ უშველის.

ნოველა-პიესა იწყება კონტრასტით. ფოტოსურათით: „გალიმებულ ახალგაზრდა ქალ-ვაჟს შუაში უბის ორი-სამი წლის კოპებშეკრული ბიჭი“.

და ცოტა ქვემოთ: „სამზარეულოდან გამოდის ორმოცი წლის დაბალი, რბილნაკეთებიანი ქალი. გზა-გზა იხსნის წითელ, გამჭვირვალე წინსაფარს, თეძობთან ისწორებს კაბას, მერე - კეფაზე ფომფლო გორგლად დახვეულ თმას. კარის საკეტს გადასწევს. შემოვა შეჭალარა-ვებული ჯმუხი მამაკაცი, გაზეთში გახვეული რაღაც უჭირავს. დაღლილ, ნაღვლიან თვალებს თითქოს არიდებენ ერთმანეთს“.

კოპებშეკრული პატარა ბიჭი ნაწარმოების ბოლომდე არ ჩანს. სამაგიეროდ, მთელი ნოველის განმავლობაში ვისმენთ, როგორ ლანძღავს და წყევლის დედა შვილს მხოლოდ იმიტომ, რომ არ სწავლობს; რომ ქალს თურმე დასცინიან, რადგან „ოროსნის“ დედაა. ამავე მიზეზით ერთმანეთს უპირისპირდებიან მშობლები, აფრქვევენ აგრესიას, ერთმანეთს ამცირებენ და ადანაშაულებენ.

როგორი დაღლილი უნდა იყოს დამთრგუნველი რუტინით, უსიყვარულობით, საზოგადოების მახინჯი დამოკიდებულებით ქალი, იმ დედების ადგილას რომ ინატროს თავი, რომლებიც ასტონიანი ტანკების შესაჩერებლად ბენზინით სავსე ბოთლების ამარა უშვებენ შვილებს?! „იმათ დედებს მოკრძალებით, შიშითაც კი შეჰყურებდნენ“.

სხვა დედები, რომლებსაც ასეთი უბედურება არ დასტყდომოდათ თავს“.

განსხვავებული პერსონაჟია მამა, რომელიც საკმაოდ პროგრესულად მოაზროვნე ადამიანი ჩანს, საინტერესოდ ლაპარაკობს საზოგადოების იმ მანკიერებებზე, რომლებიც დღესაც ისეთივე აქტუალურია:

**🍎 მხოლოდ საკუთარ კომფორტზე ფიქრსა და კაბინეტმანიაზე:**

„...ნუთუ ვერ ხედავთ, რომ ეროვნულ უბედურებად იქცა კაბინეტებისაკენ სწრაფვა! ყველას უნდა, რომ მას ემსახურებოდნენ, ყველას უნდა, რომ თეთრი, ფაფუკი ხელები ჰქონდეს!.. მამაკაცებს, დღეში რომ სამ კილო ხორცსა და ათ ბოთლ ღვინოს ნთქავენ, თეთრი ხელები უნდათ, თეთრი ხელები და თეთრი ტელეფონი. ნუთუ ვერ ხედავთ, რომ მუცლები მოგვექცა თავზე!.. ეგ არის ყოველგვარი უკუღმართობის სათავე – ჩემი ოჯახი, ჩემი გეგვა, ჩემი სალაფავი და შიგ ყურებამდე ჩაფლული თავი, რომ სხვამ არ ჩაგვიკრას ღინვი“.

**🍎 იმაზე, რომ პროფესიული განათლება სამარცხინოა:**

„სადამდე მიდის ჩვენი უგუნურება! თან პროპაგანდას ვუწევთ, თან ჩვენ თვითონ ვაცხადებთ პროფსასწავლებლებს სასჯელის მოსახდელ ადგილებად. ჩვენ თვითონ ვეუბნებით ბავშვებს, რომ საშინელ დღეში ჩაცვივდებიან, თუ პროფსასწავლებლებში მოხვდნენ“.

**🍎 იმაზე, რომ ძალადობა კარგი შვილის აღზრდის გზად მიიჩნევა:**

„...შენ მეუბნები, ბავშვებს ჩავუნერგო შიში, ჩავუნერგო, რომ, რაც გასაკეთებელი აქვთ, უნდა გააკეთონ, თუ არ გააკეთებენ, მე გეკითხები, რა ვქნა-მეთქი?! თუ არ გააკეთებენ, ყვლები დავჭრა ამ უძღურებს?“

გარდა ამისა, მკითხველს ის მზრუნველ მამად ეჩვენება, მაგრამ ცოლი საყვედურობს, რომ



უყურადღებოა შვილის მიმართ, არ ერევა მის ცხოვრებაში, სამსახური უფრო მნიშვნელოვანია მისთვის...

ამ პატარა ნაწარმოებში კარგად ჩანს, როგორ შეიცვალნენ მშობლები სიყვარულიდან უსიყვარულობამდე, მათი ღიმილი მობერებულ სახეებზე დაღლილმა, გაღიზიანებულმა, სინარულს მოკლებულმა გამომეტყველებამ შეცვალა. მაგრამ რა დაემართა ბიჭს? კოპებშეკრული სამი წლის ბიჭი ჩემთვის პატარა ინდივიდია. იქნებ სურათის გადაღება არ უნდოდა და უკმაყოფილებას გამოხატავს? იქნებ მშობლებზეა გაბუტული? არ ვიცით, მაგრამ ეს შეკრული კოპები მის ხასიათს ნამდვილად იტევს. და წლების შემდეგ როგორია იგი?

ფინალში ბიჭის პორტრეტი ასეთია: „შემოდის გაღიმებული თხუთმეტი წლის ბიჭი. მალა-





ჩა გვაშვებდებოდნენ ჩვენ, ქართველებს  
 და ჩვენ, მასწავლებლებს და  
 ჩვენს მოსწავლეებს, ჩვენს  
 ინანიშვილი რომ არ დაგვადებდნენ.  
 კახთმოყვანეობა ყოველი დიდი მწიგნობის  
 შემოქმედების განმსაზღვრელია,  
 მაგრამ ასე ხელისგუდზე დადებული,  
 დატყუნი, თვალსაჩინო და აღვიდად  
 ხელმისაწვდომი იშვიათად შეხვედრია.  
 ეს მისი ხელწერაა. სურ გმონია, რომ მისი  
 მოთხრობები და ნოველები ყველაზე  
 მეტად გვასწავდის სიყვარულს და  
 აჩვენებს დაავიწყებათ ბავშვებს.



*ლია, წვრილი, მხრებში მოხრილი. გრძლად გაშვებული სქელი თმა კიდევ უფრო უპატარავეებს ისედაც პატარა, სიგამხდრისაგან ჩამუქებულ, ჩატეტკილ სახეს. გაბერილი ქალაქის პარკი უკავია მკერდთან. მთელი სხეულით მოაქვს გასახარი ამბავი“. გგონია, რომ ყველაფერი კარგადაა. რაც მთავარია, ბიჭი გახარებულია. ეს სიხარული პატარა, ფერადი, აფრთხილებული ჩიტბატონებია, რომლებიც უნდა გამოიზამთროს. ისეთი ხალასი და წრფელია ეს გრძნობა, განა რა უნდა დაემუქროს?! (წამით გაიღვებებს ჩემს წარმოსახვაში ფოტოსურათი; შუახნის კოპებზეკრული დედ-მამა და შუაში – გაღიმებული 15 წლის ბიჭი). მაგრამ წარმოუდგენელი რამ ხდება – შვილის უსაქციელობით, უსაქმურობით, საკუთარი უსუსურობით, ქმრის განზე დგომით დაღლილი დედა ბრაზს ფერად ჩიტებზე ანთხევს:*

*„ქალი იმ მეორე ჩიტსაც მისწვდა, აჭყვივლებული მიასრისა კუთხეში.*

*ბიჭი: კარგი, დედა!*

*დიდი, საბრალობელი თვალები ცრემლებით აქვს სავსე. მიდის, ჯერ ერთ ჩიტს აიღებს უმწეო ფრთებით, მერე – მეორეს. დგას ჩიტებით ხელში, თითქოსდა ფეხებდაუძლურებელი.*

*მერე უცნაური ლაყუნით მიდის, სანაგვე ყუთში ყრის.*

*ბიჭი: კარგი! კარგი!..*

*ფერდაკარგული ქალი იატაკის საწმენდ ჯოხს საკუჭნაოში შეიტანს და კარს ღონივრად გამოხურავს“.*

რა ტკივილამდე სევდიანია ბიჭის მიერ ნათქვამი „კარგი, კარგი“. უდიდესი სასოწარკვეთის, სხვისი გაღიზიანებისგან დაღლის, ყოველგვარი ძალადობისადმი უსიტყვო მორჩილების გამოხატულება. დედა, რომელიც დაუფიქრებლად უკლავს ბიჭს იმას, რაც თავად მასში უკვე მკვდარია – ცხოვრების სიყვარულს, სიხარულს, სილამაზის განცდას, შინაგან თავისუფლებასა და სიხალასეს – უარეს ვერაფერს გაუკეთებდა





ამ სტატიის მიხედვით  
 ერთ სანიშნურად,  
 გამოჩნდება,  
 აქტუალურ ნაწარ-  
 მოვება უნდა  
 ვისაუბრო –  
 „ჩიტების გამო-  
 ზამთრებად“. ამ  
 ნოველა-პიესას  
 გეგმიური კადა-  
 დები სხვადასხვა  
 (ჩემი აზრით,  
 ერთი წლის გარე-  
 რომ ესტაბლიშ-  
 მენტი უკიდურესი  
 იქნებოდა).  
 აღვიღო  
 იგაბან- მათქი,  
 რომ ბითხნათ,  
 ტყუილი იქნება,  
 მაგრამ საერთოდ  
 არ ესმით-მათქი,  
 ან ან იქნება  
 განათად.

შვილს. ეს უკიდურესი აგრესია დედის ტრაგედი-  
 აა. ბიჭი არ ბრძანდება, არ ხდება აგრესიული, არ  
 უნდება პროტესტი, მხოლოდ სევდიანი „კარგით,  
 კარგით“ ისმის, ეს, წესით, საგანგაშო უნდა იყოს  
 დედისთვის...

მკითხველის ყურადღება მაშინვე გადადის მამაზე,  
 მხსნელს ეძებს ჩვენი ფიქრი „პროგრესულად  
 მოაზროვნე“ მამაში, მაგრამ... „მამაკაცი ჭამს,  
 თეფშს ჩაჰყურებს“, „მამაკაცი ხმას არ იღებს“.  
 თურმე დედა მართალი ყოფილა! უფრო უარესიც  
 – მამა ამბობს ამ ნოველაში ყველაზე გულსიმძ-  
 ვლელ სიტყვებს: „თუ არავინ გავალებს, არც  
 ჩიტების გამოზამთრებაა საჭირო“. ეს სიტყვები  
 მამის ტრაგედიაა. გულგრილობა ხომ ისეთივე  
 დამლუპველია ხშირად, როგორც აგრესია.

არაერთ სტატიაში მიხსენებია, მაგრამ რა ვქნა,  
 გავივლ-გამოვივლი და ისევ ამ ფილმს მივადგები  
 ფიქრით – კენ ლოუჩის „კესის“ ( <http://net.adjara.com/Movie/main?id=9086> ). ისიც ამავე პრობ-  
 ლემებზეა. დავსხდეთ მშობლები, მასწავლებლები  
 და ვუყუროთ ხშირად, ძალიან ხშირად, სანამ არ  
 დავიზებოთ. იქნებ თავსაც ვშემვლოთ და  
 შვილებსაც...

ერთი კაცი იყო, მთელი დედამიწა იცნობს, კარ-  
 გად წერდა და მასწავლებლობდა კიდევ. სანამ  
 პატარა ებრაელებს გაზის კამერაში მხოლოდ  
 იმიტომ შეუძლებოდა, სიკვდილის შიში რომ არ  
 ეგრძნოთ და მათთან ერთად მოკვდებოდა; ბევრი  
 კარგი წიგნი დაწერა და მშობლის ათი მცნება  
 დაგვიტოვა. ათივე სახეპიროა, მაგრამ ბოლო –  
 განსაკუთრებით:

„10. გიყვარდეს შენი შვილი ყველანაირი: უიღბ-  
 ლო, უნიჭო, წარუმატებელი. მასთან ურთიერ-  
 თობისას გახსოვდეს – ის შენთან მხოლოდ  
 გარკვეულ დრომდეა“ (იანოშ კორჩაკი).

მე დედა ვარ, ჩემი შვილებიდან ზოგი სასწავ-  
 ლებლადაა წასული, ზოგი – სამუშაოდ, ზოგი  
 გამოცდისთვის ემზადება, ზოგი თავისთვის ზის  
 და თავისუფლებზე წუწუნებს, ზოგი აქციაზე  
 ეძებს თავის წილ სიმართლეს, ზოგი პოულობს,

ზოგი – ვერ, შინ ბრუნდება და შემომჩივის... ზოგი  
 ძალიან პატარაა. გაიზრდებიან და ზოგს ემასხოვ-  
 რება, ზოგს – არა, მაგრამ მაინც უნდა დაფუძ-  
 და ყველას ერთად ან სათითაოდ ველაპარაკო,  
 ველაპარაკო, ველაპარაკო, ველაპარაკო, ველაპა-  
 რაკო... ველაპარაკო.

ჰო, ჩვენ დედები ვართ და არა ღმერთები, უძლებ  
 შვილებს დანახვისთანავე სინანულის მოლოდი-  
 ნის გარეშე რომ შევეგებოთ და გულში ჩავიკრათ.  
 მაგრამ იმხელები კი ვართ, ვიცოდეთ, შვილებს  
 ლანძღვა, გაგდება, დასჯა, ზიზღი, სიძულვილი,  
 მათი უმსგავსო ვიდეოების უთავბოლო ტრიალი,  
 სოციალური ქსელებიდან თითის ქნევა, ეროვნულ  
 გმირებთან დამცინავად შედარება ვერ შემოაბ-  
 რუნებს.

იმხელები კი ვართ, ვიცოდეთ: როცა ფერად  
 ჩიტბატონებს ვხოცავთ, საკუთარ შვილებს ყვე-  
 ლაზე ლამაზ, ხალას ოცნებებს ვუკლავთ, ოცნება,  
 სიხარულ და თავისუფლებას ჩაკლული შვილები კი  
 ქვეყანას ვერ ააშენებენ.

**P.S.** იმ კარგმა კაცმა მეცხრე მცნებად დაწერა:  
 გიყვარდეს უცხო ბავშვებიც; სანამ გადაწყ-  
 ვებ, როგორ მოექცე, მათ ადგილას ყოველთ-  
 ვის შენი შვილი წარმოიდგინე.





მაია უირიძე

# დიფინსიონაზი სწავლა როგონც მოსწავლეთა ჩადიზაში ეფექტური საშუალება

დიფინსიონაზი ნიშნავს დაყოფას, დანაწილებას, მთავრის გაყოფას ნაწილებად, ფორმისა და საფუძვარების მიხედვით დანაწილებას და თითოეულის ცად-ცადკე შესწავლას.

თანამედროვე სტანდარტები დიდწილად მიმართული განათლების ჰუმანიზაციისა და სწავლების ინდივიდუალიზაციისკენ, რომელიც თითოეული მოსწავლის რეალიზაციას უწყობს ხელს. ამ მოთხოვნის შესრულების ეფექტური საშუალებაა სწავლებისადმი დიფერენცირებული მიდგომა. მსგავს მიდგომებს ხშირად ვიყენებთ პრაქტიკაში, მაგალითად, როდესაც ვგეგმავთ გაკვეთილს, ვცდილობთ, ვუპასუხოთ კითხვას: როგორ მოვიქცეთ, რომ მოსწავლემ უზრალოდ კი არ დაიზებუროს გარკვეული რაოდენობის მასალა, არამედ ისწავლოს იმისა და მიუხედავად, რა საშუალება და როგორი პოტენციალი აქვს. და როდესაც მსგავს გეგმას შევადგენთ, აღმოჩნდება, რომ:

- ა) სასწავლო პროცესის ცენტრში დგას მოსწავლის პიროვნება (რაც დამახასიათებელია სწავლებაში დიფერენცირებული მიდგომებისთვის);
- ბ) სასწავლო პროცესის ორგანიზება აქცენტირებულია ინდივიდუალიზაციასა (რაც

წარმოადგენს დიფერენცირებული სწავლების მეთოდურ საფუძველს) და დავალებების დიფერენციაციზზე (გაკვეთილის ჩატარების მეთოდოლოგიაზე).

დიფერენციაციზი ნიშნავს დაყოფას, დანაწილებას, მთელს დაყოფას ნაწილებად, ფორმისა და საფუძვრების მიხედვით დალაგებას და თითოეულის ცალ-ცალკე შესწავლას. დიფერენცირებული სწავლებისას მასწავლებელი მუშაობს მთელ ჯგუფთან, რომლის თითოეულ წევრსაც სხვადასხვა ხარისხის ცოდნა აქვს, მაგრამ პროცესი მიმართულია „გათანაბრებისკენ“ – დავალებები დახარისხებულია თითოეულის შესაძლებლობის მიხედვით, რაც ერთიანობაში ხელს უწყობს თითოეული მოსწავლის მოტივირებას და შესაძლებლობებისა და ინტერესების მაქსიმალურ გამოვლენას, ერთმანეთთან სწავლას და თვითსწავლას.

სწავლებაში დიფერენცირებული მიდგომა პირველად გამოიყენეს XX საუკუნის დამდეგს და ის დაკავშირებულია ჰუმანიტა-

რული ფსიქოლოგიის წარმომადგენლების კ. როჯერსის, ა. მასლოუს, რ. მეის სახელებთან. დიდაქტიკის კუთხით დიფერენცირებული სწავლება თავის თავში მოიცავს განათლების მიზანს, შინაარსს, სწავლა-სწავლების საშუალებათა ორგანიზაციას და საგანმანათლებლო პროცესის ეფექტურობის თითქმის ყველა კრიტერიუმს. ის ეძებს გზას, უკეთესად დააკმაყოფილოს მოზარდის შემეცნებითი ინტერესი, გაუღვივოს და გამოიწვიოს კიდევ ის და მხარდაჭერა გაუწიოს განვითარებისა და პიროვნული ზრდის პროცესში.

- დიფერენცირებული მიდგომის ვარიანტებია:**
- 🍎 მოსწავლეთა დაყოფა ინტელექტუალური განვითარების მიხედვით, მათი მომავალი განვითარებისა და შემდგომი გაერთიანების მიზნით;
- 🍎 სრული თავისუფლება სასწავლო მასალის არჩევაში, მის შესწავლაში;
- 🍎 თვითმეფასება;
- 🍎 ინტეგრირებული სწავლებისა და, საზოგადოდ,

საგანთაშორისი კავშირების აქტიური გამოყენება ცოდნის გასაღრმავებლად.

**სხვადასხვა სახის დიფერენცირებული მიდგომის გამოყენებისას შედეგებიც სხვადასხვანაირია:**

- ❖ სიმძიმის ცენტრი გადატანულია სწავლებიდან მოსწავლეზე, რომელიც დამოუკიდებლად გადაამუშავებს და აითვისებს ინფორმაციას;
- ❖ მასწავლებელი ორიენტირებულია სამუშაოს შინაარსზე;
- ❖ კლასი ობიექტურადაა დაყოფილი მიკროჯგუფებად – მოსწავლე თვითონ ვერ აირჩევს სამიზნე დონეს, რომელიც შეესაბამება მის შესაძლებლობებს და მოთხოვნილებებს;
- ❖ კლასში მეფობს ურთიერთნდობისა და თანხმობის ატმოსფერო, მოსწავლეებს უყვართ ჯგუფური სამუშაო, რომლის დროსაც უვითარდებათ მოთმინების, ჯგუფური მუშაობის, მხარდაჭერის, კომუნიკაციის უნარები.

დიფერენცირებული მიდგომის გამოყენებისას მნიშვნელოვანი ფაქტორია მოსწავლის მოსწრების დონე. ამ მხრივ მოსწავლეები ძირითადად 3 დონედ იყოფიან: სუსტი, საშუალო და ძლიერ მოსწავლეებად. ჩვეულებრივი გაცვეთილი შეიძლება ჩავატაროთ მოსწავლეთა დონეების გათვალისწინებით:

**I ზონა** – ძლიერი მოსწავლეები, რომლებიც დამოუკიდებ-

ლად ასრულებენ რთულ საგარჯიმოებს, შეუძლიათ ცოდნის გამოყენება უცნობ სიტუაციაში და აქვთ შემოქმედებითი უნარები, გამოყოფენ საკითხიდან არსებითს, ძირითადად, კანონზომიერს, იღებენ მაღალ შეფასებებს;

**II ზონა** – შედარებით განვითარებული უნარების მქონე მოსწავლეები, რომლებსაც უჭირთ, ერთბაშად აღიქვან საკითხის არსი, გამოყოფენ კანონზომიერებები; ამისთვის სჭირდებათ გარკვეული დრო, მაგრამ შეუძლიათ დაინახონ ზოგადში კერძო და კერძოში – ზოგადი ელემენტები. სათანადო დახმარების პირობებში ამ ჯგუფის მოსწავლეებს შეუძლიათ, თავი გაართვან I დონის მოთხოვნებსაც;

**III ზონა** – სუსტი, არასაკმარისად მომზადებული მოსწავლეები, ანუ ისინი, რომლებიც დიდ ინტერესს არ ამჟღავნებენ ისტორიის საგნის მიმართ და თითქმის არ გააჩნიათ ისტორიულ მასალასთან დამოუკიდებლად მუშაობის უნარი. მათ არ შეუძლიათ ისტორიული მასალის აღქმა, წარმოსახვა, გადამუშავება, ემოციური დამოკიდებულების გამომჟღავნება, დამოუკიდებლად ანალიზი და შედარება. ისინი მასალას ითვისებენ მრავალჯერადი განმეორების გზით და ყოველთვის სათანადოდ ვერც ახერხებენ ამას, დავალებების

შესრულებას ანდომებენ ბევრ დროს.

**რაც შეეხება ჯგუფების შედგენას, დიფერენცირებული მუშაობის დროს ჯგუფები მუდმივი არ არის. ისინი არა მარტო დროთა განმავლობაში, არამედ ერთი გაცვეთილის ფარგლებშიც კი შეიძლება შეიცვალოს.**

**დიფერენციაციის საშუალებები:**

- ❖ დავალების შინაარსი მთელი კლასისთვის ერთნაირია, მაგრამ ძლიერ მოსწავლეებს ნაკლები დრო ეძლევათ მის შესასრულებლად;
- ❖ დავალების შინაარსი ყველასთვის ერთნაირია, მაგრამ ძლიერ მოსწავლეებს გაცილებით დიდი მოცულობის დავალება ეძლევათ, ვიდრე სხვებს;
- ❖ დავალება მთელი კლასისთვის საერთოა, მაგრამ სუსტ მოსწავლეებს ეძლევათ დამხმარე მასალა, რომელიც გაუადვილებთ მუშაობას (საყრდენი სქემები, ცხრილები, ნიმუში და ა.შ.);
- ❖ სხვადასხვა დონის მოსწავლეებს გაცვეთილის ერთ-ერთ ეტაპზე ეძლევათ სხვადასხვა შინაარსისა და სირთულის ამოცანები;
- ❖ მოსწავლეები თვითონ ირჩევენ დავალების ვარიანტს;
- ❖ მასწავლებელი ხშირად მიმართავს მასალის განმტკიცებას.

**დიფერენციაციის დროს მიმდინარე, თემატური და შემავაშბელი დავალებები სხვადასხვა**

დონისაა და განსხვავებულია უნარ-ჩვევების კუთხითაც. მაგალითად:

🍏 დამოუკიდებელი მუშაობის დროს დიფერენცირებული დავალებები მიმართულია ცოდნის გამჭვირვალობისკენ, მოქნილობისკენ, კონკრეტულობისკენ, გაცნობიერებისკენ. მათი შესრულებისთვის გამოიყოფა 10-15 წუთი.

🍏 სხვადასხვა დონის დავალებების დროს მოსწავლეებს ურიგდებათ განსხვავებული ფერის ბარათები სხვადასხვა დავალებით: მწვანე – I დონე, ლურჯი – II დონე, წითელი – III დონე. დავალებების რაოდენობა დამოკიდებულია შესასწავლ საგანზე, თემის სირთულეზე, მოსწავლეთა

ინდივიდუალურ თვისებებსა და დამოუკიდებელი მუშაობისთვის გამოყოფილ დროზე.

საჭიროების შემთხვევაში მოსწავლეს შეუძლია შეცვალოს დავალება ან ხელახლა შეასრულოს იმავე დონის სხვა დავალება. შეფასება დამოკიდებულია დავალების სირთულეზე: I დონე – 5/6 ქულა; II დონე – 7/8 ქულა; III დონე – 9/10 ქულა; მოსწავლეთა თვითშეფასებაში კი გამოჩნდება, რამდენად სწორად იქნა შერჩეული დონე.

დიფერენცირებულ დავალებებს შორის გვხვდება ადაპტირებული (შედარებით ადვილი) დავალებებიც, რომლებიც:

🍏 შეიცავს დავალების შინაარსს, ალგორითმს და მის

მინედვით შესრულებულ ნიმუშს;

🍏 დავალებას, რომელიც უნდა შესრულდეს წყვილში;

🍏 სხვადასხვა დონის დახურული ტიპის ტესტურ დავალებებს – მოსწავლეს სთავაზობენ 10-15 ტესტს, რომელთაგან თითოეულის შესასრულებლად დასჭირდება 7-10 წუთი.

განვიხილოთ გაკვეთილის ფრაგმენტი დიფერენცირებული დავალებებით.

**გაკვეთილის თემა** – „სალვო რომის იმპერია კარლ V-ის დროს“

**დრო** – 15 წუთი

**დაახლოებით 5/6-ქულიანი დავალება:**







დიფინიციონება-  
 დისნავიგაციას  
 მასწავლებელი  
 მუშაობს მთელ  
 ჯგუფთან, რომლის  
 თითოეულ წევრ-  
 საც სხვადასხვა  
 ხარისხის ცოდნა  
 აქვს, მაგრამ პრო-  
 ცესი მიმართულია  
 „ბათანაბრების-  
 კენ“ – დავალებები  
 დახარისხებულია  
 თითოეულის  
 შესაძლებლობის  
 მიხედვით, რაც ერ-  
 თიანობაში ხელს  
 უწყობს თითოე-  
 უდი მოსწავლის  
 მოტივირებას და  
 შესაძლებლობები-  
 სა და ინტერესების  
 გაქმნაზე და  
 მოვლენას, ერთე-  
 ნე თით სწავლას და  
 თვით სწავლას.

- 🍏 დაასახელეთ კონკრეტული რეფორმები, რომლებიც გატარდა კარლ V-ის ეპოქაში;
- 🍏 რას გეუბნებათ სახელები: ა) მ. ლუთერი? ბ) ფილიპე II?
- 🍏 როგორი იყო კარლ V-ის საშინაო და საგარეო პოლიტიკის შედეგები?

**დაახლოებით 7/8-ქულიანი დავალება:**

- 🍏 რას წარმოადგენდა „95 თეზისი“? ვინ იყო მისი ავტორი?
- 🍏 დაახასიათეთ, როგორ გაიყო ჰაბსბურგთა იმპერია ორ შტოდ.

**დაახლოებით 9/10-ქულიანი დავალება:**

- 🍏 რატომ თქვა უარი კარლ V-მ ნიდერლანდის სამეფოსა და ესპანეთზე და არა გერმანიზე?
- 🍏 რატომ დათანხმდა კარლ V 1555 წლის აუგსბურგის რელიგიურ ზავზე და არ გააგრძელა ბრძოლა რეფორმაციის წინააღმდეგ? მიაღწია თუ არა ამით მიზანს?

**ადაპტირებული დავალებები:**

- 🍏 მოამზადეთ პატარა დავალებები მოცემულ თემაზე (სუსტი მოსწავლისთვის);
- 🍏 დაწერეთ ესე მოცემულ თემაზე (დავალება ყველასათვის);
- 🍏 პრეზენტაციის მომზადება გაცვეთილის თემის მიხედვით და პრეზენტირება კლასის წინაშე;
- 🍏 კროსვორდის მომზადება (ყველა მოსწავლისთვის, მათ შორის – პასიური მოსწავლეებისთვისაც);
- 🍏 პორტრეტ-ამოცანის მომზადება (დავალება ყველასათვის).

**ჩათვლა თემაზე – „ტიუდორები“:** ყველა დავალება იყოფა ორ ნაწილად -სავალდებულოდ 5/6 ქულაზე და დამატებით დავალებად 9/10 ქულაზე.

**სავალდებულო ნაწილი:**

- იმისთვის, რომ მოსწავლემ მიიღოს შეფასება 5/6, უნდა შეასრულოს არა უმეტეს 7 დავალებისა მიმდინარე თემის შესახებ:
- 🍏 მიუთითეთ, რა სახელწოდებით შევიდა ეკლესიის ისტორიაში ჰენრი VIII.
- 🍏 გააგრძელეთ ფრაზა: „პირველი მმართველი ტიუდორების დინასტიიდან, რომლის მეფობის პერიოდში ყველაზე მშვიდ ეპოქად შევიდა ინგლისის ისტორიაში, იყო...“ (ჰენრი VIII);
- 🍏 რა უფრო ადრე მოხდა: რეფორმაცია თუ ანგლიკანური ეკლესიის დაფუძნება? (რეფორმაცია)
- 🍏 მიუთითეთ, რა ტერმინით აღინიშნება საეკლესიო და სამონასტრო საკუთრების გადაქცევა სახელმწიფო საკუთრებად. (სეკულარიზაცია)
- 🍏 ინგლისის დედოფალი, რომლის სახელიც დაკავშირებულია „ინგლისის ოქროს ხანასთან“ (ელისაბედ I);
- 🍏 რას წარმოადგენდა „უძლეველი არმადა“? (ესპანეთის სახელგანთქმული ფლოტი, რომელიც ინგლისმა გაანადგურა)
- 🍏 რა კავშირი აქვს ფილიპე II-ს ინგლისთან? (თავისი დაუფიქრებელი პოლიტიკით ხელი შეუწყო ინგლისის დაწინაურებას)

- 🍏 როგორ აღმოჩნდნენ ინგლისის ტახტზე სტიუარტები?
- 🍏 ვის სახელს უკავშირდება „ინგლისური პროტესტანტიზმი?“ (ელისაბედ I)
- 🍏 ვინ დააარსა ინგლისში „ვარსკვლავიანი პალატა“ – საგანგებო სასამართლო?
  - ა) ჰენრი VIII-მ
  - ბ) ჰენრი VIII-მ
  - გ) ელისაბედ I-მა
  - დ) ედუარდ VI-მ
 (სწორი პასუხი: ჰენრი VIII)

**ადაპტირებული დავალებები** (ყველა სწორი პასუხი ფასდება 1 ქულით):

- 🍏 რა კავშირი აქვთ ლანკასტერებსა და იორკებს ტიუდორების გამეფებასთან?
- 🍏 რატომ უწოდეს კათოლიკე მერის ინგლისელებმა „სისხლიანი მერი“?
- 🍏 რამ შეუწყო ხელი ამერიკის კონტინენტზე ინგლისის კოლონიების გაჩენას?

**დიფერენცირებული სწავლების უპირატესობები:**

ადვილად დაიძლევა სიძნელები; კლასში არც ერთი მოსწავლე არ არის ჩამორჩენილი; ყველა ჩართულია სამუშაოში; აქტიურად ფორმირდება პიროვნული თვისებები; იზრდება დამოუკიდებლობა, შრომისმოყვარეობა, თავდაჯერება, შემოქმედებითობა, მოტივაცია, შემცენებითი ინტერესი; აქტიურად მიმდინარეობს მასალის შინაარსის გადამუშავება; მეთოდოლოგიური უზრუნველყოფილია დიდაქტიკის კუთხითაც; მოსწავლეები წინასწარ ემზადებიან ამგვარი სამუშაოსთვის; ექვემდებარება მონიტორინგს.





ბაკა სახუჩია

# კლასი როგორც კოდექსი და მისი ღირებულებათა სისტემა

მე დამრიგებელი ვარ. თბილისის კლასიკურ გიმნაზიაში ჩამაბარეს ერთ-ერთი მეხუთე კლასი და უკვე მესამე სასწავლო წელია მაქვს პატივი, მათი დამრიგებელი ვიყო. საქართველოს საჯარო სკოლებში ძირითადად ასეთი პრაქტიკაა. დაწყებითი საფეხურის მეოთხე კლასის ჩათვლით კლასს ერთი დამრიგებელი ჰყავს, ხოლო მეხუთედან ბოლომდე – მეორე. არსებობს გამონაკლისები, რომელთა გამოც დამრიგებელი შეიძლება შეიცვალოს, მაგრამ ტრადიცია ასეთია და ოპტიმალურ ვარიანტადაც ეს მიიჩნევა – მეხუთე კლასიდან ბოლომდე კლასთან ერთი მასწავლებელი მუშაობს.

კლასი! ვისაც მასწავლებლად არ უმუშავია, სკოლაში ხომ უსწავლია? თითქოს ყველამ იცის, რა არის კლასი... მაგრამ არა, კლასი როგორც ფენომენი, როგორც უნივერსალური კოლექტივი, როგორც მიკროკოსმოსი, რომელიც მაკროკოსმოსის პროექციაა თავისი უღრმესი და ურთულესი იმანენტური კანონებით, მხოლოდ დამრიგებელმა შეიძლება იცოდეს. ზოგადი განათლების შესახებ კანონში წერია, რომ კლასი არის „ზოგადსაგანმანათლებლო დაწესებულების მოსწავლეთა დროებითი, სულ მცირე, ერთი სასწავლო წლის განმავლობაში შენარჩუნებული ერთიანობა, რომელიც შედგენილია ეროვნულ სასწავლო გეგმებში მოცემული რეკომენდაციებისა და ამ დაწესებულების წესდების მიხედვით და რომელში გაერთიანებული მოსწავლეებიც ძირითადად ერთად სწავლობენ ზოგადი განათლების

რომელიმე საფეხურის ზოგადსაგანმანათლებლო პროგრამებს“. კლასში მოსწავლეთა რაოდენობა, ზოგადი განათლების შესახებ საქართველოს კანონის მიხედვით, 25-ით განისაზღვრება, მაგრამ გამონაკლისების დაშვებაზე უფლებამოსილ უწყებათა წყალობით, თბილისის საჯარო სკოლების უმრავლესობაში კლასებში მოსწავლეთა რაოდენობა ხშირად 30-ს აჭარბებს. ჩემს კლასში 35 მოსწავლეა. კლასი რამდენიმე საგანში იყოფა. კლასიკურ გიმნაზიაში – მხოლოდ უცხო ენასა და ისტ-ში. კლასში მოსწავლეთა მიმოსვლა ხშირად ხდება, მაგრამ ძირითადი შემადგენლობა მაინც უცვლელია და ახალმიღებული მოსწავლე მალევე ახერხებს გარემოსთან ადაპტაციას. გამოცდილი მასწავლებლები ამბობენ, რომ წინა წლებში 45 და მეტი მოსწავლეც კი ყოფილა დედაქალაქის საჯარო სკოლების კლასებში, მაგრამ კლასების მართვა არ იყო ისეთი რთული, როგორც ახლა.

სწავლა-სწავლების აქტორების – სკოლის პედაგოგ-ლექტივის, მოსწავლისა და მშობლის – ურთიერთობათა სიჯანსაღის, ნდობისა და ურთიერთ-პატივისცემის პირდაპირპროპორციულია კლასის წარმატებით მართვისა და ხარისხიანი განათლების შესაძლებლობაც. არსებობს დოკუმენტი, რომელსაც „ზოგადი განათლების ეროვნული მიზნები“ ეწოდება, ასევე ყოველ სკოლას შემუშავებული აქვს საკუთარი მისია განათლების კანონმდებლობის შესაბამისად, სადაც გაწერილია საგანმანათლებლო დაწესებულების ზოგადი ორიენტირები. სკოლის მისიის უმთავრესი მიმარ-



# განათლება - თავისუფლებაა!



www.mastsavlebeli.ge


ვერაფრით ვიხსენებ, როდის შევხვდი პირველად. დღესაც ისეთი განცდა მაქვს, თითქოს მთელი ცხოვრება ერთად ვიყავით. არადა, ჩვენი გზები ოთხი თუ ხუთი წლის წინ უნდა გადაკვეთილიყო. პირველად პურის ლუკმა გავიყავით. უსიტყვოდ, ყოველგვარი შორეული მიზნისა და დათქმის გარეშე. მერე რაღაცნაირად წესად გვექცა – შინ დაბრუნებულს, ჭიშკართან მეგებებოდა და ერთად ვვახშობდით. გამოხდა ხანი და უცებ გავაცნობიერეთ: უერთმანეთოდ ყოფნა აღარ შეგვეძლო....

ამ რამდენიმე კვირის წინ კი ჩვენი გზები ისევ გაიყარა. წავიდა. სამუდამოდ წავიდა იქ, საიდანაც აღარ თუ ვეღარ ბრუნდებიან. ჩვენში მოკლედ იტყვიან: მოკვდაო.

რამდენიმე ათეული წლის წინ ერთ-ერთი საავადმყოფოს ზღურბლთან მრავალ სიკვდილსიცოცხლენანახმა ექიმმაც ასევე აუღელვებლად, პირდაპირ და მოკლედ მითხრა: უი, ის რომ მოიყვანეთ, მაშინვე მოკვდაო.

ჩვენ, თავს ადამიანებს რომ ვუწოდებთ, დიდი ხანია, მთელ დუნისა და ვეპატრონეთ. ჩვენი სწორი ამქვეყნად არცა სულიერი გვეგონია და არცა უსულიო. ყველას და ყველაფერს ზემოდან დავცქერით, არათუ სიცოცხლეში, სიკვდილშიაც კი თავს ვამეტებთ. დიდებს „გარდაცვალების“ ფუფუნება გვაქვს, სხვები კი უბრალოდ იხოვებიან, მიდიან ამ სოფლიდან, ქრებიან სამარადჟამოდ...

დიახ, ის ორი უბრალოდ მოკვდა, მხოლოდ იმიტომ, რომ ერთი ადამიანი ვერასოდეს გახდებოდა, რადგან განგებამ



## ქლიზიანი ქლიზიანაშვილი

# „სიკვდილო, თუკი აღვიღიხან“

ძალღად გააჩინა, მეორემ კი ვერ მოასწრო – მხოლოდ ერთი კვირა ისუნთქა ჟანგბადით. ჩვენ? ჩვენ ვიცხოვრებთ, ოდესმე გარდაიცვლებით და სიკვდილის შემდეგაც გაგაგრძელებთ ყოფნას ავად თუ კარგად...

სიკვდილ-სიცოცხლის საკითხი ყველა ხალხის, ყველა ეპოქის მთავარი თავსატეხი იყო. ასეთივე დარჩება ყოველთვის. კიდევ ბევრი თაობა და ჟამი გარდავაღს სიკვდილის წინაშე ძრწოლით...

მაგრამ ერმა, რომელიც იტყვის: ღმერთმა გიმეგლოს, სიკვდილო, სიცოცხლე შეგნობს შენითაო, – სიცოცხლის ფასიც იცის და სიკვდილისაც. ერმა, რომელიც

საკუთარ მიცვალებულზე წინ ბეჩავ-საბრალოთ დაუდგამს ტაბლას, იცის გარდაცვლილთა სულის ცხოვნებაზე ზრუნვა. ერმა, რომლის პოეზიაშიც „ხმით ნატირალი“ ცალკე ლიტერატურული ჟანრია, იცის, როგორ მოიშუშოს სიკვდილით მიყენებული იარები.

ჰოდა, ასეთი მდიდარი ლექსიცისა და ლაქარდიანი ენის პატრონებს, რატომ გვაქვს ეს ორი სიტყვა ასე გამიჯნული? მჯერა, რომ ეს ენის სიმწირის ბრალი არ არის. ერთ დროს უთუოდ გვექნებოდა „მოკვდას“ ალტერნატიული „გარდაცვალების“ სინონიმი, მერე კი რაღაც მიზეზით მივივიწყეთ, უსარგებლო ნივთივით საკუჭ-

ნაოს ბნელ კუთხეში მივაგდეთ და ისიც ნელ-ნელა ისე დაიჟანგა, ახლა რომც მივაგნოთ, ვეღარ ვიცნობთ, რა არის და რისთვის იყენებდნენ...

დღეს მორიგი ექსპერიმენტი ჩავატარებ: ორ ნივთიერებას სასიკვდილო განაჩენი გამოვუტანე. მათი შეერთებით ახალი მოლეკულა უნდა დაიბადოს. უფრო უკეთესი, უფრო მნიშვნელოვანი, ვიდრე ის ორი. ქიმიამ ამას გარდაქმნას ეძახიან, თუმცა ჩემთვის ეს მოლეკულათა გარდაცვალების სადარია. ორი გარდაცვლილი მოლეკულის ატომები ახალი ფორმით გააგრძელებენ სიცოცხლეს...



# მასწავლებლის გამორჩეული მოსწავდე



„ყველა ერთნაირად მიყვარხართ“, „არც ერთს არ გამოგარჩევთ“, „ყველა ერთი ხარო ჩემთვის“, – ეს ის ფრაზებია, რომლებსაც ხშირად იყენებდნენ მასწავლებლები ჩემი მოწაფეობის დროს. ყოველთვის ხაზს უსვამდნენ, რომ მათთვის მნიშვნელობა არ ჰქონდა, ვინ იყავი, როგორი იყავი, რა ოჯახიდან გამოდიოდი ყოველ დღით რვა საათზე, რომელ უბანში ცხოვრობდი, რამდენი ჰქონდათ ხელფასი შენს მშობლებს და რა მანქანა გაკითხავდა გაკვეთილების შემდეგ, მაგრამ სინამდვილეში ყველა კლასში, რომელიც მისწავლია (მათი რაოდენობა საკმაოდ დიდია) ყოველთვის იყო ორი-სამი მოსწავლე, რომლებიც დამრიგებელს ან რომელიმე სხვა მასწავლებელს გამორჩეულად უყვარდა და ხშირად ვერც კი მალავდა ამ განსაკუთრებულ დამოკიდებულებას.

მასწავლებლის გამორჩეული მოსწავლე ორნაირია: ერთი ვერ გრძნობს მასწავლებლის განსაკუთრებულ სიყვარულს და, შესაბამისად, ვერ იყენებს ამ უპირატესობას; მეორე გრძნობს ამას და სათავისოდ იყენებს, იცის, რომ გამორჩეულია და ხვდება, რომ სხვებთან შედარებით ბევრი რამ ეპატიება. როგორია სხვა, ჩვეულებრივი მოსწავლეების დამოკიდებულება ამ საკითხის მიმართ? ზოგი ამჩნევს, ზოგი – ვერა, ზოგი უფრო გონიერია და ხმასაც იმაღლებს, ზოგი ყველაფერს ხვდება, მაგრამ ეშინია. ფაქტი ერთია: დანარჩენი მოსწავლეები გრძნობენ, რომ არ არიან რჩეულები და ხშირად ეს ძალიან, ძალიან დიდი ხნით ტოვებს კვალს მათ ცნობიერებაში.

კაცმა არ იცის, როგორ შეიძლება გახდეს მასწავლებლის გამორჩეული მოსწავლე. ალბათ, ყველა მასწავლებელს თავისი მოთხოვნები აქვს. ზოგი მდიდარი ოჯახის შვილისკენ იხრება, ზოგს ფრიადოსანი უყვარს, ზოგს – ყველაზე მაჩანჩალა, რომელსაც მთელი თორმეტი წელი ათრევს... ასე იყო თუ ისე, თითქოს ყველა მასწავლებელმა იცოდა, რომ

გამორჩევა არ შეიძლება, ან თუ გამოარჩევდნენ, გამოხატვით მაინც არ უნდა გამოეხატათ, მაგრამ მაინც ერთსა და იმავე შეცდომას უშვებდნენ.

ხშირად გამჩენია უსამართლობის განცდა იმის გამო, რომ მასწავლებლის გამორჩეული მოსწავლე არ ვიყავი და უფრო მეტი სირთულის გადალახვა მიწევდა, ვიდრე იმ ერთადერთს. სულ მინდოდა, მეთქვა, მაგრამ ხშირად ვერ ვებედავდი. იყო ერთი მასწავლებელი, რომელიც ძალიან ძნელად წერდა ნიშნებს. მის საგანში 10 ქულის მიღება მხოლოდ რჩეულს შეეძლო, რომელიც მართლაც ჩვენზე გონიერი და ნიჭიერი იყო, მაგრამ ხანდახან მოდუნების უფლებასაც აძლევდა თავს – მაინც 10 ქულას იღებდა. ერთ დღესაც, მორიგი 8 ქულის მიღების შემდეგ, პრეტენზია გამოვთქვი: მე და „რჩეულმა“ ერთნაირად გიპასუხეთ, მე – 8 და იმას 10 რატომ დაუწერეთ-მეთქი? ვცადე, კლასიც ამეყოლიებინა, მაგრამ არაფერი გამომივიდა. მასწავლებელმაც მისაყვედურა, ჯობია, საკუთარ ქულაზე იფიქრო და სხვისი ქულების თვლას თავი დაანებო. მაინც რომ არ გაეჩერდი, „რჩეულსაც“ რვა ქულა დაუწერა და ამით დამთავრდა ეს ამბავი. მაგრამ დამთავრდა მხოლოდ საკლასო ოთახში – შესვენების ხარი დაირეკა თუ არა, ყველასთვის ის მოსწავლე გავხდი, რომელიც მზად არის, ერთი ქულისთვის თანაკლასელსაც გადააბიჯოს.

იმ დღის შემდეგ მასწავლებელი ყოველ გაკვეთილზე ორივეს გამოგვიყვანდა ხოლმე დაფასთან და გვაყოლებდა გაკვეთილს, ორივეს ერთნაირად რვა ქულას გვიწერდა და თან მიმეორებდა, აი, შენ გამო ოქროსმედალოსანს რვა ქულას ვუწერო.

საქმე იქამდე მივიდა, რომ თანაკლასელებმა მომიძულეს. მეც ნაკლებად ვერთვებოდი საგაკვეთილო პროცესში და დიდად აღარც გაკვეთილის მოყოლის სურვილს გამოვხატავდი. ვიჯექი ჩემთვის წყნარად.

კლასელებმა ნელ-ნელა მოიბრუნეს გული, მაგრამ მასწავლებლის უსამართლობა დღემდე მწარედ მახსოვს. ახლაც კი, როცა ვაცნობიერებ, რომ ცხოვრებაში უფრო მნიშვნელოვანი პრობლემებიც არსებობს, მაინც მიჭირს მისი სახის დავიწყება. ყოველთვის წამოყოფს ხოლმე თავს, როცა რამე სირთულეს ვეჯახები და ჩამწურჩულებს, რომ ვერასდროს ვიქნები გამორჩეული, მასწავლებელს ყოველთვის სხვა ეყვარება განსაკუთრებით და თუ ხმის ამაღლება გავბედე, დავისჯები.

ვიცი, რომ ძნელია, გამორჩეულად არავინ გიყვარდეს, ძნელია, 25 ადამიანი ერთნაირად შეიყვარო. დღესაც, როცა სამსახურში 96 თინიჯერთან მიწევს თითქმის ყოველდღიური კონტაქტი, მეც მიჭირს, არავინ გამოვარჩიო და შევიყვარო, მაგრამ ყოველთვის ვცდილობ, ეს არავის ვაგრძნობინო; ვცდილობ, გადაცემის ყველაზე ნაკლებად დასამახსოვრებელ მონაწილეშიც, რომელიც ყოველთვის კუთხეში დგას, რამე განსაკუთრებული დავინახო, ჩავუღრმავდე და ხაზი გაუსვა, დაეჯერო, რომ არაჩვეულებრივია, ვუთხრა, რომ მასზე ლამაზი ამ ქალაქში ცოტა თუ დაიარება, რომ შეუძლია, ყველაფერი გააკეთოს, რაც მოუწოდება და შევასხნო, რომ ასეთი გადასარევი გოგოსთვის თუ ბიჭისთვის შეუძლებელი არაფერია.

მასწავლებლების უმეტესობას კი რატომღაც ავიწყდება, რომ სინამდვილეში ყველა მოსწავლე ერთნაირად კარგია, რომ სწორედ მასწავლებელს შეუძლია, თავისი სიყვარულით და პატივისცემით სწორად წარმართოს მოსწავლის ცხოვრება, რომ მარტო საგნის სწავლება არ არის მასწავლებლის საქმე, რომ მოსწავლეებს ქიმიასთან, ფიზიკასა და ბიოლოგიასთან ერთად საკუთარი თავის სიყვარულიც უნდა ასწავლონ და ეს იმით დაიწყონ, რომ ჯერ თვითონ შეიყვარონ.



სიტყვის თავისუფ-  
ლებასა და რელიგიური  
გრძნობების პატივის-  
ცემას შორის საზღვრის  
გაველება მთელ მსოფლიო-  
ში უჭირთ. გამონაკლისი  
არც საქართველოა. ამ  
საკითხზე ადგილობრივი  
მაგალითების მიხედვით  
თუ ვიმსჯელებთ, შესაძ-  
ლოა კალამი გაგვექცეს და  
ჟურნალ „მასწავლებლის“  
მაღალ სტანდარტებს  
ერთგვარი საფრთხე  
შევუქმნათ. აქედან გამომ-  
დინარე, ალბათ, აჯობებს,  
ისევე ევროპას მივაშუროთ  
და ჩვენი საუკუნის ათიან  
წლებში მომხდარი ერთი  
მნიშვნელოვანი ამბავი  
გავიხსენოთ.

რამდენიმე წლის  
წინ საყოველთაოდ  
ცნობილმა ფრანგულმა  
სატირულმა ჟურნალმა  
„შარლი ებდოს“ წინას-  
წარმეტყველ მუჰამედის  
კარიკატურები გამოაქ-  
ვეყნა. კარიკატურების  
გამოქვეყნებას წინ დიდი  
პოპულისტური კამპანია  
უძღოდა. ტირაჟის გაზრ-  
დისა და სკანდალების  
საფუძველზე აქტუალო-  
ბის შენარჩუნების მიზნით  
„შარლი ებდოს“ ავტო-  
რები არ ერიდებოდნენ  
ისლამის თემზე საკმაოდ  
ვულგარული შინაარსის  
მასალების გამოქვეყნე-  
ბას. კამპანია შემოაძრ-  
წუნებლად დასრულდა:  
ფუნდამენტალისტური  
ისლამის წარმომადგენ-  
ლები, ტერორისტები,  
რედაქციას თავს დაესხ-  
ნენ. ექსტრემისტებმა  
ათზე მეტი ადამიანი  
იმსხვერპლეს. ჟურნალის  
თანამშრომლებთან ერ-  
თად სიცოცხლეს ორი პო-  
ლიციელიც გამოესალმა.  
მილიარდობით ადამიანმა  
საკუთარი თვალით ნახა  
ტერორისტული აქტის  
ამსახველი კადრები.  
მთელი სამყარო შეძრა  
განწირული ადამიანების  
ყვირილმა.

ტერორისტული  
აქტების დასრულების-  
თანავე ყველა შეთანხმ-  
და, რომ ტერორიზმი და

ძალადობა დაუშვებელი  
და გაუმართლებელია.  
არავის აქვს უფლება, გან-  
სხვავებული მოსაზრების  
გამო ვინმე გაანადგუროს.  
ტერორისტები ნებისმიერ  
შემთხვევაში უმკაცრე-  
სად უნდა დაისაჯონ.  
საზოგადოებისგან მათი  
იზოლირება და ძალა-  
დობრივი ქმედებების  
ორგანიზატორთა ქსელის  
გაცამტვერება სამარ-

უპირველეს ყოვლი-  
სა, „მთავარი დინების“  
ოპოზიციაში მყოფმა ადა-  
მიანებმა აღნიშნეს, რომ  
სატირა მნიშვნელობას  
კარგავს, როცა ის სუსტე-  
ბის ჩაგვრას ემსახურება.  
ტრადიციული ისლამის  
მიმდევრები, რომლებსაც  
არავითარი კავშირი არ  
აქვთ ფუნდამენტალიზმ-  
თან, ისედაც უძძიმეს  
მდგომარეობაში ცხოვ-

ორმაგ სტანდარტებზეც.  
ევროპული საზოგადოება  
და პრესა ხშირად ძალიან  
მკაცრად აკრიტიკებს  
ირანულ გაზეთებს, რომ-  
ლებიც ანტისემიტური  
კომპოზიციების შექმნისა  
და გავრცელების მთავარ  
ბასტიონს წარმოადგენენ.  
ამ გამოცემებს სამართ-  
ლიანად ადანაშაულებენ  
რასიზმში. საფრანგეთის  
პრეზიდენტის ოპოზიცი-

გამოქვეყნებით აღშო-  
თებულმა პირებმა?

მათ ცენზურის  
დაწესება და გემოვნების  
სტანდარტების განმსაზ-  
ღვრელი სამინისტრო-  
ების ან ინსტიტუტების  
შექმნა არ მოუწადი-  
ნებიათ. არც ძალადო-  
ბისა და შევიწროების  
მომხრეებად ქცეულან.  
ოპოზიციონერებმა  
მხოლოდ იმაზე მიანიშ-

**ღვანელოთქიფანიძე**

# სიტყვის თავისუფლების დაცვა



თალღამცავი ორგანიზაციების  
უმთავრესი ამოცანა უნდა  
იყოს. ტერორიზმის მიზეზი  
შეიძლება ახსნა, მაგრამ  
მისი ლეგიტიმაცია შეუძ-  
ლებელი და ამორალურია.

თუმცა ტერო-  
რისტულმა შეტევამ,  
საზოგადოების კონსო-  
ლიდაციასთან ერთად,  
საკმაოდ მძიმე დისკუ-  
სიებსაც დაუდო სათავე.  
კერძოდ, მოქალაქეთა  
და საჯარო ინტელექ-  
ტუალთა მნიშვნელოვანი  
ნაწილი არ დაეთანხმა  
საფრანგეთის მაშინ-  
დელი პრეზიდენტის,  
ფრანსუა ოლანდის განც-  
ხადებას იმის შესახებ,  
რომ „შარლი ებდოს“  
ჟურნალისტები სიტყვის  
თავისუფლებას შეწირუ-  
ლი გმირები არიან.

რა არგუმენტებით გა-  
მოდიოდნენ პრეზიდენტის  
მოსაზრების მოწინააღმ-  
დეგეები?

რობენ და საფრანგეთის  
ულარბესი, უსამართ-  
ლოდ სტიგმატიზებული  
მოსახლეობის უმრავლე-  
სობას წარმოადგენენ.  
ამასთანავე, მათი ყოფა,  
მათი ოჯახების ისტორია  
დამძიმებულია საფრანგე-  
თის კოლონიური და იმპე-  
რიალისტური წარსულის  
ტრაგიკული შეცდომებით.  
შეუძლებელია, მუჰამედის  
კარიკატურები მხოლოდ  
ექსტრემისტების საქმი-  
ანობის გასაპროტესტებ-  
ლად იქმნებოდეს – მათ  
პირდაპირი გავლენა აქვთ  
ყველა მუსლიმზე, მათ  
შორის – პატიოსან მოქ-  
ალაქეებზეც. იაფფასიანი  
სატირა მათ არაფორმა-  
ლურ დისკრიმინაციასა  
და შევიწროებას, ასევე  
რადიკალიზაციას უწყობს  
ხელს.

დისკუსიის მონა-  
წილეებმა ყურადღება  
გაამახვილეს მედიის

ონერებს უჩნდებოდა კითხ-  
ვა: რატომ არ ვრცელდება  
აღმოსავლური პრესის  
კრიტიკის სტანდარტები  
დასავლურ პრესაზე? აქვე  
ევროპელმა ინტელექტუ-  
ალებმა „შარლი ებდოს“  
ისტორიიდან ერთი  
მოვლენაც გაიხსენეს.  
2008 წელს რედაქცი-  
იდან გაათავისუფლეს  
კარიკატურისტი, რის  
მიზეზადაც ნიკოლა სარ-  
კოზის შვილის გამოსა-  
ხულებით შექმნილი ნაშ-  
რომის „ანტისემიტური“  
შინაარსი დასახელდა.  
ყველა ვთანხმდებით, რომ  
ებრაელთა რასობრივი  
ნიშნით ჩაგვრა უბედურე-  
ბაა. ანალოგიურად უნდა  
შევთანხმდეთ იმაზეც,  
რომ მუსლიმთა რელიგი-  
ური ნიშნით დამცირებაც  
არაჰუმანური და ანტიდემ-  
ოკრატიული ქმედებაა.

რა მოითხოვს მუ-  
ჰამედის კარიკატურების

ნეს, რომ მეტი თვითკ-  
რიტიკაა საჭირო; რომ  
ტირაჟის გასაზრდელად  
ნებისმიერი ნაბიჯის  
გადადგმა სოციალუ-  
რად არასასურველი და  
არაპრესტიჟული უნდა  
გახდეს. მოაზროვნეებმა  
საზოგადოებას მო-  
უწოდეს, რომ სიტყვის  
თავისუფლებისა და  
სხვათა პატივისცემის  
ღირებულებებს შორის  
იერარქია მოეშალათ და  
ისინი თანასწორ პრი-  
ორიტეტებად მიეჩნიათ.

ყველაფერს კანონი  
ვერ დაარეგულირებს,  
ბევრ დამოკიდებულე-  
ბას შინაგანი კულტურა  
განაპირობებს. მასწავ-  
ლებლებმა უნდა იბრ-  
ძილონ იმისთვის, რომ  
მოსწავლეებს არასდროს  
მოუნდეთ სიტყვის თავი-  
სუფლების პრივილეგიის  
სხვათა დასამცირებლად  
გამოყენება.



მოდით, აქედან დავიწყოთ: რა განსხვავებაა მარჯვენა და მარცხენა ნახევარსფეროებით „მეტყველებას“ შორის? ადამიანს რომ ორი ნახევარსფერო აქვს, ვიცით... ისიც ვიცით, რომ მარცხენა ნახევარსფეროს მეტაფორულად – მეცნიერების, ხოლო მარჯვენას ხელოვნების ნახევარსფეროს უწოდებენ. ორი ნახევარსფეროს არსებობა ნიშნავს, რომ ორივე გვჭირდება, თუმცა ხშირად ერთი მოიპოვებს პრიორიტეტს, უფრო მეტად ერთი ვითარდება.

როგორც კი სტუდენტი მეტყველებას იწყებს, ადვილად ვხვდებით, რომელი „ნახევარსფეროთი“ მელაპარაკება, შემოიღია, მის მეტყველებაზე „გადავწყვიტო“ და ერთი და იგივე აზრი სხვადასხვანაირად გამოვთქვა: ერთ შემთხვევაში – ლოგიკურად და არგუმენტირებულად, მეორე შემთხვევაში – მხატვრულად და მეტაფორულად. ვფიქრობ, ეს უნარი ყველა მასწავლებელს სჭირდება და საერთოდაც, ყველა ადამიანს, ვისაც უნდა, მეორე ადამიანს სათქმელი ადეკვატურად მიაწვდინოს. ასე რომ, თუ განდევნილობას არ აპირებთ, მოგიწევთ, დაფიქრდეთ ამ საკითხზე, რადგან სოციალური ადამიანისთვის აუცილებელია ენის მშვენივრებით თვითგამოხატვა, გაზიარება, აზრის გამოთქმა, გადაცემა...

მაშ, ასე, როგორ ამოვიცნოთ, რომელ ენაზე გველაპარაკება მოსაუბრე? ამისთვის, ბუნებრივია, უნდა ავიყოფიოთ, რა თავისებურებები ახასიათებს მეცნიერებისა და ხელოვნების ნახევარსფეროებს.

თუ მოსაუბრე ზედმიწევნით ლოგიკურია, არგუმენტირებული, ცნებებით და განყენებულად (აბსტრაქტულად) გველაპარაკება, იშველიებს წყაროებს, იმოწმებს ციტატებს, გამოაქვს დასკვნები და არ წამოსცდება სიტყვა, რომელიც საქმეს არ ეხება (ანუ მისი მეტყველება ზედმიწევნით ორგანიზებული და დალაგებულია), მაშასადამე, ის მარცხენა ნახევარსფეროთი ლაპარაკობს; თუ აზრს გადმოსცემს ისე, თითქოს ნოველას ჰყვება, ხშირად იშველიებს მეტაფორებს, ასოციაციებს, იყენებს სიტყვას „თითქოს“, მაშინ ის მარჯვენა ნახევარსფეროთი მეტყველებს. არის შერეული შემთხვევები, როცა მეტყველება ლოგიკურია და მეტაფორულიც. ეს საუკეთესო

**სინა ბაჩუაძე**

# როგორ ვასწავლოთ მოსწავლეს ემოციური თვითგამოხატვა

ვარიანტია და, რა თქმა უნდა, მეტი ზეგავლენაც აქვს მოსწავლეზე, სტუდენტზე, უბრალოდ, მოსაუბრეზე.

თანამედროვე განათლების სისტემა დასწავლაზე ორიენტირებული და ნაკლებად ავითარებს შემოქმედებით უნარებს.

უფრო მეტიც: მაგალითად, ლიტერატურის გაკვეთილზე, პოეზიის განხილვისას, მოსწავლის მხატვრულად და შემოქმედებითად გამოთქმული აზრი მასწავლებელმა შესაძლოა აბსურდადაც კი მიიჩნიოს და ჰკითხოს მოსწავლეს: „ასეთი რამ სად წაიკითხე?“ არადა, საინტერესო ის არის, რომ მას არსადაც არ წაუკითხავს, უბრალოდ, შეგრძნებებს და ასოციაციებს მიჰყვება და გამოთქვა, რაც იგრძნო, განიცადა, იფიქრა.

ვინაიდან ჩვენს განათლების სისტემას აკლია მოსწავლეთა შემოქმედებითი უნარების განვითარებისა და გამოვლენის შესაძლებლობა, შევიძლიათ, ეს დანაკლისი ლიტერატურის გაკვეთილებით შეავსოთ.

გაგიზიარებთ ჩემი საუნივერსიტეტო საგნის „რა არის პოეზია“ სწავლებისას მიღებულ გამოცდილებას, რომლის გამოყენებაც ნებისმიერ მასწავლებელს შეუძლია ნებისმიერი პოეტის ნებისმიერი ლექსის განხილვისას.

მთავარია, განზე გადადოთ ყოველგვარი „განხილვის“ სახელმძღვანელო (ცხადია, იმას არ ვამბობ, რომ არ უნდა წაიკითხოთ და არ უნდა გქონდეთ ინფორმა-

ცია ამა თუ იმ პოეტურ შედეგზე), როცა საქმე ეხება „მარჯვენა ნახევარსფეროს მეტყველებას“.

და მე ასეთი განხილვისას აღმოვარჩინე ერთი მაგიური სიტყვა: თითქოს. ეს სიტყვა-ნაწილაკი დაგეხმარებათ გარეგანი, „მარცხენა ნახევარსფეროს მეტყველებიდან“ გადაერთოთ შინაგან მეტყველებაზე, ჩაყვინთოთ აზრის სიღრმეში, მიჰყვებით შეგრძნებებს, ასოციაციებს, ემოციებს... სხვა დროსა და სიტუაციებში გადახვიდეთ.

მაგალითად, პოეზიის ლექციაზე რილკეს ლექსიდან ერთი მეტაფორის განხილვას მთელი ლექცია მივუძღვენი. აი, ეს მეტაფორაც ქვემოთ მოყვანილი ლექსიდან (რილკე, „მარტოსული“):

**„შორეულ ზღვიდან თითქოს მოვხვდი უცხო ნაპირთან, უცხო ვარ თქვენთვის, თქვენი არ იცნობთ ჩემს ძვირფას შორეთს...“**

ავტორი თავისი შინაგანი სამყაროდან გველაპარაკება... *შორეული ზღვა, უცხო ნაპირი და ძვირფასი შორეთი* შინაგანი სამყაროს მეტაფორებია. „თითქოს“ ამ ლექსში საკვანძო სიტყვაა. ეს ნაწილაკი მიგვითითებს რაღაც ისეთზე, რაც სინამდვილეში არ მომხდარა და არც შეიძლება მოხდეს, მაგრამ ნაცნობი კონცეპტებით და ნაცნობზე მითითებით ჩვენ შეგვიძლია, დაახლოებით განვიცადოთ სულიერი მდგომარეობა, რომლის საზღვართან დგას სიტყვა „თითქოს“. ეს სიტყვა ქმნის მეტაფორებს, რომლებსაც სხვა განზომი-

ლებაში გადავყავართ, რომელიც ჩვენს შიგნითა სივრცეებს განვაცდევინებს და აღწერას სწორედ ისე დავიწყებთ, როგორც იწყებს რილკე. ჩვენ შეგვიძლია, ეს სიტყვა კიდევ უფრო ქმედითი გავხადოთ და მეტაფორებთან ერთად გამოვიყენოთ, მაგრამ არა იმ განცდის აღწერისას, რასაც პოეტი განიცდიდა, როცა ამას წერდა (ეს არავინ იცის), არამედ იმისა, რასაც თავად განიცდიდა, როცა ვამბობთ: „შორეული ზღვა“ ან „უცხო ნაპირი“.

მაგალითად, ვკითხოთ: ამ ლექსის წაკითხვის შემდეგ როგორ განიცდიდა „შორეული ზღვის“ (უცხო ნაპირის, შორეთის...) მეტაფორას? რას გრძნობთ შინაგანად? რა გეცმით? რას ხედავთ? რა ემოციები გიპყრობთ და როგორ გამოხატავთ მათ? თითქოს...

აი, სწორედ ამ „თითქოს“-იდან იწყება ყველაფერი და იფრქვევა ემოცია-განცდების ფიქრებში. გაგივირდებათ, იმდენ საინტერესო და ღრმა აზრს მოისმენთ, მთავარია, მოსწავლეებს გამოხატვის საშუალება მისცეთ. ნუ მითითებთ, რა და როგორ იფიქრონ და, მერწმუნეთ, გოცნებულნი დარჩებიან.

თითქოს მაგიური სიტყვაა. ახალი განზომილების გასაღები. საკმარისია, რომელიმე მეტაფორასთან ეს სიტყვა დასვათ და დანარჩენს თქვენი მოსწავლეები იტყვიან.

ეს წერილი რომ წაიკითხეთ, თქვენში რა მოხდა? თ ი თ ქ ს...  
თ ი თ ქ ს...





ხშირად ვხვდებით სამხუთხარო ჩაქოვას, ჩოცა კლასი გვპყვინნება არჩემდგარი კოლექტივად, საკმარისია, სათითაოდ მიუახლოვდეთ მოსწავლეებს, რომ ყველაში დაინახათ უნიკალური, ნიჭიერი, გონიერი, საინტერესო აღამიანს, მაგრამ კლასი ჩათმობას მოწყვებითია ჯანსაღი განვითარების მიმართ მუდებარს, ჩას ღირებულებათა დეველვანითაა გამოწვეული.

თულებათა თანამედროვე ცივილიზაციის მოთხოვნების ადეკვატური მოქალაქის აღზრდა, რაც წარმოუდგენელია კულტურის ღირებულებათა სისტემების კლასებში იმპლემენტაციის გარეშე.


ღრმად მწამს, რომ ყოველი კოლექტივი თავისი არსით უნივერსალურია, წევრების მრავალფეროვნებასთან ერთად მას აქვს თავისი ერთსახონების კანონებიც და მისი მართვა არანაკლებ რთულ საქმედ მიმაჩნია, ვიდრე თუნდაც სახელმწიფოს მართვა. შესაძლოა, ჩემი ეს განაცხადი ცოტა ეპატაჟურადაც უღერდეს, მაგრამ ვინაიდან სკოლაში მუშაობის საკმაოდ მეტი გამოცდილება დამიგროვდა, თავს უფლებას მივცემ, განვაცხადო, რომ კლასის მართვა და მისთვის ფასეულობების სწორად მიწოდება, ახალი თაობის ჯანსაღ ნიადაგზე აღზრდა დიდი საქვეყნო-საკაცობრიო საქმეა.

ვინაიდან ფილოლოგი გახლავართ და სოციოლოგიის, კულტუროლოგიისა და ფსიქოლოგიის დარგებში ფუნდამენტური მეცნიერული ცოდნა არ გამაჩნია, ჩემი პედაგოგიური დაკვირვებების რეფლექსიად წარმოგიდგენთ ღირებულებათა იმ სისტემას, რომელიც კლასის ჯანსაღი განვითარებისა და სრულფასოვანი მოქალაქის აღზრდისთვის აუცილებლად მიმაჩნია:

- 🍎 გამოხატვის თავისუფლება;
- 🍎 თვითრეალიზაცია, პასუხისმგებლობა, მოტივაცია;
- 🍎 შემოქმედებითობა;
- 🍎 სოლიდარობა და თანამშრომლობა;
- 🍎 ტოლერანტობა, თანასწორობა, მიძღვრობა-გამტარობა;
- 🍎 ზრუნვა სასკოლო გარემოს ოპტიმიზაციაზე;
- 🍎 ეფექტური კომუნიკაცია და გარემოსადმი კეთილგანწყობა;
- 🍎 სოციალური თანალობა.

საქართველოს საზოგადოებრივი პროცესების მეტ-ნაკლებად მცოდნე ადამიანებს მოეხსენებათ ჩვენი სოციუმის საზოგადო პრობლემების შესახებ. ჩვენ ამჟამად სკოლებში ვზრდით გასული საუკუნის ავბედითი 90-იანი წლების კომმარში აღზრდილი თაობების შვილებს. მშობლების

ფსიქოემოციური ფონი კი რამდენად მნიშვნელოვანია ჰარმონიული ადამიანის ფორმირებისთვის, ვფიქრობ, ყველასთვის ნათელია. სამოქალაქო და ტერიტორიული მთლიანობისთვის ომებში დაღუპულთა ოჯახები, დამსხვრეული კეთილდღეობის, ნარკო- და ალკოჰოლდამოკიდებულების, პატიმართა და მძიმე სნეულებებით დაავადებულთა ოჯახებიდან გამოსული თაობები და პლუს ეს გაუსაძლისი, დაუმარცხებელი სიღატაკე, რომელიც ჩვენი ქვეყნის ეკონომიკის უმთავრესი სატიკვიარია, მაგრამ ვერა და ვერ დაეძლიეთ... ყოველივე ეს მძიმე კვალს ტოვებს ახალი თაობების მენტალურ და კოგნიტურ განვითარებაში. საქართველოს ბევრ სკოლაში კურსდამთავრებულები უსახსრობის გამო ვერ ახერხებენ ტრადიციული გამოსამწვიდობებელი ღონისძიებების ორგანიზებას. უამრავი საჭირო რესურსი ხელმიუწვდომელია მოსწავლისთვის, მშობლისა და მასწავლებლისთვის. ვინაიდან სკოლის სახელმწიფო დაფინანსება გამორიცხავს გასვლითი, შემეცნებითი, კლასგარეშე სასწავლო აქტივობების დაფინანსებას, ხშირად მშობლები თავს იკავებენ დამრიგებლის მიერ შეთავაზებული ერთობლივი ინიციატივების ხორცმსხმისგან, რადგან საამისო სახსრების მოძიება ყველას არ შეუძლია. ძნელია კლასის დაინტერესება საგაკვეთილო პროცესში, ვინაიდან მასწავლებელი მოკლებულია რესურსებს. ზუსტი და საბუნებისმეტყველო საგნების ეფექტურად სასწავლებლად სკოლების უმრავლესობას არ მოეპოვება შესაბამისი ლაბორატორიები და ინსტრუმენტები, ჰუმანიტარული საგნების მასწავლებლებს ხელი არ მიუწვდებათ მასალის ბეჭდვასა და საგაკვეთილო პროცესში ისტ-ის ჩართვაზე, უცხო ენების მასწავლებლებს, მოსაწყენი სახელმძღვანელოს გარდა, სხვა რესურსების მოძიება და შეთავაზება უძნელდებათ. ამ დროს მოსწავლეს ხელთ უპყრია მობილური ტელეფონი, რომელშიც უამრავი თამაში და გასართობი პროგრამაა, ინტერნეტში ნავიგაცია, სოციალურ ქსელში ვირტუალური კომუნიკაციებით საინტერესო თავგადასავლებში გადაშვება შეუძლია. ცხადია, ის უარს ამბობს დამღვლ და მოსაწყენ სწავლაზე და ირჩევს ტელეფონით თვითგანვითარებას, რასაც უამრავი ხარვეზი და პრობლემა ახლავს და მასწავლებელი ხშირად უძლურია მასთან. ამბობენ, რომ საფრანგეთის



პრეზიდენტ ემანუელ მაკრონს გასულ წელს თავის საპრეზიდენტო პროგრამაში შეტანილი ჰქონდა სკოლებში სასწავლო პროცესიდან მობილური ტელეფონების ამოღება. არ ვიცი, ეს რამდენად ძნელად განსახორციელებელია, მაგრამ თუ ამას ჩვენს საჯარო სკოლებში ვერ მივხედეთ, ნაყოფიერი და შედეგებითი გაკვეთილების ჩატარება სულ უფრო და უფრო გაძნელდება.

სასწავლო წლის დასაწყისში სადამრიგებლო პროგრამებში დამრიგებლები უამრავ აქტივობას გავწერთ ხოლმე, მაგრამ ზოგი მათგანის აღსრულება გვიძნელდება. აი, კლასის საათებს კი უსათუოდ ვატარებთ, რომ სადამრიგებლო ნაწილში ჩავარდნები არ გვქონდეს, თუმცა ზემოთ ჩამოთვლილი სასურველი ღირებულებების მოსწავლეთათვის ორგანიზებული ფასეულობებზე და ქცევა მაინც პრობლემაა.

აი, სოციალურ ქსელში პორტალ „დეილი სოუსელის“ (DailySocial) მიერ გავრცელებული ვიდეოს ბმული (<https://www.facebook.com/DailySocial7/videos/467619073627500/>),



შემოქმედებითობა და თანამშრომლობა ონბინივი უნ-  
თიანთობის ჰროლუქტაბა უნდა მივიჩნიოთ, სოლო ტოლა-  
ნაბობა, მიმლაბობა, თანასწორობა, პასუხისმგებლობა,  
კეთილგანწყობა, სოხილური თანადობის უნაჩაბი,  
ნასაკვირვადია, სკოლაშიც გამომუშავდება ბავშვს, მაბ-  
ნამ ამ ბადამწყვეტია ოჭახის ნოლი და თავად მოსწავდის  
პირივნული ფსიქომომსიური ფონის.

სადაც იაპონური სკოლის მოსწავლეთა სასკო-  
ლო ცხოვრებაში ჩართულობაა ასახული. როცა  
მოსწავლისთვის სკოლა იქცევა მშობლიურ  
გარემოდ, სახლად, რომელზე მზრუნველობის  
პასუხისმგებლობა მასაც ეკისრება, ის ჰარმონი-  
ულად გამოიმუშავებს მრავალმხრივ უნარებს:  
სუფთა გარემოს ორგანიზება, სკოლის როგორც  
პატივისცემი ინსტიტუციის ქონების გაფრთხი-  
ლება, სახელმწიფოებრივი აზროვნება, შრომის-  
მოყვარეობა, ხელმარჯვეობა და მოქნილობა,



თანამშრომლობა... დასანანი, რომ მშობელთა ნაწილი სასკოლო გარემოზე მოსწავლის ზრუნვის ვალდებულებას აპროტესტებს. როცა მოგვითხროვია საკლასო ოთახის მოწესრიგება გაცვეთილების შემდეგ, ხშირად გამიგონია მშობლის პროტესტი: „ჩემი შვილი აქ დამლაგებელი რატომ უნდა იყოს?“, „სახლში არ ვაკეთებინებ არაფერს!“, „სკოლას დამლაგებლები არ ჰყავს?“ ამგვარი მიდგომის შედეგია ის, რომ ჩვენი შენობების კედლები, მიწისქვეშა გადასასვლელები, საზოგადოებრივი ტრანსპორტის სავარძლები ასეთი დაზიანებული, დაფლეთილ-დაფლაბნილი და ამორტიზებული, ქუჩები და სკვერები – დაზინძურებული. მეზობელი აზერბაიჯანის დედაქალაქში რამდენიმე თვის წინ ვიზიტის დროს ამ მხრივ საქართველოსგან რადიკალურად განსხვავებულმა ვითარებამ, ცოტა არ იყოს, შურით ამავსო. ხომ შეიძლება, სასიკეთო გამოცდილება ოდესმე მაინც გავიზიაროთ და ჩვენც დავნერგოთ?

რაც შეეხება გამონატვის თავისუფლების, თვითრეალიზაციის, ჯანსაღი კოგნიტიური განვითარებისა და მოტივაციის ღირებულებებს, ისინი სკოლამ უნდა გაუღვივოს მოსწავლეს. შემოქმედებითობა და თანამშრომლობა ორმხრივი ურთიერთობის პროდუქტებად უნდა მივიჩნიოთ, ხოლო ტოლერანტობა, მიმღებლობა, თანასწორობა, პასუხისმგებლობა, კეთილგანწყობა, სოციალური თანალმობის უნარები, რასაკვირველია, სკოლაშიც გამოუმუშავდება ბავშვს, მაგრამ აქ გადაწყვეტია ოჯახის როლი და თავად მოსწავლის პიროვნული ფსიქოემოციური ფონიც.

ჩვენს სკოლებში (კერძო სექტორშიც და საჯაროშიც) ხშირად ვხვდებით სამწუხარო რეალობას, როცა კლასი გვევლინება არშემდგარ კოლექტივად. საკმარისია, სათითაოდ მიუახლოვდეთ მოსწავლეებს, რომ ყველაში დაინახავთ უნიკალურ, ნიჭიერ, გონიერ, საინტერესო ადამიანს, მაგრამ კლასი რატომღაც მოწყვეტილია ჯანსაღი განვითარების მიმართულებას, რაც ღირებულებათა დევალვაციითაა გამოწვეული. თავის დროზე სწავლა-სწავლების აქტორებმა – სკოლამ, ოჯახმა და სოციუმმა არ იზრუნეს დეკლარირებული ღირებულებების საკლასო გარემოში

იმპლემენტაციაზე, რის გარეშეც ჰარმონიული საზოგადოების ჩამოყალიბება და განვითარება შეუძლებელია. ამიტომაც ვხვდებით საკლასო გარემოში დამსხვრეულ პერსონებს, რომლებსაც გაქცევა, საკლასო სიტუაციებიდან გარიდება უნდათ. მოსწავლე პასიურია ყველა ახალ აქტივობაში, წლების განმავლობაში ვერ ხერხდება ერთობლივი საკლასო ღონისძიებების ორგანიზება. ბავშვებს ნდობა აქვთ დაკარგული სკოლის, მასწავლებლებისა და ერთმანეთისადმი, ხოლო სკოლის ადმინისტრაცია და პედაგოგიკტივი ხშირად მათ სტიგმატიზებას ეწევიან. „ცუდი კლასი“, „აუტანელი კლასი“, „იქ ვერ ვატარებ გაცვეთილს“, „ყველა უვიცია და არავის არაფრის გაცეთება არ უნდა“, „არ უნდათ სწავლა და მასწავლებელი უძლურია“, – იშვიათად, მაგრამ მაინც მოჰკრავთ ყურს ჩვენს სკოლებში მსგავს სიტყვებს. თავის მართლება იმით, რომ ამდენაირი ფსიქოლოგიური პრობლემა მოსწავლეებში ადრე არ იყო და შეუძლებელია ამასთან გამკლავება, ვერ გვიშველის.

გამოსავალი ერთია: დამრიგებლის პასუხისმგებლობა მძიმე და დამღლელია, ანაზღაურება – დაბალი, მაგრამ ღირებულებათა გარშემო კლასის გაერთიანებით და სწორად შერჩეული საკლასო-სადამრიგებლო აქტივობებით თავისუფლად შეიძლება ჩვენი კლასების ქცევა იმად, რასაც კანონები, მისიები და დეკლარირებული დოკუმენტები სასურველ რეალობად ან მისაღწევ შედეგად გვიხატავენ.





ნათია ჯურავსკაია

# როცა მოსწავლეები და მასწავლებლები ერთად კითხულობენ

უაღრესად მნიშვნელოვანია, ბავშვებს ჰყავდეთ მოდელი მოწიფული ადამიანისა, რომელსაც უყვარს კითხვა. სასურველია, ეს იყოს, უპირველეს ყოვლისა, შობილი და მასწავლებელი.

თამარ კერძაია, მარინე ჯაფარიძე, კვლევა – კითხვის ინტერესები 13-17 წლის მოზარდებში, 2012

“ მთავანია, წიგნი ბავშვების ინტენსივობისა და საჭიროებასის გათვალისწინებით შევარჩიოთ და კითხვის მსუხვენი პედაგოგები შემოვიკრიბოთ. მოსწავლეები უფრო მეტად გაიხარებენ, როცა გაიგებენ, რომ მასწავლებლები ერთად კითხულობენ. ეს არაა ამ შეკითხვის ერთადერთი სწორი პასუხი, თუმცა ერთ-ერთი ნამდვილად არის. მასწავლებლობა რომ დავიწყებ, ჩემი მთავარი მიზანი იყო, მოსწავლეებისთვის კითხვა შემეყვარებინა, მინდოდა, თავისუფალ მოაზროვნებად ჩამოყალიბებულიყვნენ და ყოველი წაკითხული წიგნი მათთვის გამოცდილებად ქცეულიყო. მალევე მივხვდი, რომ მხოლოდ საზაფხულო საკითხავის სიის შედგენით ან სარეკომენდაციო ლიტერატურის შეთავაზებით ამას ვერ შევძლებდი - მეც მოსწავლეებთან ერთად უნდა მეკითხა. კითხულობდი იმას, რაც მათ მოსწონდათ და კითხულობდნენ იმას, რასაც ვურჩევდი. ამან ძალიან დაგ-

ვახლოვა და ლიტერატურამ ერთმანეთი უკეთ გაგვაცნო. ვფიქრობ, როცა მასწავლებლები მოსწავლეებთან ერთად კითხულობენ, მათი ცხოვრება უფრო შინაარსიანი ხდება.

მაშინ, როცა მათი მასწავლებლებიც კითხულობენ.

ეს არაა ამ შეკითხვის ერთადერთი სწორი პასუხი, თუმცა ერთ-ერთი ნამდვილად არის.

ცოტა ხნის წინ მეშვიდეკლასელებს ჯინ ვებსტერის „გრძელფეხება მამილო“ შევთავაზე წასაკითხად. წიგნი რამდენიმე ნიშნით შევარჩიე:

1. მოსწავლეები ხშირად მეკითხებოდნენ, რომელი იყო ჩემი ბავშვობის უსაყვარლესი წიგნი და გადავწყვიტე, გამეცნო მათთვის;

2. „გრძელფეხება მამილო“, გარდა იმისა, რომ სასიამოვნო საკითხავია, სასწავლო რესურსადაც შეგვიძლია

გამოვიყენოთ. ორენოვანია - ტექსტი დაბეჭდილია ქართულ და ინგლისურ ენებზე და ერთვის ინგლისურ-ქართული ლექსიკონი. ის გვეხმარება არა მხოლოდ წიგნიერების, არამედ მრავალენობრივი კომპეტენციების გამომუშავებაშიც.

3. მას შემდეგ, რაც ბავშვები ამ წიგნს წაკითხავდნენ, ინტეგრირებული შემეცნებითი თამაშის ჩატარება მოვიწოდებ.

ვიდრე მოსწავლეებს „გრძელფეხება მამილოს“ წარვუდგენდი, ჩემს კოლეგებს გააცანი იდეა და შევთავაზე, თუ მოსურვებდნენ, წაგვეკითხა ეს წიგნი ბავშვებთან ერთად, დაგვეგეგმა და ჩაგვეტარებინა ინტეგრირებული თამაში, ლიტერატურულ კლუბში მოგვეწყობო შეხვედრა, მოსწავლეებსა და მასწავლებლებს შთაბეჭდილებები ერთმანეთისთვის გაგვეზიარებინა.

ვერაუდობდი, რომ მხოლოდ ინგლისური ენისა და ლიტერატურის მასწავლებლები შემოგვიერთდებოდნენ, რადგან წიგნი ორენოვანი იყო, თუმცა შედეგმა მოლოდინს გადააჭარბა – მოსწავლეებთან ერთად „გრძელფეხება მამილოს“ წაკითხვა მოისურვეს ქართულის, მათემატიკის, ინგლისურის, რუსულის, ბუნებისმეტყველების, ისტორიის, სახვითი და გამოყენებითი ხელოვნების მასწავლებლებმა.

ბავშვებმა ამის შესახებ რომ შეიტყვეს, მათი კითხვის ინტერესი და მოტივაცია, ცხადია, გაიზარდა. აქამდე მათ ჰქონდათ ერთ მასწავლებელთან ან კლასის დამრიგებელთან ერთად კითხვის გამოცდილება, მაგრამ მსგავსი რამ ნებისმიერი ჩვენგანისთვის უჩვეულო იყო.

მოსწავლეებმა დაიწყეს კითხვა. დავიწყეთ ჩვენი. ეს პროცესი უფრო შთაბეჭდავი რომ ყოფილიყო, გადავწყვიტეთ, ყველა მასწავლებელს ერთი წიგნიდან წაგვეკითხა. „გრძელფეხება მამილო“ ხელიდან ხელში გადადიოდა, ვიწერდით ნებისმიერ აზრს, რომლებიც კითხვის დროს გვიჩნდებოდა ან ინტეგრირებული თამაშის ჩასატარებლად


გამოგადგებოდა. კომუნიკაცია უფრო ეფექტური გახდა.

წიგნმა გაგვერთიანა და უფრო საინტერესო გახდა ჩვენი ყოველდღიური ცხოვრება. საოცარი პასუხისმგებლობა ვიგრძენით. ვეცნობოდით ერთმანეთის მინაწერებს და გვინტერესებდა, რას ფიქრობდნენ მოსწავლეები ამა თუ იმ ეპიზოდის შესახებ, ვცდილობდით, მათი თვალითაც წაგვეკითხა.

მოსწავლეებთან ერთად კითხვამ ახალი იდეები გაგვიჩინა:

### 1. წერილებისა და

მოვინდომე, სამასწავლებლოში წერილების დაფა გაგვეკეთებინა და პედაგოგებს ერთმანეთისთვის მიგვეწერა. ეს სამომავლო, შორეული სურვილი მეგონა.



## 2. ილუსტრაციები

ხელოვნების მასწავლებელმა „გრძელფეხება მამილოს“ კითხვის პროცესში ხატვა დაიწყო და ასე გადმოცა თავისი ემოციები. ბუნებრივია, ეს ილუსტრაციებიც ინტეგრირებული თამაშის ელემენტებად მოვიზარეთ. მკითხველებმა უნდა გამოიცნონ, რომელი ეპიზოდი დახატული.



## 3. ღვაწლები

მოვიფიქრეთ განსხვავებული დავალები, დავგვემეთ და ჩავატარეთ გაცვეთილები

ამ ბოლო დროს სწავლის თაობაზე არაფერი მომიხსენიებია, თუმცა იგი კვლავინდებურად ჩვენი ყოველდღიური განუყოფელი თანამგზავრია. თავისებური დასვენება ჩემთვის, როცა სხვა საკითხებზე, საერთოდ, ცხოვრებაზე ვმსჯელობ შენთან. მართალია, ეს დისკუსია ცალმხრივ ხასიათს ატარებს, მაგრამ დამნაშავე შენ ხარ. როდესაც მოგესურვება, ყოველთვის შეგიძლია, შემეხმინო. „სწავლისთვის დისკუსია“

ამ წერილს უკვე მესამე დღეა, ვწერ და მეშინია, რომ vous êtes bien\* შეგაწყინე თავი. მშვიდობით, მშვენიერო მისტერ ადამიანო!

მისტერ გრძელფეხება მამილო სმით!

ჩემს სიხარულს საზღვარი არ ჰქონდა, როდესაც ერთ დილას სამასწავლებლოში შესულს მათემატიკის მასწავლებლის ყვითელი წერილი დამხვდა. ჩემი კოლეგა შთაბეჭდილებებს მიზიარებდა და მწერდა, როგორ შეიძლებოდა ამ ტექსტის გამოყენება მათემატიკის სწავლების დროს.

„გრძელფეხება მამილოს“ თემატიკის გათვალისწინებით. ამან, ერთი მხრივ, გაამრავალფეროვნა სასწავლო რუტინა, მეორე მხრივ, კი ბავშვებმა პრაქტიკულად დაინახეს მასწავლებლების ჩართულობა, პასუხისმგებლობაც მოემატათ და მეტად ჩაულრმავდნენ ტექსტს.



2 აპრილი

ძვირფასო გრძელფეხება მამილო!

ნამდვილი ნ ა დ ი რ ვარ. გეხვეწები, დაივიწყე ის საშინელი წერილი, წინა კვირას რომ მოგწერე. იმ ღამეს სიმარტოვეს ვგრძნობდი და ძალიან უბედური ვიყავი. თან ყელიც მტკიოდა. ანგინა, გრიპი და ათასი რამ ერთად შემეყარა. ახლა საავადმყოფოში ვწევარ. უკვე ექვსი დღეა, აქა ვარ. დღეს პირველად დამრთეს წამოჯდომის ნება და მაშინვე კალამს და ქაღალდს ვტაცე ხელი. უფროსი ძიძა ძალიან ბრაზობს, მაგრამ ველარ ვითმენ, რომ არ მოგწერო. ეს დღეები სულ ამაზე ვფიქრობდი, რამ მომანერინა ის წერილი. სანამ არ მაპატიებ, ვერ გამოვეკეთებო.

აი, ჩემი პორტრეტი. თავი შეხვეული მაქვს და დოღბანდის ბოლოები კურდღლის ყურებივით მაქვს გამოშვერილი.

შაქე-  
ხოცი  
და  
უბეც-  
ლი  
დავს  
წებები  
ასეს  
შეფიქრა.

ღვთალოცვამ მოვიფიქრე.



საინტერესო რეზიუმე (ჩვენი ინგლისური ენის მასწავლებლის საყვარელი სიტყვაა, თითქმის ყოველ წინადადებას ამ სიტყვით იწყებს) ასეთი იქნება: მაღლობელი ვარ შვიდი საჩუქრისათვის. თავს ვიტყუებ, ვითომ საჩუქრები ჩემი ოჯახიდან, კალიფორნიიდან მომივიდა ყუთით. საათი - მამისაგან, პლედი - დედისაგან, საბურთა - დიდედასაგან, რომელიც მუდამ ნუხს, რომ ასეთ ამინდში შეიძლება ადვილად გავცივდე. ყვითელი სანური ქაღალდი - ჩემი ძმის - ჰარისაგან, ჩემმა დამ - იზაბელამ არემუმის წინდები მაჩუქა; დეიდა სუსანამ მეთუ არნოლდის ლექსები გამომიგზავნა. ბიძია პარიმ (პატარა ძმას პარი მის პატივსაცემად დაარქვეს) ლექსიკონი მომართვა; შოკოლადის გამოგზავნა უნდოდა, მაგრამ მე ლექსიკონი ვთხოვე.

საწინააღმდეგო ხომ არაფერი გაქვს, მთელი ოჯახის როლი შეასრულო?

ახლა კი არადადეგების შესახებ მოგიყვები, თუ მხოლოდ ჩემი სწავლა-განათლება გაინტერესებს, როგორც ასეთი? იმედი მაქვს, აფასებ ნატიფ გამოთქმას - „როგორც ასეთი“. ამ ბოლო ხანებში მიემატა ჩემს ლექსიკას.

ტეხასელ გოგონას ლენორა ჰქვია (თითქმის ისეთივე სასაცილო სახელია, როგორც ჯერუმა, არა?). მიყვარს, მაგრამ მთლად ისე არა, როგორც სელი მაკბრაიდი. სელისნაირად, შენ

42 მე ღვაკვიდი საკუთარ მტყუარში და ვვიფიქრე სწორად ვამზობ „დაქობობივად“ :)

ამ წერილის ანგარიში შეიძლება გვანახებოდა ინგლისურ-ქართული ვიქსონი, ან სოციალური/გამოაქვეყნებელი ვებ-გვერდი

Cher<sup>10</sup> მამილო, - Jambes<sup>11</sup> Longes,

Vous etes un<sup>12</sup> გადასარევი ბიჭი!  
Je suis tres heureuse<sup>13</sup> ფერმაში რომ მივდივარ, parce que je n'ai jamais<sup>14</sup> ცხოვლებარ ფერმაში dans ma vie<sup>15</sup> და მზარავს retourner chez<sup>16</sup> გრაიერის თავშესაფარი et<sup>17</sup> რეცხვა თეფშების tout l'été<sup>18</sup>. იქ ბიფათი მომელოდა, quelque chose affreuse<sup>19</sup> მოხდებოდა, parce que j'ai perdue ma humilité d'autre fois et j'ai peur<sup>20</sup>, რომ ავფეთქდებოდი quelque jour et<sup>21</sup> დავაშხებრევედი ყველა ფინჯანსა და ლამბაქს dans la maison<sup>22</sup>. Pardon brievet<sup>23</sup> უფარგისი ქაღალდის გამო. Je ne peux pas<sup>24</sup> მოგწერო de mes nouvelles parce que je suis dans<sup>25</sup> ფრანგულის გაკვეთილზე et j'ai peur que Monsieur le Professeur<sup>26</sup> არ გამომიძახოს tout de suite<sup>27</sup>.

ასეც მოხდა!

Au revoir.<sup>28</sup>  
Je vous aime beaucoup.<sup>29</sup>

ჯუდი

10 ძვირფასო.  
11 ფეხები.  
12 შენ ხარ.  
13 ძალიან ბედნიერი ვარ.  
14 ვინაიდან არასოდეს.  
15 ჩემს სიცოცხლეში.  
16 დაბრუნება.  
17 და.  
18 მთელ ზაფხულს.  
19 რაღაც საშინელება.  
20 ვინაიდან ერთხელაც მორჩილებას ველარ გამოვიჩენდი და ვშიშობ.  
21 რომელიმე დღეს და.  
22 იმ სახლში.  
23 მაპატიე მოკლე წერილისა და.  
24 არ შემიძლია.  
25 ახალ-ახალი ამბები, რადგან ვარ.  
26 და ვშიშობ, რომ ბ-მა პროფესორმა.  
27 ამ წუთას.  
28 ნახვამდის.

4. თვითრეაქცია


ჩვენს პრაქტიკას სხვა პოზიციიდან შევხედეთ და თვითდაკვირვების სურვილიც გავვიჩინა, დავინტერესდით, რომელ სიტყვას ვიყენებდით ხშირად და ვიპოვეთ კიდევ პასუხები.

გზა წიგნის კითხვის დაწყებიდან საინტერესო იყო ისიც, რომ თითოეულმა მასწავლებელმა თავის საგანთან დაკავშირებული იპოვა წიგნი და ეს დაკვირვება გავვიზიარა. ამან თვალსაწიერი უფრო გაგვიფართოვა, ისეთ საკითხებს მივაქციეთ ყურადღება, იქამდე რომ გამოგვჩნა. კიდევ ერთხელ დავრწმუნდით, როგორი შედეგანი იყო ერთად კითხვა და რამდენად მრავალმხრივია ნებისმიერი წიგნი. ახლის პოვნა ყოველთვის შევიძლია - მთავარია, მოისურვო. განსაკუთრებით ამის დანახვა სჭირდება ბავშვს, რომელიც მკითხველად ყალიბდება - კითხვა ხომ არ არის მხოლოდ შინაარსის გაცნობა, უმთავრესი ტექსტის ინტერპრეტაცია, მისი გააზრება და ესეც უნდა ისწავლოს. მასწავლებელი მოდელია ბავშვისთვის და მოსწავლე, როდესაც ხედავს, როგორ კითხულობს იგი, თავადაც ითვისებს მის გამოცდილებას.





მასწავლებლობა რომ ღაპიწყა, ჩემი მთავარი მიზანი იყო, მოსწავლეებისთვის კითხვა შეეძლებინა, მიხლოდა, თავისუფალ მოაზროვნეებად ჩამოყალიბებულნი ყოფილიყვნენ და წაკითხული წიგნი მათთვის გამოსდიდა უკუაღიყო. მაღევე მიხვდვი, რომ მხოლოდ საზაფხულო საკითხავის სიის შედგენით ან საჩუქრულად სიის დიქონატიონის შეთავაზებით ამას ვერ შევძლებდი – მეს მოსწავლეებთან ერთად უნდა მკითხა.



ინტეგრირებული თამაშის ჩატარებას სემესტრის ბოლოს ვგეგმავთ. მოსწავლეების ინტერესი მაღალია.

ყველაზე სასიხარულო ისაა, რომ იმდენად ვისიამოვნეთ ერთად კითხვით, ერთმანეთის აზრების მოსმენით, შეხედულებების გაზიარებით, რამდენიმე დღეში მეორე წიგნის კითხვას შევუდევით. ეს ორმხრივი სურვილი იყო.

მსგავსი აქტივობის განხორციელება შეუძლია ნებისმიერი საგნის მასწავლებელს. მთავარია, წიგნი ბავშვების ინტერესებისა და საჭიროებების გათვალისწინებით შევარჩიოთ და კითხვის მსურველი პედაგოგები შემოვიკრიბოთ. მოსწავლეები უზომოდ გაიხარებენ, როცა გაიგებენ, რომ მასწავლებლები მათთვის და მათთან ერთად კითხულობენ.

შეიძლება ერთი დაბრკოლებაც შეგვხდეთ – პასუხად მიიღოთ, რომ ამისთვის არ სცალიათ. მაშინ შეგიძლიათ დანიელ პენაკის სიტყვები მოიშველიოთ. მისი აზრით, კითხვა სიყვარულს ჰგავს და განა შეიძლება ვთქვათ, რომ დრო არ გვაქვს სიყვარულისთვის? ასევე ვერ ვიტყვით, რომ საკითხვად არ გვცალია. უბრალოდ, ეს ჩვენი არჩევანი ან იქნება, ან არა.

- 🍎 ცდილობენ, ერთიმეორეს გაუგონ, უფრო ემპათიურები ხდებიან;
- 🍎 ერთად კითხვით სიამოვნებას იღებენ.

შედეგების ჩამოთვლა უსასრულოდ შეიძლება.



**სკაღუთ, ჩაღბან...**

- როცა მოსწავლეები და მასწავლებლები ერთად კითხულობენ:
- 🍎 მათი სასკოლო ცხოვრება, გაცვეთილები უფრო მრავალფეროვანი და საინტერესო ხდება;
  - 🍎 ისინი უკეთ ეცნობიან ერთმანეთს;
  - 🍎 გამოცდილებას იძენენ;



ნუსტან ნატიანი

# როგორ გავაუმჯობესოთ მოსწავლეთა წინითი კომუნიკაციის უნარი – ჩეფდექსიები

წერითი კომუნიკაციის გასაუმჯობესებლად მასწავლებელმა მრავალფეროვანი დავალებები უნდა შესთავაზოს მოსწავლეებს. ერთ-ერთი ასეთი დავალებაა რეფლექსიების წერა. მიუხედავად იმისა, რომ რეფლექსია პირველ პირში იწერება და ნაწერი, ერთი შეხედვით, არაფორმალური ხასიათისაა, ეს იმას არ ნიშნავს, რომ მოსწავლე აკადემიურ ჩარჩოებს უნდა გასცდეს. თუმცა, თუ ჩარჩოების გარღვევა კრეატიულად მოხდა, გადაცდენა მისასაღებელიც კი იქნება. ეს ყველაფერი მასწავლებლის შესაფასებელია; მან უნდა უთხრას მოსწავლეებს, როგორი რეფლექსია იქნება მისთვის მისაღები და ჩეთვლება თუ არა მოსწავლეს ყოველგვარი ტიპის რეფლექსია შესრულებულ დავალებად.

როდესაც სიტყვა „შეფასებას“ ვხმარობ, არ ვგულისხმობ იმას, რომ მასწავლებელი რეფლექსიებს ნიშნით უნდა აფასებდეს. ამის საჭიროება ნამდვილად არ არსებობს. რეფლექსიის წერა მოსწავლისთვისაც სახალისო უნდა იყოს და მასწავლებელიც არ უნდა იკიდებდეს დამატებით ტვირთს კლასში ამ კომპონენტის შემოტანით. კარგი იქნება, თუ თითო მოსწავლე სემესტრში ერთ რეფლექსიას მაინც დაწერს. ეს მას დაეხმარება, იყოს თანმიმდევრული, არ გამორჩეს დეტალები, ჩაუღრმავდეს საკუთარ სისუსტეებს და გააანალიზოს ძლიერი მხარეები.

რაზე დავაწერინოთ რეფლექსია? გაგიზიარებთ ჩემს გამოცდილებას, რომელმაც ძალიან გაამართლა.

სანამ რეფლექსიას დაწერდეს, კარგი იქნება, თუ მოსწავლეს ვთხოვთ, მოახდინოს დისკუსიის ინიცირება (ერთი შესწავლილი ტექსტი და ერთი ან მეტი დისკუსია, გააჩნია, რომელი ტექსტისთვის

რამდენი საათია გამოყოფილი და რამდენად იძლევა რამდენიმე დისკუსიის ჩატარების საშუალებას ერთი ტექსტი. თუ ის ვრცელია, ოთხი დისკუსია სავსებით მისაღებია; თუ მხოლოდ ერთი ლექსია, ცხადია, მოსწავლის მიერ ინიცირებულ დისკუსიაზე საუბარიც კი ზედმეტია). ასეთ დროს მოსწავლე დროებით ითავსებს მასწავლებლის როლს.

მოსწავლე აუცილებლად წინასწარ უნდა გავაფრთხილოთ, რომ კლასში მომზადებული მოვიდეს. მან სახლში იმ ინფორმაციის დამოუკიდებლად მოძიება უნდა შეძლოს, რომელიც განსაკუთრებულს გახდის მის მიერ ინიცირებულ დისკუსიას. ჩვენ, მასწავლებლებს, ამ დროს ერთადერთი როლი გვეკისრება – დავეხმაროთ მოსწავლეებს სანდო ინფორმაციის მოძიებაში, შევავასოთ, სწორ გზაზე დგანან თუ არა, საჭიროების შემთხვევაში დაფუსხნელოთ წყაროები, დამხმარე ლიტერატურა, რომელსაც უნდა დაეყრდნონ, ინტერნეტრესურსები და ა.შ.

როგორ ხდება დისკუსიის ინიცირება? როდესაც ნაწარმოებს გავდივართ, სხვადასხვა საკითხია ასახსნელი. ამ საკითხთა შორისაა მწერლის ბიოგრაფია, ეპოქის მიმოხილვა, კულტურული და სოციალური ასპექტები, მხატვრული სახეები, სტილებრივი და ენობრივი სპეციფიკა, უანრული თავისებურებანი. არ არის აუცილებელი, დისკუსიის ინიცირება მხოლოდ ერთმა მოსწავლემ მოახდინოს – ინიცირებელი დისკუსიის მოთავე ერთდროულად ორი, სამი ან ოთხი მოსწავლეც შეიძლება იყოს, გააჩნია, რა თემაა განსახილველი, რამდენად შესაძლებელია ერთი დისკუსიის ფარგლებში მისი დანაწევრება მცირე ნაწილებად და რამდენად აჯობებს თემის დაყოფა საკითხის შესასწავლად.



კონსტანტინის  
განსაზრებად ხშირად  
სწორ მიმართუ-  
ლებას გვაძლევს  
მწერლის  
ბიოგრაფიისა და  
ეპოქის შესწავლა,  
ასევე – კულტურული  
და სოციალური  
ასპექტების  
შესახებ  
საკმარისი  
ინფორმაციის  
მიღება.

ახლა წარმოვიდგინოთ, რომ ვასწავლით მიხეილ ჯავახიშვილის რომანს „ჯაყოს ხიზნები“. ამ ნაწარ-  
მოებზე მოსწავლეებს მრავალფეროვანი დისკუსიის  
ინიცირება შეუძლიათ. მაგრამ მოსწავლეები უნდა  
მიეჩვიოთ მთავარს – იყვნენ თანმიმდევრულნი,  
ეს კი იმას ნიშნავს, რომ, როდესაც, მაგალითად, სა-  
უბარია მხატვრულ სახეებზე, ბოლომდე ამოწურონ  
საკითხი და ერთიდან მეორეზე არ გადატყნენ.

გთავაზობთ სხვადასხვა სტრატეგიას, რომელთა დახ-  
მარებითაც შესაძლებელია დისკუსიის ინიცირება:

1. მოსწავლემ მოიძიოს და შეარჩიოს ფილმი  
(უფრო ზუსტად, ფილმის ერთი მონაკვეთი),  
რომელიც, მისი აზრით, სათავეს დაუდებს ისეთ  
დისკუსიას, რომელიც, თავის მხრივ, დაეხმა-  
რება თანაკლასელებს ტექსტის, ნაწარმოების  
რომელიმე ეპიზოდის, მწერლის მიერ წამოჭრი-  
ლი აქტუალური პრობლემის, სოციალური ან  
კულტურული ფონის უკეთ გაგებაში, მწერლის  
სათქმელის ამოცნობაში. მედიუმის როლის  
მორგება შეუძლია სხვა ვიზუალურ მასალასაც.  
„ჯაყოს ხიზნების“ შესწავლისას მოსწავლეს  
შეუძლია აჩვენოს ის კადრი ფილმიდან „ფრანით  
მორბენალი“, როცა ამირი ჭუჭრუტანიდან უყუ-  
რებს, როგორ აუპატიურებენ ჰასანს ასეფი და  
მისი თანამზრახველები. დისკუსიამ, რომელიც  
მოჰყვება ამ კადრს, მოსწავლეებს უნდა ამოაც-  
ნობინოს მწერლის სათქმელი. რა სათქმელია  
ეს? მოსწავლე, რომლის ინიცირებულობაცაა  
დისკუსია, უხსნის თანაკლასელებს, რომ ასეფი  
მომავალში თალიბანის აქტივისტი გახდება,  
თალიბანი კი ანგრევს და მიწასთან ასწორებს  
ავღანეთს, წელში ტყის მოსახლეობას, ყველანა-  
ირად ძალადობს საკუთარ ქვეყანასა და ხალხ-

ზე. ასეფი თალიბანის სიმბოლოა, ჰასარა ჰასანის  
– ავღანეთი, ხოლო ამირი – ავღანელი ხალხი.  
ხალხი ჰოსეინისთვის სამშობლო პატარა  
ბიჭია, რომელსაც მეგობარი/ძმა ვერ იცავს. ამ  
დისკუსიის ინიცირებისთვის მოსწავლეს მომზა-  
დებული უნდა ჰქონდეს ამონარიდი ჰომეროსის  
პოემის მეექვსე სიმღერიდან, რომელიც აჩვენებს,  
რომ ჰომეროსის „ილიადაში“ ჰექტორის  
სიკვდილი გაიგივებულია ტროას დაცემასთან.  
შესაბამისად, სხვადასხვა კულტურაში სამშობ-  
ლო ხან მდებარეობითი სქესისაა (მაგალითად ჩემს  
კოლეგას, რომელმაც ამ დისკუსიის ინიცირების  
პროცესში მომადგინა იდეა, მოსწავლისთვის  
მერჩია ირაკლი თოიძის პლაკატი „დედასამშობ-  
ლო გვიხმობს!“), ხანაც – მამრობითის, ხოლო  
მას ვერ იცავს ხან მეუღლე, ხან ძმა, ხანაც დედა  
(ნაბოკოვის „ლოლიტა“, რომლის ერთ-ერთი  
წაკითხვაც [ნაბოკოვი წინააღმდეგია ალევგორი-  
ებისთვის ზედმეტი მნიშვნელობის მინიჭებისა])  
გულისხმობს იმას, რომ ლოლიტა ავტორის  
ბავშვობის დროინდელი რუსეთია, რომელსაც  
ვერ იცავს დედა და რომელზეც ძალადობს  
ჰუმბერტ ჰუმბერტი). ჩემი მოსწავლეების მიერ  
ინიცირებული ეს დისკუსია ძალიან წარმატე-  
ბული აღმოჩნდა ნაწარმოების შესწავლისას.  
ნაცვლად იმისა, რომ მოსწავლეებს თუთიყუ-  
შებზე თემატიკაზე, მარგო საქართველოა,  
ჯაყო – ოკუპანტი და თეიმურაზი – ქართველი  
ხალხი, ისინი თავად მივიდნენ ამ დასკვნამდე.  
დისკუსიის დროს „უბის წიგნაკის ჩანაწერებიც“  
ძალიან დაგვეხმარა.

2. საქმე ისაა, რომ სკოლაში ორ შეწყვეტილებულ  
გაკვეთილს ვატარებ და თითქმის ორი საათი  
საკმარისი დროა კარგი დისკუსიის სრულ-  
ფასოვნად ჩასატარებლად. თუ ეს დრო არ  
გაქვთ, მაშინ მოსწავლემ შეიძლება წარმოად-  
გინოს „ჯაყოს ხიზნების“ ყდის რამდენიმე  
ფოტო (ადვილად იძებნება ინტერნეტში) და  
სთხოვოს თანაკლასელებს ილუსტრაციების  
ანალიზი. შეუძლებელია, მოსწავლეები ვერ  
ჩასწავდნენ არსს და ვერ ამოიცნონ მწერლის  
სათქმელი ილუსტრაციების მეშვეობით.

3. კონტექსტის გასაგებად ხშირად სწორ მიმარ-  
თულებას გვაძლევს მწერლის ბიოგრაფიისა  
და ეპოქის შესწავლა, ასევე – კულტურული და  
სოციალური ასპექტების შესახებ საკმარისი  
ინფორმაციის მიღება. თუ არც ერთი ასპექტის  
შესწავლა არ უწყობს ხელს ნაწარმოების იდეის







წინითი  
კომუნიკაციის გა-  
საუმჯობესებლად  
მასწავლებელმა  
მრავალფეროვანი  
დავარებაები უნდა  
შესთავაზოს  
მოსწავლეებს.  
ერთ-ერთი ასეთი  
დავარებაა ჩაფ-  
ღაქმის ტექნიკა.  
მიუხედავად იმისა,  
რომ ჩაფღაქმის  
პირველ პირში იხე-  
რება და ნაწინი,  
ერთი შეხედვით,  
არაფორმალური  
ხასიათისაა, ეს  
იმახსოვრებას,  
რომ მოსწავლე  
აკადემიურ  
ჩინოებას უნდა  
ბასცდეს.

სწორად გახსნას, დისკუსია წარუმატებელი იქ-  
ნება. ინიცირებული დისკუსიის მიზანი ის არის,  
რომ მოსწავლეებმა დამატებითი რესურსის  
დახმარებით შეძლონ ნაწარმოების გაგება. თუ  
რესურსები ნაწარმოების იდეისა და მწერლის  
სათქმელის გაგებაში არ გვეხმარება, დისკუ-  
სიას აზრი არ აქვს. ინიცირებული დისკუსიის  
ჩატარებამდე რამდენიმე ხნით ადრე მოსწავლე  
უნდა დაუკავშირდეს მასწავლებელს, რომ ამ  
უკანასკნელმა შეძლოს მისი სწორ გზაზე დაყე-  
ნება, მითითებების მიცემა და, რაც მთავარია,  
დისკუსიის მიზნის გამოკვეთაში დაეხმაროს.  
რა და როგორ – ეს თავად მოსწავლემ უნდა  
მოიფიქროს. მასწავლებელმა ისიც უნდა  
გაითვალისწინოს, რომ ჯგუფის მიერ დისკუ-  
სიის ინიცირებისას ერთი მოსწავლე არ იყოს  
ლოკომოტივი, ჯგუფის დანარჩენი წევრები  
კი – მატარებლის მგზავრები. ჯგუფის ყველა  
წევრს თანაბარი წვლილი უნდა შეჰქონდეს  
ინიცირებული თემის მომზადებაში, თუნდაც  
კლასში მათი როლი ჯეროვნად არ წარმოჩნ-  
დეს. მიხეილ ჯავახიშვილის ცხოვრებიდან კონ-  
კრეტული ეპიზოდების გახსენება კარგი იქნება  
დისკუსიის ინიცირებისთვის. ასევე ძალიან  
მნიშვნელოვანია ეპოქის დამახასიათებელი იმ  
ნიშნების გამოკვეთა, რომლებსაც რომანშიც  
ვხვდებით, მაგალითად, ნაშინდარის დაკავში-  
რება დამოუკიდებელი საქართველოს დროშის  
ფერთან ან დასავლეთის როლზე (1924 წლის  
აჯანყებულთა მოლოდინი, რომ მათ დასავლე-  
თი დაეხმარებოდა), რომელიც რომანში ორ-  
ჯერ აისახა (მაგალითად, იქ, სადაც პერსონაჟი  
გასცქერის დასავლეთს. ცხადია, დასავლეთი აქ  
ტყუილად არ არის ნახსენები, ისევე როგორც  
ზაფხული, როცა მოქმედება მიმდინარეობს).

4. ხანდახან მოსწავლეებს დისკუსიის ინიცირე-  
ბისთვის არ სჭირდებათ ვიზუალური მასალა.  
საკმარისია კარგი კითხვების მოფიქრება, რომ-  
ლებიც მიმართულებას მისცემს დისკუსიას.  
ასეთი კითხვების მომზადებას მაინც ბევრი  
დრო სჭირდება, რადგან მოსწავლე მზად უნდა  
იყოს თანაკლასელთა ნებისმიერი პასუხისთ-  
ვის, უნდა იცოდეს, რა შემთხვევაში რა კითხვა  
დასვას და როგორ გაართვას თავი მოდერირე-  
ბის პროცესს – მან ხომ უნდა მოახერხოს, რომ  
მისი გაკვეთილი არ გადაიზარდოს ჩხუბში და  
არ გასცდეს აკადემიურობის ფარგლებს. შესაძ-  
ლოა, მოსწავლემ მოინდომოს და დრო დაუთ-  
მოს იმ საკითხების განხილვასაც, რომლებიც  
კარგად ვერ გაიგო და ჰკონია, რომ დისკუსია  
საუკეთესოდ დაეხმარება მათ გარკვევაში.

მოსწავლის მიერ ინიცირებული დისკუსიისას  
ყველაზე მეტად ის მომწონს, რომ მეც, მასწავ-  
ლებელიც, ისევე ვმონაწილეობ მასში, როგორც  
მოსწავლეები, თუ ამის სურვილს დისკუსიის  
ინიციატორი გამოთქვამს. თუ მას ეს არ უნდა,  
ჩვეულებრივ დამკვირვებლად ვრჩები.

მთავარი, რისთვისაც ეს დისკუსიები გვჭირდება,  
მაინც ის არის, რომ მოსწავლემ ან მოსწავლეებმა,  
რომლებმაც დისკუსია მოაწყვეს, შემდეგ რეფლექ-  
სია უნდა დაწერონ. ალწერონ, როგორ წარიმართა  
გაკვეთილი, ასრულდა თუ არა მათი ჩანაფიქრი,  
მიაღწიეს თუ არა დასახულ მიზანს. ეს რეფლექსია,  
სულ ცოტა, 500-სიტყვიანი უნდა იყოს (თითო  
მოსწავლემ თითო რეფლექსია უნდა დაწეროს  
მაშინაც, როცა დისკუსია ჯგუფის მიერ არის  
ინიცირებული; რეფლექსია არ უნდა იყოს საერთო,  
რადგან საბოლოო მიზანი მაინც წერილი კომუ-  
ნიკაციის უნარის განვითარებაა). აუცილებელია,  
მოსწავლემ ობიექტურად გააანალიზოს დისკუსიის  
სუსტი და ძლიერი მხარეები. მოსწავლეებმა რეფ-  
ლექსია მხოლოდ სხვების პასუხებზე კი არ უნდა  
ააგონ, არამედ უნდა წარმოადგინონ საკუთარი  
გეგმები და მიზნები. სანამ რეფლექსიის წერას  
დაიწყებენ, მათ გააზრებული უნდა ჰქონდეთ, რომ  
რამდენიმე კითხვას უნდა გასცენ პასუხი: რომელი  
თემის ინიცირება მოხდა და როგორ დაეხმარათ  
შეთავაზებული რესურსი საკითხის გააზრებისას;  
თავიდან რომ ჰქონდეთ ჩასატარებელი დისკუსია,  
რას შეცვლიდნენ; რა გამოუვიდათ ყველაზე უკეთ  
და რას ვერ გაართვეს თავი. ასევე პასუხი უნდა გას-  
ცენ კითხვას - რა არ იცოდნენ, რა არ ესმოდათ და  
რა გაიგეს უკეთ დისკუსიის შემდეგ. რეფლექსია არ  
უნდა იყოს მხოლოდ იმის აღწერა, რაც გაკვეთილ-  
ზე მოხდა. ის უნდა დაეხმაროს მოსწავლეს თავისი  
სუსტი და ძლიერი მხარეების გაცნობიერებაში.

როდესაც შემაჯამებელ ნაშრომს დავაწერინებთ,  
მოსწავლეები უკვე მომზადებული იქნებიან,  
თავი გაართვან დავალებას. მანამდე მათ საკუთარი  
მოსაზრება ჩამოუყალიბდებათ (ნაცვლად იმისა,  
რომ ჩვენი ან სხვა ავტორიტეტების აზრები თუთი-  
ყუმბივით იმეორონ), არგუმენტებიც საკმარისად  
ეწეებათ (თანაკლასელებთან დისკუსია არგუმენ-  
ტების ჩამოყალიბებისა და კონტრარგუმენტების  
წარმოჩენის საუკეთესო გზაა) და წერაშიც გავარ-  
ჯიშებულები იქნებიან – ამაში ხომ სახელდახელო  
ნაწერები და რეფლექსიები დავგვხმარებთ.





მოსაზრება **მარიამ საჭაჩია**

ღონა ბაჩინაძე

# სოციალურ-ემოციური სწავლების სიკეთე

**SEL – სოციალურ-ემოციური სწავლება** – არის პროცესი, რომლის დროსაც ბავშვები და მოზარდები იძენენ და ეფექტიანად იყენებენ ცოდნას, დამოკიდებულებას და უნარებს, რომლებიც საჭიროა ემოციების გასაგებად, პოზიტიური მიზნების განსაზღვრად და მისაღწევად; გრძობენ და ამუშავებენ ემპათიას სხვების მიმართ, ამყარებენ და ინარჩუნებენ პოზიტიურ ურთიერთობას და იღებენ საპასუხისმგებლო გადაწყვეტილებებს.

**თუ ყველა მოსწავლეს ერთავთ საკლასო დისკუსიებში, სთავაზობთ პასუხისმგებლობას და არჩევანს, თბილად ეპყრობით და სათანადო მხარდაჭერასაც გამოხატავთ, სავარაუდოდ, უკვე იყენებთ SEL-ს.**

სკოლებში მუშაობისას ხშირად მესმის: „სად მცალია SEL-ისთვის, ამდენი საქმე მაქვს“. მართალია, სოციალური და ემოციური სწავლების პროგრამებისა და სერვისების წარმატებით დასანერგად მასწავლებლებმა და სკოლებმა

ყველაზე ძვირფასი რესურსი – დრო უნდა გამოიყენონ. SEL-ის კურიკულუმის შესამუშავებლად, საერთო-სასკოლო აქტივობების განსახორციელებლად და პროფესიული განვითარებისთვის ასევე საჭიროა შესაბამისი მზადყოფნა და სტრატეგიული დაგეგმვა. მაგრამ ეს გულს ნუ ავიცრუებთ. მედალს მეორე მხარეც აქვს: ბევრი მასწავლებელი უკვე იყენებს სწავლების სტრატეგიებს, რომლებიც ხელს უწყობს, ამ მხრივ, მოსწავლეთა ზრდას. განიხილავთ თქვენი მოსწავლეები თავიანთ ნაშრომებს? აღნიშნავენ თუ არა მათ მიღწევებს? თუ ასეა, თქვენ უკვე უწყობთ ხელს მოსწავლეების სოციალურ და ემოციურ განვითარებას.

## ეფექტიანი მასწავლებლები უკვე აკეთებენ ამას

ბევრმა მასწავლებელმა ინტუიციურად იცის, რომ მოსწავლეებთან ემოციური კავშირი მნიშვნელოვანია მათი აკადემიური, სოციალური და ემოციური

ზრდისთვის. ასეთი მასწავლებლები ზრუნავენ მოსწავლეებზე, ყურადღებას აქცევენ კლიმატს საკლასო ოთახში, მოსწავლეების ჩართულობას თუ უკუკავშირს. SEL-ის სფეროში ჩატარებულმა კვლევებმა დაადასტურა ის, რასაც ეფექტიანი მასწავლებლები უკვე აკეთებდნენ: სოციალური და ემოციური უნარები სწავლაში მნიშვნელოვან როლს ასრულებს.

მოსწავლეებს საკლასო ოთახში მოაქვთ ემოციები სკოლისგარე ცხოვრებიდან. ისინი შესაძლოა განიცდიდნენ სტრესს ოჯახში (ვთქვათ, მშობლის მიერ საბუთის დაკარგვასთან დაკავშირებით), მეგობართან შელაპარაკებას. კარგი მასწავლებლები საკლასო ოთახში შესვლისთანავე ამჩნევენ, რომ მოსწავლეებს რაღაც აწუხებთ და იციან, რომ მათ მხარდაჭერა სჭირდებათ ემოციების გასაწვავლად ან გასაწვავლად, სანამ სასწავლო პროცესში ჩაერთვებიან.

მოსწავლეები ასევე შესაძლოა განიცდიდნენ ემოციებს, რომ-



სოსილურ-ემოციური სწავლება არის პროცესი, რომლის დროსაც ბავშვები და მოზარდები იძენენ ზარბაზნებს და ეფექტიანად იყენებენ სწავლებას, და მოქმედებებს და უნარებს, რომლებიც საჭიროა ემოციების განსაზღვრის, პოზიტიური მიზნების განსაზღვრის და მისაღწევად.

ლებიც წარმოიშობა საკლასო ოთახში და ეხება სწავლას. ამის მაგალითია წარმატების ან წარუმატებლობის განცდა, რომელიც საკლასო აქტივობებს უკავშირდება. მოსწავლეები შესაძლოა დღედადინ ლაბორატორიული სამუშაოს ან სახელოვნებო შეჯიბრების წინ, აშინებდეთ მათემატიკური ამოცანები ან პოეზია... კარგ მასწავლებლებს ემოციური დამოკიდებულება აქვთ იმ საგნის მიმართ, რომელსაც ასწავლიან და მრავალნაირად შეუძლიათ ამ ვნების კლასისთვის გაზიარება. მიმზიდველი გაცვეთილების დაგეგმვა შესანიშნავი გზაა სოციალური და ემოციური უნარების ჩასართავად. ჰკითხეთ თქვენს თავს: „რა მინდა იცოდ-

ნენ მოსწავლეებმა, რას მინდა გრძნობდნენ და აკეთებდნენ ისინი ამ გაცვეთილის ბოლოს?“


### სწავლება SEL-ის ზონაში

სწავლა-სწავლებაში სოციალური და ემოციური უნარების ჩართვა ნიშნავს სწავლისთვის ხელშემწყობი საკლასო გარემოს შექმნას, მაგალითად, ისეთისა, სადაც მოსწავლეები:

- 🍏 აქტიურად ერთვებიან ასაკის შესაბამის სასწავლო აქტივობებში;
- 🍏 უვითარდებთ ცხოვრების პოზიტიური მიზნების მისაღწევად საჭირო უნარები;
- 🍏 არ ეშინიან და გრძნობენ აკადემიურ ინტერესს;

- 🍏 ურთიერთობენ მასწავლებლებსა და თანატოლებთან;
- 🍏 აქვთ მიკუთვნებულობის გრძნობა.

The Center on Great Teachers & Leaders-მა გამოავლინა სწავლების 10 პრაქტიკა, რომლებიც ხელს უწყობს მოსწავლეებში სოციალური და ემოციური უნარების განვითარებას. მიუხედავად იმისა, რომ ეს სტრატეგიები ხშირად გამოიყენება სკოლებში, მათ არ განიხილავენ როგორც რესურსებს მოსწავლეთა სოციალური და ემოციური კომპეტენციების განსავითარებლად. სტატის ბოლოს სამ ასეთ სტრატეგიას შემოგთავაზებთ:







**1. დისკუსიები კლასში.** ეს პრაქტიკა მიემართება მოსწავლეთა საკომუნიკაციო უნარებს და იძლევა აკადემიურ დისკუსიაში ჩართვის შესაძლებლობას. საკლასო დისკუსიებში გააზრებული მონაწილეობისთვის მოსწავლეებმა ყურადღებით უნდა უსმინონ სხვებს, გამოარჩიონ მათი იდეები და თავზაზიანად დაეთანხმონ ან არ დაეთანხმონ მათ. საკლასო დისკუსია იყენებს მოსწავლეთა სოციალურ ცნობიერებასა და თვითცნობიერებას და უვითარებს მათ თანაკლასელებთან ურთიერთობის უნარს.

**2. კასუსის მშენებლობა და ანჩე-ვანი.** რამდენად აძლევენ მასწავლებლები მოსწავლეებს უფლებას, მიიღონ გადაწყვეტილება თავიანთ საქმიანობასთან დაკავშირებით? ეს შეიძლება გულსხმობდეს საკლასო

ნორმებისა და პროცედურების შემუშავებას, აგრეთვე მოსწავლეებისთვის არჩევანის მიცემას იმის თაობაზე, როგორ ჩატარდეს გაკვეთილები და აქტივობები. საკლასო ოთახში არჩევანის უზრუნველყოფა მოსწავლეებს განუმტკიცებს განცდას, რომ მათი სწავლა მათ ხელთაა და უვითარებს საპასუხისმგებლო გადაწყვეტილებების მიღების უნარს.

**3. მასწავლებლის ანა.** მნიშვნელოვანია, როგორ ესაუბრებიან მასწავლებლები მოსწავლეებს. SEL-ის პერსპექტივით, მასწავლებლის ენამ, სიტომო და მხარდაჭერამ უნდა წაახალისოს მოსწავლეები, აკონტროლონ თავიანთი ქცევა. მასწავლებელი ძლიერი როლური მოდელია, როცა საქმე სოციალურ და ემოციურ უნარებს ეხება.

მოსწავლეებს შეუძლიათ, მისგან ისწავლონ სხვისი წახალისების პოზიტიური გზები, ემპათიის გამოხატვა ან კონფლიქტების მოგვარება.

ეს სამი მაგალითი გვიჩვენებს, როგორ შეუძლია სწავლების პრაქტიკებს მოსწავლეთა სოციალური და ემოციური უნარების მხარდაჭერა და განვითარება. მომდევნო დღეებში დააკვირდით თქვენს საქმიანობას SEL-ის პერსპექტივით. რამდენად უწყობს ხელს თქვენი სწავლება მოსწავლეების SEL-ის გაუმჯობესებას? კიდევ რომელი სტრატეგიების დანერგვაა საჭირო მათი სოციალური და ემოციური უნარების განსავითარებლად?

**ბევირა მასწავლებელია ინსტიტუციონალის, რომ მოსწავლეებთან ემოციური კავშირი მნიშვნელოვანია მათი აკადემიური, სოციალური და ემოციური ზრდისთვის. ასეთი მასწავლებლები ზრუნავენ მოსწავლეებზე, ყურადღებას აქცევენ კლიმატს საკლასო ოთახში, მოსწავლეების ჩართულობას თუ უკუკავშირს.**

**წყარო:** <https://www.edutopia.org/blog/sel-is-good-teaching-lorea-martinez>



ქეთევან კობახიძე

# მღუბანია ნობონს დანაშაული

მღუმარება – ეს გულგრილობის, ინდიფერენტულობის მეორე სახელწოდებაა. *სომერსეტ მოემი*

რა აიძულებს ზრდასრულ ადამიანს, გაჩუმდეს და ამით მოძალადის ნებისმიერ ჭირვეულობას შეუწყოს ხელი?

სავარაუდოდ, მკითხველების გარკვეულ ნაწილს გაუგონია ამერიკელი ფსიქოლოგის სტივენ კარპმანის „დრამატული სამკუთხედის“ შესახებ. განმარტება მათთვის, ვისაც სურს გაერკვეს, რაზეა საუბარი ფსიქოლოგის ამ თეორიაში:

კარპმანის მოსაზრებით, ნებისმიერ ადამიანს ჰქონია ცხოვრებაში ისეთი მომენტი, როდესაც სხვა ადამიანისთვის რამე გაუკეთებია ისე, რომ არც კი უკითხავს მისთვის, სჭირდება თუ არა ეს. გაგვიკეთებიათ თუნდაც ერთხელ საკუთარი ინტერესების შესაბამისი საქმე ისე, რომ საერთოდ არ გაგივალისწინებიათ სხვა ადამიანების ინტერესები? განვიცდით სიამოვნება „სამართლიანი შურისძიების“ აღსრულებით? შემთხვევით დაგვიწყებიათ ისეთი დანაპირების შესრულება, რომელსაც გულის სიღრმეში არ ეთანხმებოდით? დაგიდანაშაულებიათ სხვა ადამიანები ან გარემოებები საკუთარ წარუმატებლობაში? მიგაჩნიათ თუ არა, რომ სხვები თქვენზე მეტად იღბლიანები, წარმატებულები, ენერგიულები, მოხერხებულები არიან?

ფსიქოლოგ ალექსანდრ დიმიტრიენკოს აზრით, რომელიც კარპმანის თეორიას განიხილავს, თუ ეს კითხვები თქვენთვის ნაცნობია, ეს იმას ნიშნავს, რომ თქვენ აღმოჩნდით კარპმანის „დრამატული სამკუთხედის“ ერთ ან რამდენიმე როლში. ეს როლებია: მხსნელი, მოძალადე, მსხვერპლი. ნებისმიერ ამ როლში ყოფნის დროს თქვენ „თამაშობთ“ ფსიქოლოგიურ თამაშს. თამაში კი

გარკვეულწილად წინასწარ პროგნოზირებადი შედეგით სრულდება.

თამაში – ეს არის ადამიანებს შორის რეალური ურთიერთობების ჩანაცვლება. ნებისმიერი ადამიანის ცხოვრებაში ყოფილა დეჟავიუს მომენტები, როდესაც გეჩვენება, რომ რაღაც მსგავსი უკვე მომხდარა, რაღაც ასეთი ადრე უკვე განვიცდია. თამაშები განსაზღვრულ სიტუაციებს განმეორებადს ხდის, თითქოს ადამიანი მოჯადოებულ წრეზე დადის. ეს ყველაფერი კი ხელს უშლის მას, ცხოვრება შეგნებულად დაგვემოს და დასახულ მიზნებს მიაღწიოს.

კარპმანის აზრით, „ფსიქოლოგიური თამაშები“ იმგვარად მიმდინარეობს, რომ ადამიანი, რომელსაც თამაშის დასაწყისში სამიდან ერთ-ერთი როლი ჰქონდა, დროთა განმავლობაში სხვა როლში გადადის. მაგალითად, მხსნელი, რომელიც დაიღალა საკუთარი ინტერესების იგნორირების ხარჯზე სხვების დახმარებით, უკვე საკუთარ თავს აღიქვამს მსხვერპლად და საბოლოოდ იწყებს მსხვერპლის დევნას. ან მსხვერპლი იღლება მუდმივი „მჯარველობით“ და იმის განცდით, რომ თავად ვერ აკონტროლებს საკუთარ ცხოვრებას და მხსნელის დევნას იწყებს. ან მოძალადე გადადის მამველის როლში, რადგან უჩნდება დანაშაულის განცდა საკუთარი ქცევის გამო. შესაძლოა, მსხვერპლი მოძალადის როლშიც აღმოჩნდეს, რადგან ადამიანებს ზოგჯერ ბებრდებიათ მუდმივად მსხვერპლის როლში ყოფნა და იწყებენ შურისძიებას, თავად ხდებიან აგრესიულები ან გაურბიან მოძალადეს და აღარ ენდობიან მას. შესაბამისად, ყველა „მოთამაშე“, ზოგი – შედარებით ადრე, ზოგი – უფრო გვიან, ნეგატიური შეგრძნებით ასრულებს თამაშს.

**4** მაჩხოვობის შიში, ღაბაღი თვითმე-ფასება აიძულებს გშობაღს, ჩაებლა-უჰმოს პაჩხნიონს, გაწურჩავდაღ იმისა, ჩოგონია ის ღაჩას აკეთებს. არის შამთხვევა-ბი, ჩოღესაჲ „მღუბარე პიჩოვნება“ თვალს ხუჭავს პაჩხნიონის მხრიღან შვიღის მიღამთ განხონსიღღაბუღ ნებისმიერი სახის ძაღაღობაზღ.

სტივენ კარპმანი ერიკ ბერნის თეორიის ერთ-ერთი გამგრძელებელია. ის აღნიშნავს, რომ „ამ თამაშის სამი დრამატული როლი – მხსნელი, მოძალადე, მსხვერპლი – სინამდვილეში რეალური ცხოვრების მელოდრამატული გამარტივებაა. ცხოვრებაში ადამიანი საკუთარ თავს ხედავს მაღლიერი ან უმაღური მსხვერპლის კეთილ მხსნელად, უღირსი ადამიანების სამართლიან მღვერად და დაუნდობელი მღვერის უსამართლო მსხვერპლად“.

მკითხველი, სავარაუდოდ, გაერკვა კარპმანის სამკუთხედის არსში. ახლა – კიდეე ერთი სამკუთხედის შესახებ, რომელზეც რუსი ფსიქოლოგი ირინა საღავიოვა საუბრობს და რომელიც უფრო მეტად ოჯახში ჩამოყალიბებულ ურთიერთობებს ეხება.

**მსხვერპლი – მოძალადე – მღუბარე პიჩოვნება**

ნათელია, რომ ამ სქემაში არ მონაწილეობს მამველი. ის მღუმარე პიჩოვნებამ ჩაანაცვლა, რომელიც არაფერში ერევა. ის ირჩევს მღუმარე პიჩოვნების როლს ან სულაც ყველაფრის იგნორირებას ამჯობინებს. მისთვის სულერთია, რა ურთიერთობები ჩამოყალიბდება ბავშვებსა და უფროსებს შორის. მღუმარე პიჩოვნება არასოდეს დაიცავს მსხვერპლს, არ გამოთქვამს საკუთარ მოსაზრებას, არ ჩაერევა არც მაშინ, როცა მსხვერპლს ფიზიკური ძალადობის საფრთხე ემუქრება.

არავისთვის იქნება მოულოდნელი, თუ ვიტყვით, რომ „მღუმარე პიჩოვნება“ უფრო ხშირად დისფუნქციურ ოჯახებში გვხვდება. მსგავსი ოჯახებისთვის უსამართლობა, ფსიქოლოგიური და ემოციური ძალადობა, დაუმსახურებელი

სასჯელი, გაუმართლებელი, რუტინული წესები, დამცირება უცხო არ არის. „მღუმარე პიჩოვნება“ ყველაზე კომფორტულ პოზიციას იკავებს – მას ხომ არაფრის გაკეთება არ უწევს.

**საფრთხის შემსვარი მღუბარე**

სამკუთხედი – მსხვერპლი – მოძალადე – მღუმარე პიჩოვნება – ხშირად გლინდება ბავშვებისა და შშობლების ურთიერთობისას. ერთ-ერთი შშობელი ბავშვის მიმართ, „მოძალადის“ როლშია. შესაბამისად, ბავშვი მსხვერპლის როლში აღმოჩნდება. ამავე დროს მოძალადე მთელ პასუხისმგებლობას ბავშვს აკისრებს: „თავად არის დამნაშავე ეს აუტანლად ჯიუტი ბავშვი, ვერაფერს შეაგნებინებ“, „ბავშვი კი არა, პატარა მონსტრია“, „ვაფრთხილებდი და არ დამიფერა, მისი ბრალია“. შშობელი ბავშვის სრულ დემონიზაციას ახდენს. ის ნეგატიურად აღიქვამს პატარას ნებისმიერ ცეცქობას, რის გამოც უჩნდება არასწორი ნეგატიური განწყობა, დამახინჯებულად აღიქვამს რეალობას. დამახინჯებულად აღქმული ფაქტები, თავის მხრივ, აძლიერებს უარყოფით პროექციებს, თანაც ისე, რომ მსხვერპლს (ბავშვს) მანსი აღარ რჩება, შშობელს თავი მოაწონოს და მისი სიყვარული და თანაგრძნობა დაიმსახუროს.

**სიტუაცია ოჯახში:**

ბავშვი კარს დაუჯახა და ატირდა. შშობელს ეს არ დაუნახავს, მას მხოლოდ პატარის ტირილი შემოესმა. ის სასწრაფოდ აფასებს სიტუაციას საკუთარი ნეგატიური პროექციების პრიზმიდან და ღიზიანდება: „ოოო, ეს მტირალა ისეე ატირდა!“ მერე კი გაბრაზებული ეკითხება შვილს: „აბა, მითხარი, რა მოხდა ასეთი, რომ ისეე ტირი?“ ბავშვი შეშინებულია და ნაცვლად იმისა, რომ მოჰყვეს, რაც შეემთხვა, ცდილობს, „გამოსწორდეს“ და პასუხობს, რომ არაფერი მომხდარა. ასეთი პასუხი უფრო მეტად არისხნებს შშობელს. მას უფრო მეტად უმტიციდება საკუთარი ნეგატიური პროექცია: ბავშვი მტირალაა და ყოველგვარი მიზეზის გარეშე შეუძლია ცრემლები აღვარღვაროს. „ისედაც ვიცოდი, უხასიათო რომ იყო“.

რას აკეთებს ამ დროს „მღუმარე პიჩოვნება“? ის ხმას არ იღებს (ხშირად მსხვერპლსაც ურჩევს მოთმინებას და გაჩუმებას), რითაც ხელს უწყობს ოჯახურ ძალადობას, რომლის მსხვერპლი შესაძლოა არა მხოლოდ ბავშვი, არამედ ოჯახის რომელიმე ზრდასრული წევრიც კი გახდეს.







რა გეგმავს  
 ღვთისმშობელი  
 მშობლის მხრივ  
 ბავშვის – მსხვერ-  
 პლის – ქმედებათა  
 გაუფიქრებლის,  
 გაუფასურების  
 ტენდენციით?  
 ჩვენი აზრით,  
 მშობელი ბავშვს  
 საკუთარი  
 მრისხანების,  
 ბრანის  
 „კონტინენის“  
 ფუნქციას  
 ანიჭებს.

რა მექანიზმი დევს მოძალადე მშობლის მხრივ ბავშვის – მსხვერპლის – ქმედებათა გაუფიქრებლის, გაუფასურების ტენდენციის? ჩვენი აზრით, მშობელი ბავშვს საკუთარი მრისხანების, ბრანის „კონტინენის“ ფუნქციას ანიჭებს.

ბავშვი-მსხვერპლი – ეს არის ჩამნაცვლებელი ობიექტი, მისკენა მიმართული მოძალადე მშობლის მრისხანება, რომელიც სულ სხვა ადამიანს ეკუთვნის. სავარაუდოდ, მოძალადეს არ შეუძლია ბრანის პირდაპირ ადრესატზე შურისძიება. მაგალითად, ადრესატი შეიძლება იყოს ქმარი, მამა ან სამსახურში თანამდებობრივად ზემდგომი პირი; ან იქნებ სულაც მოძალადეს დაუგროვდა საკუთარი თავით ან ცხოვრებით უკმაყოფილება – ნებისმიერ შემთხვევაში ბრანი და მრისხანება ბავშვზე გადადის. აგრესიის გამოხატულება მრავალფეროვანია – მცირე შენიშვნებით დაწყებული, სერიოზული ძალადობით დამთავრებული. ბავშვი ხომ „ხურდას“ ვერ დააბრუნებს, სამაგიეროს ვერ გადაიხდის და ვერსად გაიქცევა.

თუ ერთ-ერთი მშობელი უსამართლოდ ეპყრობა შვილს, როგორ უნდა მოიქცეს მეორე? მკითხველი, რა თქმა უნდა, მიხვდა, რომ სწორი პასუხია: დაიცვას პატარა. აქ ერთი გარემოება იჩენს თავს: პარტნიორის პატივისცემა, ანუ თუ ერთი მშობელი „აღმზრდელობით ღონისძიებებს“ ატარებს, მეორე არაფერში ერევა. მაგრამ ეს წესი უნდა დაირღვეს, როცა რომელიმე მშობლის ქცევა არაადეკვატური ხდება. ბავშვი ხომ ვერ მოახერხებს, დამოუკიდებლად წარმართოს საკუთარი ცხოვრება და, მით უმეტეს, აგრესორისგან დაიცვას თავი. ამიტომ თუ ერთმა უფროსმა მოძალადის როლი მოირგო, მეორე არ უნდა ჩადგეს „მდუმარე პიროვნების“ პოზიციაში.

მაინც რა აიძულებს მშობელს გაჩუმებას, როდესაც შვილზე მისივე პარტნიორი ძალადობს?

**1. პარტნიორის დაპირების შიში.** მშობელს ეშინია, რომ თუ მსხვერპლს გამოექცემა, ეს გამოიწვევს კონფლიქტს მოძალადესთან, რომელიც შესაძლოა მასთან დაშორებითაც კი დასრულდეს. და რა განაპირობებს ამ შიშს?

**მატერიალური ინტერესი.** მეორე მშობელი ან პარტნიორი ფინანსური უზრუნველყოფის წყაროა ან სხვა მატერიალური სარგებელი მოაქვს.

**საზოგადოებრივი აზრის ზეწოლა.** მიუხედავად ყველაფრისა, განქორწინება დღესაც რჩება საზოგადოების მხრიდან გაკიცხვის საგნად.

**მარტოობის შიში, დაბალი თვითშეფასება.** ეს ყოველივე აიძულებს მშობელს, ჩაებლაუქოს პარტნიორს, განურჩევლად იმისა, როგორია ის და რას აკეთებს. არის შემთხვევები, როდესაც „მდუმარე პიროვნება“ თვალს ხუჭავს პარტნიორის მხრიდან შვილის მიმართ განხორციელებულ ნებისმიერ სახის ძალადობაზე.

**2. ანასტორად აღქმული დოქტრინა, მრისხანებათა სისტემა.** „ცოლი ქმარს უნდა დაემორჩილოს, რადგან კაცი ოჯახის უფროსია“ ან „შვილების აღზრდა ქალის ხვედრია“.

**3. თავდაშვის ანგორა, პარტნიორის მრისხანების შიში.** ბიოლოგიური ასაკი ყოველთვის ფსიქოლოგიურ სიმწიფეს არ გულისხმობს. მიუხედავად ზრდასრული ასაკისა, მშობელს, რომელმაც „მდუმარე პიროვნების“ როლი აირჩია, არ შეუძლია საკუთარი თავის და, მით უფრო, სხვების დაცვა, რადგან, როგორც წესი, ბავშვობაში ის ძალადობის შემსწრე იყო და არ იცის, მსგავს სიტუაციებში როგორ უნდა მოიქცეს.

**4. კონფორმისტული ქცევა, ნაპირობი ფასად კონფორმისტის თავის ანიჭება.** „მდუმარე პიროვნებას“ არ შეუძლია „გაართულოს სიტუაცია“, რადგან დარწმუნებულია, რომ მისი ჩარევითა და მსხვერპლის გამოქომაგებით უარესი მოხდება. ამის უკან დგას სირთულეებისა და პასუხისმგებლობისთვის თავის არიდების ტენდენცია. ეს საკუთარი სისუსტის მოხერხებული რაციონალიზაციაა.

**5. სარწმუნო.** ზოგჯერ „მდუმარე პიროვნებას“ საცებობით აკმაყოფილებს ასეთი სიტუაცია. მაგალითად, პარტნიორის მრისხანება მიმართულია ბავშვისკენ და არა მისკენ. ბავშვი ხომ სრულად „დემონიზებულია“. „მდუმარე პიროვნება“ ინარჩუნებს კარგ ურთიერთობას დრამის ორივე მონაწილესთან: აგრესორს ჰგონია, რომ ეთანხმება მას, მსხვერპლი კი ფიქრობს, რომ „მდუმარე პიროვნებას“ ეცოდება და თანაუგრძობს.

დაბოლოს: განურჩევლად იმისა, რა მიზეზით აღმოჩნდა „მდუმარე“ ამ როლში, ეს მას პასუხისმგებლობისგან არ ათავისუფლებს. ჩვენ პასუხისმგებელი ვართ არა მხოლოდ იმაზე, რასაც ვაკეთებთ, არამედ იმაზეც, რასაც არ ვაკეთებთ.





ქეთევან ოსიაშვილი

# როგორ დავძლიოთ ბავშვის სიზარმაცა

იმ პრობლემათაგან, რომლებსაც მშობლები და პედაგოგები ბავშვთან ურთიერთობისას ეჯახებიან, სიზარმაცე განსაკუთრებული სიმწვავეით აღიქმება და განსაკუთრებით შემაწუხებელია აღმზრდელთათვის. „საშინლად ზარმაცია, არაფრის გაკეთება არ უნდა. რაიმე ნივთს რომ აიღებს, ორი ნაბიჯის გადადგმა ეზარება თავის ადგილზე დასადებად“, „ისეთი ზარმაცია, საჭმელი წინ თუ არ დავუდებ, შეიძლება მშვიერი დარჩეს“, „ჩანთაში წიგნების ჩაღებაც კი ეზარება, ესეც ჩემი გასაკეთებელია“, „მასწავლებელი ამბობს, მართალია, ძალიან ჭკვიანი, გონებაგახსნილი და ნიჭიერია, მაგრამ სიზარმაცის გამო ძალიან ცუდი შედეგები აქვს, ცხოვრებაშიც ვერაფერს მიაღწევსო“, – ეს ის ფრაზებია, რომლებიც არცთუ იშვიათად გვესმის მშობლებისგან.

ყველა მშობელი ოცნებობს, აღზარდოს შრომისმოყვარე, მიზანსწრაფული და მიზანდასახული შვილი, ამიტომ ბავშვის აპათიურობა, საშინაო დავალებების შესრულებისა და ყოველდღიური საქმეების

კეთების სურვილის უქონლობა მათ განგაშს იწვევს.

სიზარმაცე ბავშვებში იშვიათი ნამდვილად არ არის. ხშირად ისინი არა მხოლოდ სწავლაში ამულავენებენ სიზარმაცეს, არამედ ბევრ სხვა საქმეშიც – ისეთშიც კი, რომელიც დიდ ძალისხმევას არ მოითხოვს.

სიზარმაცის დაძლევა, ისევე როგორც ნებისმიერი სხვა პრობლემისა, მისი მიზეზების ძიებით უნდა დავიწყოთ. თუ გვეცოდინება, რითია ის გამოწვეული, შევძლებთ დავუმართოთ ბავშვს, თავი გაართვას ჩვენთვის ასე მოუღებელ და მისთვის საზიანო ჩვევას.

**სიზარმაცის ძირითადი მიზეზები:**

**❶ მიზანდასახულობა** – ბავშვის სიზარმაცეს მრავალი მიზეზი აქვს, თუმცა მათგან მთავარი განვითარების ადრეულ პერიოდს უკავშირდება. საინტერესო და ყურადსაღებია ის ფაქტი, რომ ჩვენთვის ესოდენ მიუღებელი ქცევისკენ არცთუ იშვიათად თავადვე ვუბიძგებთ პატარას, როდესაც

არ გვცოფობს მოთმინება, ავითანოთ მისი მოქმედების ნელი ტემპი, მოუხერხებლობა და საყვედურებით ვახშობთ დამოუკიდებლად მოქმედების ინიციატივას: „ჯერ პატარა ხარ, მე თვითონ დავალაგებ!“, „ხელი არ ახლო, თორემ გააფუჭებ!“, „არ აიღო ფინჯანი, გაგიტყდება!“ ამ სიტყვების სისტემატურად მოსმენის შემდეგ ბავშვს შესაძლოა საერთოდ გაუქრეს დამოუკიდებლობისკენ სწრაფვის სურვილი. „რატომ უნდა ვეცადო, თუ მაინც ამიკრძალავენ და უუნაროს და მოუხერხებელს მიწოდებენ?“ – სამართლიანად ფიქრობს ის და თანდათან ერგება, რომ მის ნაცვლად ყველაფერს უფროსები გააკეთებენ, რომლებსაც გაცილებით უკეთესად გამოსდით ეს საქმე. მრავალი წლის შემდეგ კი მისი სიზარმაცით აღშფოთებულ დედას მოზარდი გულწრფელი გაოცებით განუცხადებს: „რატომ უნდა გავაკეთო მე, როცა შენ გაცილებით უკეთესად გამოგდის?“

ყველა მშობელი ოცნებობს, აღზარდოს შრომისმოყვარე, მიზანსწრაფული და მიზანდასახული შვილი, ამიტომ ბავშვის აპათიურობა, საშინაო დავალებების შესრულებისა და ყოველდღიური საქმეების



**🍏 სეზონალური თავისაზრდე** – ბავშვის სიზარმაცეზე საუბრისას ნუ დაგვაფიქვდება მისი ტემპერამენტის თავისებურებების გათვალისწინება. თუ ის ქოლერული ან სანგვინიკია, ნათელი გახდება, რატომ არ გამოდის სამუშაო, რომელიც ყურადღების კონცენტრაციის მაღალ დონეს და სიბეჯითეს მოითხოვს. ასეთ სამუშაოს უკეთესად შეასრულებენ დინჯი, გაწონასწორებული ფლეგმატიკი ან მელანქოლიკი, თუმცა ამ ორი ტიპის ტემპერამენტის პატარები გაჭირვებით ართმევენ თავს დავალებას, რომელიც რეაქციის სისწრაფეს და აქტიურ ურთიერთობას მოითხოვს. სწორედ

ამის გამოა, რომ ფლეგმატიკის ყურებისას ხანდახან გვეჩვენება, რომ ზარმაცობს. სინამდვილეში ასეთ ბავშვს მეტი დრო სჭირდება განწყობის შესაქმნელად და საქმესაც ძალიან ნელა აკეთებს.

**🍏 წინაგაზაფხულის, მანისის შიში** – ხანდახან ბავშვი ხელს არ ჰკიდებს საქმეს, რადგან წარუმატებლობის ეშინია. მაგალითად, არ სურს ლექსის სწავლა იმიტომ, რომ რამდენიმე დღის წინ გავკეთილზე ლექსს კითხულობდა, დაავიწყდა და თანაკლასელებმა დასცინეს. საკუთარ თავში დაურწმუნებელ, დაბალი თვითმფასების მქონე ბავშვს ეშინია თანატოლთა დაცინვის,

მშობლების უკმაყოფილების, არ სურს, თავს ხელმოცარულად გრძნობდეს, ამიტომ ამჯობინებს, არც კი დაიწყოს საქმე, რომელიც, მისი აზრით, მარცხისთვისაა განწირული.

**🍏 დალილობა** – ბავშვი, რომელსაც არ აქვს თავისუფალი დრო თამაშისა და გართობისათვის, ადრე თუ გვიან, დიდი ალბათობით, აპათიური და ზარმაცი გახდება. სიზარმაცე ამ შემთხვევაში ბავშვის ორგანიზმის საპასუხო რეაქციაა გადატვირთვაზე. მას უბრალოდ ძალა არ ჰყოფნის, თავი გაართვას დატვირთვას, სიზარმაცით კი ამოსუნთქვისა და დასვენების საშუალება ეძლევა.

**🍏 მოზაიკის ყუინალების მიჯნობის სუნილი** – ხანდახან,





ბავშვისთვის გულ-  
მივად იმის შეხსე-  
ნება, რომ ის ცუდი,  
ზანაზანი, მოუხერ-  
ხებელია, უარყო-  
ფითად აიხსნება  
ჩვენდამი მის  
დამოკიდებულე-  
ბაზე. ბავშვის  
უპირობო სიყვარუ-  
ლი და მისი მიღება  
ისეთად, რომლის  
ანის, უამრავი  
პრობლემის და მათ  
შორის სიზარმა-  
ცის დაძლევაშიც  
დაგვეხმარება.

ურთიერთობის, ყურად-  
ღებისა და სიყვარულის  
დეფიციტის გამო, ბავშვი  
სიზარმაცით ცდილობს  
მშობლების ყურადღების  
მიპყრობას. ზარმაცობს,  
არაფერს აკეთებს და ამით  
თითქოს პროტესტს გამო-  
ხატავს მისდამი მშობლების  
დამოკიდებულების გამო.

**ნიხანისი და მოთივაისი**

**ანიანაპობა** – სასწავლო  
საქმიანობაში ბავშვის სი-  
ზარმაცის მიზეზი შეიძლება  
იყოს სწორედ მოტივაციის  
არარსებობა. მოტივაცია  
მოქმედების მამოძრავებ-  
ლი ძალაა. ბავშვისთვის,  
განსაკუთრებით - უმცროსკ-  
ლასელებისთვის, ხშირად  
გაუგებარია, რა საჭიროა  
სკოლა, სკოლაში სიარული,  
თითქმის მთელი დღის იქ  
გატარება, მასწავლებლე-  
ბის მოსმენა, მერე კი მთელი  
საღამო გაკვეთილების მომ-  
ზადება. „რატომ?“ - კითხუ-  
ლობს პატარა და პასუხად  
ესმის: „იმიტომ, რომ ასე  
სურთ მშობლებს, იმიტომ,  
რომ საჭიროა“. ბავშვისთვის  
საინტერესო არ არის სამუ-  
შაოს შესრულება მხოლოდ  
იმიტომ, რომ ეს საჭიროა.

**რეკომენდაციები ბავშვის  
სიზარმაცის დასაძლევად:**

უარი ვთქვათ ჰიპერმზრუნ-  
ველობაზე. გამოვიჩინოთ  
მოთმინება. ნუ ვეცდებით,  
ბავშვის ნაცვლად ყველაფე-  
რი ჩვენ გავაკეთოთ. რა თქმა  
უნდა, ჩვენ უფრო სწრაფად  
და უკეთესად გავართმევთ  
თავს საქმეს, მაგრამ დამო-  
უკიდებლობისკენ სწრაფვის

ჩახშობით ცუდ სამსახურს  
გავუწევთ პატარას. გავით-  
ვალისწინოთ, რომ მას სჭირ-  
დება დრო და გამოცდილება  
ნებისმიერი საქმის შესასრუ-  
ლებლად. თუ დამოუკიდებ-  
ლად მოქმედების ინიციატი-  
ვას ჩავუშნობთ, მომავალში  
მას აღარაფრის კეთება აღარ  
მოუნდება. წავახალისოთ  
ბავშვის დამოუკიდებლობა  
და გვახსოვდეს, რომ უზომო  
მეურვეობა მხოლოდ ვნებს  
მას. არაფერი დაშავდება, თუ  
პატარა ისე დახვეწილად ვერ  
გაკეთებს რამეს, როგორც  
ჩვენ გავაკეთებდით, ან  
ხელიდან გაუვარდება რამე  
და გაუტყდება.

ნუ დავსჯით ბავშვს  
იძულებითი შრომით –  
„გაუგონრობის გამო დღეს  
ჭურჭელს გარეცხავ!“,  
„რაკი გაკვეთილები არ  
მოამზადე, ოთახს დაალა-  
გებ!“ ეს ბავშვს სიძულვილს  
უღვივებს საქმის მიმართ,  
ჩაუკლავს შრომის სურ-  
ვილს. შრომის სურვილის  
უქონლობა კი, თავის მხრივ,  
სიზარმაცის წინაპირობაა.

ხშირ-ხშირად მივცეთ  
ბავშვს პატარ-პატარა  
დავალებები. ამასთან, გა-  
ვაკეთოთ ეს არა ბრძანების,  
არამედ თხოვნის ფორმით.  
ასე პატარა იგრძნობს, რომ  
ვენდობით, რაც თვითშეფა-  
სებას აუმაღლებს.

ნუ ვერჩუბებით ბავშვს, თუ  
პირველივე მცდელობაზე  
რამე არ გამოუვიდა. უკეთესი  
იქნება, მშვიდად, კეთილ-  
განწყობილი ტონით ავუხს-  
ნათ, როგორ შეიძლება  
ყველაფრის გამოსწორება.

თუ ბავშვს საოჯახო საქმეში  
ჩვენი დახმარება უნდა,  
უარს ნუ ვეტყვით, იმ შემთხ-  
ვევაშიც კი, როცა წინასწარ  
ვიცით, რომ არ გამოუვა.  
გვახსოვდეს, ბავშვი ზარ-  
მაცდება სწორედ მაშინ,  
როდესაც მას რამის კეთებას  
ვუკრძალავთ. გავაკეთოთ  
ეს საქმე ბავშვთან ერთად  
და არ დაგვაგიწყდეს მისი  
შექება დახმარებისთვის.  
უბრალო შექება, განსა-  
კუთრებით – ოჯახის ყველა  
წევრის თანდასწრებით,  
მშობლების სიზარული  
და სიამაყე ბავშვისთვის  
შესაძლოა ძლიერ მამოტი-  
ვირებელ ფაქტორად იქცეს.

მივჩვიოთ ბავშვი დაწყებუ-  
ლი საქმის ბოლომდე მიყვა-  
ნას. თუ რამე არ გამოსდის,  
დავეხმაროთ, შევასრუ-  
ლოთ დავალებები ერთად,  
მაგრამ არა მის მაგივრად.

გავითვალისწინოთ, რომ  
ბავშვები პირდაპირ იღებენ  
უფროსების, უპირველე-  
სად კი მშობლების ქცევის  
მოდელს, ამიტომ არ იქნება  
გამართლებული, მოვით-  
ხოვოთ მისგან შრომისმოყ-  
ვარეობა, თუ თავად არ  
გავაჩნია ეს თვისება.

დაბოლოს, ნუ დავგავიწყდება:  
ბავშვისთვის მუდმივად იმის  
შესხენება, რომ ის ცუდი, ზარმა-  
ცი, მოუხერხებელია, უარყო-  
ფითად აისახება ჩვენდამი მის  
დამოკიდებულებაზე. ბავშვის  
უპირობო სიყვარული და მისი  
მიღება ისეთად, როგორც  
არის, უამრავი პრობლემის და  
მათ შორის სიზარმაცის დაძლე-  
ვაშიც დაგვეხმარება.





ანია ჯალიაშვილი

# როგორ „გავალვით“ მოსწავდე – პრიტიკული აზროვნების ნიუანსები

პრიტიკულად მოაზროვნე არა მხოლოდ კონკრეტულ ამოცანებს უნდა უპასუხო, არამედ ჩვენი ცხოვრების სხვადასხვა სფეროებშიც. ამისთვის კი თვითონ პედაგოგს უნდა ჰქონდეს ეს უნარი, რომელიც, რა თქმა უნდა, მუდმივ წვრთნას მოითხოვს. მასწავლებელმა მოსწავლე უნდა „გააღვიძოს“, რათა მან შეძლოს საგნებისა და მოვლენების ნათლად აღქმა და დანახვა. „გაღვიძება“ იგივე მოძრაობაა, მოქმედება ინდივიდუალობის განსავითარებლად, კოლექტიური შეხედულებების მღვრიე ნაკადებში გზის გასაკვლევად.

საკოლო განათლების მთავარი პერსპექტივები დაკავშირებულია არა მხოლოდ უახლეს ტექნოლოგიებთან, არამედ ადამიანებთან, რომლებიც მას შესაბამისი მიზნებისთვის გამოიყენებენ. XXI საუკუნეში კაცობრიობა განვითარების ახალ სტადიაზე გადავიდა: მეცნიერები, პოლიტიკოსები, პედაგოგები თუ საზოგადოებრივი ცხოვრების სფეროთა სხვა წარმომადგენლები სულ უფრო ხშირად საუბრობენ საინფორმაციო ერაზე, რომელმაც ადამიანისგან ახალი უნარების განვითარება მოითხოვა. შრომით ბაზარზე ინტელექტუალური შრომის წილი სულ უფრო მეტად იზრდება, რაც სკოლისგანაც მოითხოვს მზადყოფნას, შეგუებას, იმ მოთხოვნათა გაცნობიერება-გააზრებას, რომლებიც თანამედროვე სოციალურმა დაკვეთებმა წარმოშვა. ასე რომ, განათლება უნდა დაეფუძნოს არა მზა ცოდნის ათვისებას, არამედ მის შემოქმედებით გადაამუშავებას და დამოუკიდებელ გამოყენებას, იმის უნარს, რომ ადამიანი შეძლოს თავისი საქმიანობის შეფასება. მასწავლებელმა ციფრული ტექნოლოგიებიც იმისთვის უნდა გამოიყენოს, რომ კრიტიკული აზროვნების უნარი განუვითაროს მოსწავლეებს. ეს იმას ნიშნავს, რომ მოსწავლე მიეჩვიოს სააზროვნო ტექნიკებისა თუ სტრატეგიების გამოყენებას სასურველი შედეგის მისაღწევად. ეს არის აზროვნების იმგვარი მართვის უნარი, როცა შეგიძლია მიზანდასახულად ფიქრი, ამოცანების გადაწყვეტა, არსებულ მონაცემთა კლასიფიკაცია, დამუშავება და შესაბამისი დასკვნების გამოტანა.

კრიტიკულად მოაზროვნე არა მხოლოდ კონკრეტულ ამოცანებს წყვეტს, არამედ რეალური ცხოვრებისეული გამოწვევებისთვისაც ემზადება. ამგვარი აზროვნების უნარი ეხმარება ადამიანს, დამოუკიდებლად გაიკვილოს გზა თანამედროვე საინფორმაციო ნაკადებში. ცხოვრებაში კი უმნიშვნელოვანესია განსაზღვრული ორიენტირები, რომელთა გარეშე საზოგადოების სრულფასოვან წევრად ჩამოყალიბება წარმოუდგენელია.

კრიტიკული აზროვნების განსავითარებლად მასწავლებელი მუდმივად შემოქმედებითად უნდა იყოს განწყობილი, რათა შესაბამისი ხერხები და მეთოდები მოიძიოს კონკრეტული კლასის მონაცემებისა თუ შესასწავლი მასალის გათვალისწინებით. მან გაკვეთილზე ხელი უნდა შეუწყოს:

სხვადასხვა თვალსაზრისის, შეფასების, დამოკიდებულების არსებობას;

- 🍎 კომუნიკაციის კულტურის განვითარებას;
- 🍎 შაბლონურ და სტერეოტიპულ კითხვა-პასუხებზე უარის თქმას;
- 🍎 სასწავლო პროცესის იმგვარად ორგანიზებას, რომ მოსწავლეებს მიეცეთ დამოუკიდებლად ფიქრისა და გადაწყვეტილებების მიღების შესაძლებლობა;
- 🍎 გაკვეთილზე მრავალფეროვანი სასწავლო სტრატეგიის გამოყენებას და სხვ.


ხანგრძლივი დაკვირვების საფუძველზე მასწავლებელს ნათელი წარმოდგენა უნდა ჰქონდეს თითოეულ მოსწავლეზე; უნდა იცოდეს, როგორ გაითვალისწინოს მოსწავლეთა უმრავლესობისა თუ უმცირესობის ინტელექტუალური მონაცემები, ათვისებისა და შემეცნების სტილი და შეიძუშაოს შესაბამისი, მოკლე თუ გრძელ პერსპექტივაზე გათვლილი ტაქტიკა. თუ პედაგოგი დიდხანს ვერ იღებს შედეგს, თვითდიაგნოსტიკების გზით კარგად უნდა გააცნობიეროს მიზეზი:

1. საჭიროა სწავლების სტრატეგიის შეცვლა;
2. სხვადასხვა მოსწავლის „გასაღვიძებლად“ საჭიროა სხვადასხვა მეთოდის გამოყენება.

ყველა მოსწავლე ინდივიდუალურად აღიქვამს სამყაროს, მოვლენებს, თავისებური სმენა და ინტუიცია აქვს. ამიტომ კარგად უნდა გავარკვიოთ, ესა თუ ის ბავშვი რას ხედავს იოლად და რას - ვერა. სხვათა რეკომენდაციებისა და გამოცდილების გაცნობა-გაზიარება აუცილებელია, მაგრამ ეს არ არის ერთადერთი გზა. ყოველგვარი მასალის გაცნობის შემდეგ საჭიროა შემოქ-

მედებით-ანალიტიკური ფიქრი, ძიება და პოვნა იმ ხერხისა, რომელიც ყოველ ცალკეულ მოსწავლეს დაანახებს იმას, რასაც აქამდე ვერ ხედავდა და ამიტომაც ვერ ვითარდებოდა, არ უყალიბებოდა კრიტიკული აზროვნების ჩვევა და უნარი, რის გამოც თვითონაც წუხდა და მასწავლებელსაც საგონებელში ავადებდა.

კრიტიკული აზროვნება გულისხმობს გამოსავლის მუდმივ ძიებას, წიგნებსა თუ ინტერნეტსივრცეში წაკითხულ თუ გაგონილ რჩევებში შესაბამისის ამორჩევისა და გამოყენების უნარს, მზა მოდელების ცვლილებას კერძო და კონკრეტული ამოცანის გადასაწყვეტად. ერთ თვალსაჩინო მაგალითს მოვიყვანთ, რომელიც ჯეკი თერნბულის წიგნიდანაა: „ბავშვობაში ოჯახს ხშირად დავყავდი სასეინროდ. მთელი ოჯახი მივდიოდით ხოლმე: ბიძები, მამიდები, ბიძაშვილები. ერთ-ერთი ასეთი სერნობის დროს სოფლის პირას მივდიოდით, როცა ჩემმა ერთმა ბიძაშვილმა გვთხოვა, გავჩერებულყავით. მას შეემჩნია მეყოლია, რომელიც ლობზე იჯდა და ვიწრო ჭრილიდან ოდნავ მოჩანდა. სამარისებური სიჩუმე ჩამოვარდა. ჩემ გარდა ყველა ულამაზესი ჩიტის ყურებით ტკბებოდა. მე კი წარმოდგენა არ მქონდა, რას მიშტერებოდნენ ასე. „შეხედე, ჟაკლინ, შეხედე“, – ჩამწურწურულა ბიძამ, დაიხარა და ლობისკენ მიმანიშნა, რომელსაც ყველა უყურებდა. „შეხედე, სანამ გაფრინდება“. მე, შეძლებისდაგვარად, მზერა გავამახვილე. „სად არის, სად?“ - ვკითხულობდი დიდი ინტერესით. „აი, იქ, იქ“, – მიპასუხა ბიძაჩემმა, განაწყენებულმა იმით, რომ აქამდე ვერ შევამჩნიე ფრინველი. ლამის საუკუნე გავიდა იმის მცდელობაში, რომ ჩიტი დამენახა. ბოლოს, თითქოს დარაბა ჩამოხსნესო, სრულიად სხვა სურათი წარმომიდგა თვალწინ. მეც დავინახე ფრინველი, რომელსაც დანარჩენები უკვე დიდი ხანია ხედავდნენ. მშვენივრად ჩანდა. აღმოჩნდა, რომ ორი მეტრიც კი არ მაშორებდა მისგან“ (ჯეკი თერნბული, „პროფესიონალი მასწავლებლის 9 მახასიათებელი“).







ყველა მოსწავლე ინდივიდუალურად აღიქვამს საბყაროს, მოვლენებს, თავისებური სმენა და ინტუიციის აქვს. ამიტომ კარგად უნდა გავარკვიოთ, ესა თუ ის ბავშვი რას ხედავს იოღად და რას – ვერა. სხვათა ჩაკომენდაციებისა და გამომხილებების გაცნობა-გაზიარება აუცილებელია, მაგრამ ეს არ არის ერთადერთი გზა.

„შვირის გამახვილებას“ წვრთნა სჭირდება, რომლის ხანგრძლივობა ყველა მოსწავლეს შეიძლება სხვადასხვა ჰქონდეს. ამისთვის კი არსებობს ნაცადი სასწავლო სტრატეგიები. უპირველეს ყოვლისა, ყოველი გაკვეთილი ისე უნდა დაიგეგმოს, რომ კარგად გამოიკვეთოს სამი ეტაპი: გამოწვევა, გააზრება, რეფლექსია.

გამოწვევის ეტაპზე მასწავლებელმა შეიძლება სხვადასხვა მეთოდი გამოიყენოს: ინდივიდუალური მუშაობა, წყვილებსა თუ ჯგუფებში მუშაობა, გონებრივი იერიში, შინაარსის პროგნოზირება, პრობლემური კითხვები... ამგვარად, მოსწავლეს ექმნება ბაზისი ცოდნის მიღება-გაანალიზებისთვის, ახალი ინფორმაციის ძველთან ეფექტურად დაკავშირებისთვის, ამ ახალი ინფორმაციის კრიტიკული გადაამუშავებისთვის.

გააზრების ეტაპზე მოსწავლე უღრმავდება ახალ მასალას, კითხულობს ტექსტს, უყურებს ფილმს, უსმენს ლექციას, სვამს კითხვებს, ინიშნავს გასარკვევ თუ პრობლემურ საკითხებს. ყოველი მოსწავლე თავის დამოკიდებულებას გამოხატავს, მსჯელობს, როგორ გაიგო ესა თუ ის საკითხი, რა დაეხმარა ამაში ან რამ შეუშალა ხელი, რამ წაიყვანა სხვა გზით. მოსწავლეებს აუცილებლად უნდა შეეძლოთ ამგვარი თვითანალიზი. მასწავლებელმა ისინი ამას თანდათან უნდა შეაჩვიოს.

ცოდნის გამყარება სხვადასხვა ხერხითა და მეთოდით მიიღწევა. მაგალითად, თუ მასწავლებელი ჯგუფური მუშაობის ფორმას აირჩევს, მაშინ კარგად უნდა დააკვირდეს, რომ ჯგუფში ორი მნიშვნელოვანი რამ გამოიკვეთოს: ინდივიდუალური ძიება და იდეების გაცვლა-გაზიარება.

ჯერ იდეები, თვალსაზრისები უნდა გამოთქვან მოსწავლეებმა, მერე ერთმანეთთან თანამშრომლობით გამოიტანონ დასკვნები, ბოლოს კი ლიდერს მიანდონ თავიანთი თვალთახედვის (ნამუშევრის) საპრეზენტაციოდ გამოტანა.

ყველა მეთოდი თავიდანვე ერთნაირი წარმატებით ვერ იმუშავებს - უნდა ადაპტირდეს, ტრანსფორმირდეს და მასწავლებელმა ცხშირად უნდა გამოიყენოს, რათა მოსწავლეები მიაჩვიოს ამგვარი ტექნოლოგიით ცოდნის შექმნას და სხვადასხვა მნიშვნელოვანი უნარის განვითარებას.

რეფლექსიის სტადიაზე მოსწავლეები გაიზარებენ, რა ისწავლეს გაკვეთილზე, ამგვარად იმყარებენ შექმნილ ცოდნას, ახალი მასალის გათვალისწინებით, აქტიურად უზიარებენ ერთმანეთს თავიანთ დამოკიდებულებასა და შეხედულებებს. ერთსა და იმავე ფაქტსა თუ მოვლენას სხვადასხვა რაკურსით გაიზარებენ, ეცნობიან განსხვავებულ შეხედულებებს, შემოქმედებითად გადაამუშავებენ სხვადასხვა ინფორმაციას, იძენენ უნარს, თავისუფლად გამოხატონ სუბიექტური დამოკიდებულება ყოველივეს მიმართ, სხვაც შეაფასონ და საკუთარი შესაძლებლობებიც სწორად აღიქვან.

ამგვარად მასწავლებელი აამაღლებს გაკვეთილზე ინფორმაციის მიღება-გადაამუშავების ხარისხს, მოსწავლეთა მოტივაციასა და ჩართულობას, ცოდნისადმი მათ პასუხისმგებლობას, განუვითარებს მათ პიროვნულობას, რათა მოსწავლემ სწავლა გაიზაროს არა როგორც მომავლურებული რუტინა, არამედ როგორც სამყაროსა და საკუთარი თავის დაუსრულებელი, აღმოჩენებით სავსე შემეცნების პროცესი.





ნანა ჯანაძე

# ციფრული ტექნოლოგიები ადრეულ განათლებაში

თანამედროვე ციფრული ტექნოლოგიების გამოყენება აქტუალურია განათლების ყველა საფეხურზე, მათ შორის - ადრეულ განათლებაშიც. დღეს ბავშვები გარემოცულნი არიან ციფრული ტექნოლოგიებით და, შესაბამისად, ციფრული „გარემო“ მათთვის ბუნებრივი და ბევრად უფრო გასაგებია, ვიდრე მრავალი ჩვენგანისთვის. საბავშვო ბაღში სიარულის დაწყების მომენტისთვის ბავშვებს უკვე აქვთ მრავალფეროვანი ციფრული ტექნოლოგიების გამოყენების გამოცდილება. ამ კონტექსტში, ადრეულ განათლებაში მხოლოდ ტრადიციული რესურსების გამოყენება და ტექნოლოგიების როგორც სწავლისა და თამაშის მედიუმის უგულებელყოფა შესაძლოა დღეს უკვე ვეღარ პასუხობდეს ბავშვების საჭიროებებსა და ინტერესებს.

ადრეული განათლების თანამედროვე მკვლევართა მოსაზრებით, ციფრული ტექნოლოგიები ბავშვებს სთავაზობს ცოდნის კონსტრუირებისა

და უნარების ჩამოყალიბების მრავალფეროვან საშუალებასა და მოდალობას. სმარტფონი, კომპიუტერი, ტაბლეტები, მარტივად პროგრამირებადი სათამაშო რობოტები რეალობის შესწავლისა და რეპრეზენტაციის ისეთ შესაძლებლობებს იძლევა, რომლებიც მათ გარეშე წარმოუდგენელი ან ძალიან რთული იქნებოდა.

საქართველოს სკოლამდელი დაწესებულებებისთვის სავალდებულო „ადრეული და სკოლამდელი აღზრდისა და განათლების სახელმწიფო სტანდარტი“ ტექნოლოგიების საკითხს ზოგადად ითვალისწინებს, ციფრული ტექნოლოგიების საგანმანათლებლო პროცესში გამოყენებასთან დაკავშირებით კი სტანდარტი კონკრეტულ მიმართულებებსა და განმარტებებს არ გვთავაზობს.

რა ადგილი შეიძლება ეკავოს ტექნოლოგიებს ადრეულ ასაკში თამაშსა და/ან სწავლაში? უპირველესად, უნდა აღი-

ნიშნოს, რომ მრავალი ათწლეულია, თამაშსა და სწავლას შორის კავშირი მეცნიერთა მსჯელობის საგანს წარმოადგენს. თამაშის გამოჩენილი თეორეტიკოსის, ბრაიან სათონ-სმიტის აზრით, მე-20 საუკუნის განვითარების ფსიქოლოგიის ლიტერატურა გადაჭარბებულ ყურადღებას უთმობს ადრეულ ასაკში თამაშს როგორც განვითარებისა და უნარ-ჩვევების დაუფლების საფუძველს. სათონ-სმიტი სკეპტიკურად უყურებს თამაშის განხილვას მხოლოდ განვითარების პერსპექტივიდან და მართალია, ამ პერსპექტივას არ უარყოფს, მაგრამ მიაჩნია, რომ საკმარისი მტკიცებულებები არ არსებობს. მიუხედავად ამ სკეპტიციზმისა, ადრეული განათლების სპეციალისტები თამაშსა და სწავლას ადრეულ ასაკში განუყოფელ, მჭიდროდ ურთიერთდამოკიდებულ პროცესად მიიჩნევენ. სკეპტიკოსებისთვის თამაშის სასწავლო პოტენციალი რეალიზდება მასწავლებლების/მშობლების ძალისხმევით - თამაშზე დაკვირვებით, მისი



ღღუს ბავშვები  
ტექნოლოგიური  
სამყაროს  
აბონიბენები  
ანიან.  
უფროსების გა-  
საკვირად, ისინი  
მარტივად,  
სწრაფად და  
ზარბეტი  
ქარისხმევის  
გარეშე სწავლო-  
ბენ სხვადასხვა  
ტიპის ტექნოლო-  
გიების გამოყი-  
ნებას.

გამდიდრებით, წახალისებით, გამრავალფეროვნებით, გარკვეული მიმართულების მიცემით და ა.შ. ადრეული განათლების მკვლევარი ნიკოლა იელანდი ასეთ პროცესს თამაშ-თამაშით კვლევას („playful explorations“) უწოდებს. იელანდის აზრით, თამაშ-თამაშით კვლევის დროს მასწავლებლის მხრივ სკაფოლდინგი ბავშვის ინიციატივას სწავლის შესაძლებლობად აქცევს, ისე, რომ ბავშვისთვის საინტერესო ფორმა და პროცესი შენარჩუნებულია. იელანდი ამტკიცებს, რომ ახალი ტექნოლოგიები მნიშვნელოვანი ინსტრუმენტია თამაშით კვლევის წახალისებისთვის. ახალი ტექნოლოგიები მულტიმედიალური, მულტიმედიის გამოცდილების მიღების და მრავალფეროვანი გზით თვითგამოხატვის საშუალებას გვაძლევს. ადრეული განვითარებისა და განათლების მკვლევრის მარ-

ლინ ფლიერის კვლევა ოჯახურ გარემოში ტექნოლოგიების გამოყენების შესახებ საინტერესო პერსპექტივებს გვთავაზობს თამაშისა და ტექნოლოგიების ურთიერთმიმართებასთან დაკავშირებით. ფლიერის მოსაზრებით, ტექნოლოგიურ პროგრესთან ერთად მდიდრდება ფანტაზია და თამაში (მაგალითად, მზარეულობა, ნაცვლად ნამდვილი სადილის მოზადებაში დახმარებისა). ფლიერის კვლევა ცხადყოფს, რომ ადრეული ასაკის ბავშვები თანამედროვე ტექნოლოგიებს სხვადასხვა მიზნით იყენებენ: უფროსების დასახმარებლად, გასართობად, თამაშისთვის. დღეს ბავშვები ტექნოლოგიური სამყაროს აბორიგენები არიან. უფროსების გასაკვირად, ისინი მარტივად, სწრაფად და ზედმეტი ძალისხმევის გარეშე სწავლობენ სხვადასხვა ტიპის

ტექნოლოგიების გამოყენებას. მათი უმეტესობა წერა-კითხვის სწავლამდეც თავისუფლად სარგებლობს ციფრული ტექნოლოგიებით. მეტიც - ხანდახან სწორედ ამ ტექნოლოგიების საშუალებით უვითარდებათ წიგნიერების უნარ-ჩვევები. ამდენად, ტექნოლოგიები ის სფეროა, სადაც ბავშვებს ადრეული ასაკიდანვე აქვთ საკუთარი კომპეტენტურობისა და შემოქმედებითობის დემონსტრირების შესაძლებლობა. იმავდროულად, ბევრი პროფესიონალი შიშობს, რომ ტექნოლოგიების, განსაკუთრებით კი ეკრანის მეშვენიე ციფრული ტექნოლოგიების გამოყენება საზიანო აღმოჩნდება ბავშვების ადრეული განვითარებისთვის. იმისთვის, რომ ტექნოლოგიები ხელს უწყობდეს ბავშვის განვითარებას და არა პირიქით, მნიშვნელოვანია ორი პრინციპის გათვალისწინება: ციფრული ტექნოლოგიებისთვის



განკუთვნილი დროის შეზღუდვა და გამოყოფილი დროის გამოყენება ბავშვებისთვის ღირებული და საინტერესო გამოცდილების მისაღებად, რაშიც მნიშვნელოვან როლს ასრულებენ მასწავლებლები და მშობლები. შესაბამისად, სკოლამდელ დაწესებულებაში ტექნოლოგიების გამოყენება გარკვეულ ზეგავლენას მოახდენს საგანმანათლებლო პროცესის ფორმაზე, მათ შორის - ბავშვებსა და პედაგოგს შორის ინტერაქციაზე: ერთი მხრივ, ეს იქნება ტექნოლოგიების გამოყენების პროცესში მასწავლებლის მხრივ ბავშვების დამატებითი კონტროლი (ხანგრძლივობა, შინაარსის შესაბამისობა), მეორე მხრივ კი - მასწავლებლების მიზანმიმართული ძალისხმევა, ასწავლონ ბავშვებს სხვადასხვა ტექნოლოგიის გამოყენება, აქციონ ეს პროცესი სასწავლო და განმავითარებელ გამოცდილებად.

ამერიკის პედაგოგთა ასოციაციის ბოლო რეკომენდაციების მიხედვით, ეკრანული ტექნოლოგიების გამოყენება შეიძლება 18 თვიდან, თუმცა ხარისხიანი რესურსი/პროგრამები სიფრთხილით უნდა შეირჩეს, ხოლო მათი გამოყენება უფროსის დახმარებით მიმდინარეობდეს, რათა ბავშვებმა ინფორმაციის გადაღობვა და გააზრება შეძლონ. ასოციაციის რეკომენდაციით, 2-დან 6 წლამდე ასაკის ბავშვებისთვის ხარისხიანი ეკრანული მედიის გამოყენების ხანგრძლივობა არ უნდა აღემატებოდეს დღეში 1 საათს. ადრეულ განათლებაში ტექნოლოგიების გამოყენების

საუკეთესო მაგალითებს რეჯიო ემილიას მიდგომა გვთავაზობს. იტალიის ქალაქ რეჯიო ემილიაში მეორე მსოფლიო ომის შემდგომ პერიოდში ჩამოყალიბებული პედაგოგიური მიდგომა დღეს მთელ მსოფლიოში ადრეული პედაგოგიკის ერთ-ერთ გამორჩეულ და წარმატებულ მოდელად არის მიჩნეული. რეჯიო ემილიას მიდგომა დიდი ხანია გასცდა იტალიის საზღვრებს და ამჟამად მრავალ ქვეყანაში ამ პრინციპებით მომუშავე საბავშვო ბალები. რეჯიოს ბალებისთვის დამახასიათებელი ძირითადი ელემენტებია:

- კომპეტენტური ბავშვი, რომელსაც სწავლისა და თვითგამოხატვის მრავალი „ენა“ აქვს; შესაბამისად, მიდგომა აგებულია ბავშვების ინტერესების მიყოლაზე, ბავშვების მიერ მოვლენებისა და საგნების სიღრმისეულ კვლევაზე (გრძელვადიანი პროექტები), შემოქმედებითობაზე;
- ესთეტიკა როგორც საგანმანათლებლო პროცესისა და გარემოს მნიშვნელოვანი მხარე;
- გარემო როგორც მასწავლებელი;
- დოკუმენტირება როგორც გამოცდილების „შენახვისა“ და ხელახალი გაანალიზების საშუალება;
- თემი და საზიარო კულტურა როგორც ცოდნის შექმნისა და განვითარების საყრდენი.

ერთი შეხედვით, ეს პრინციპები შორს დგას თანამედროვე ტექნოლოგიებისგან, თუმცა რე-

ჯიოს გამოცდილების შესწავლა ცხადყოფს, რომ ტექნოლოგიები ორგანულად არის შერწყმული საგანმანათლებლო პროცესთან და წარმატებით გამოიყენება საბავშვო ბაღის ყოველდღიურ ცხოვრებაში. რეჯიო ემილიაში ციფრული ტექნოლოგიების გამოყენება არა მიზანი, არამედ საგანმანათლებლო პროცესის გამდიდრებისა და გამრავლფეროვნების კიდევ ერთი საშუალებაა. ციფრული ტექნოლოგიები გამოიყენება ურთიერთობათა განმტკიცების საშუალებად, კვლევის ინსტრუმენტად, ახალი ცოდნის კონსტრუირებისა და უნარების ჩამოყალიბების წყაროდ, შემოქმედებითობის განვითარების გზად, დოკუმენტირებისა და კომუნიკაციის საშუალებად და სხვა. გთავაზობთ აღნიშნული მიმართულებებით ტექნოლოგიების გამოყენების წარმატებულ მაგალითებს.

**უნიტიარობაში, შიშველებში:** რეჯიო ემილიას მასწავლებლებს სჯერათ, რომ ტექნოლოგიები სწორად გამოყენების შემთხვევაში ადამიანებს ერთმანეთთან აახლოებს, ამიტომ მათი გამოყენებისას დიდი მნიშვნელობა ენიჭება ურთიერთობის ელემენტს, ბავშვების ჯგუფურად მუშაობას და ტექნოლოგიებს როგორც ადამიანებს შორის კავშირის გაღრმავების საშუალებას. რეჯიო ემილიას პედაგოგიკის სპეციალისტს, ჯორჯ ფორმანს, მოჰყავს საინტერესო მაგალითი იმისა, თუ როგორ იყენებენ ბავშვები ტექნოლოგიებს მოვლენებისთვის სოციალური

**ბავშვების უმეტესობა წინაპირობის სწავლაზეც თავეს სუფილს სანიგალოგს სიფრული ტექნოლოგიათ. მათი - ხანდახან სწორად ამ ტექნოლოგიათა ების საშუალებით უპირობაში მნიშვნელობის უნარ-ჩვევები. ამდენად, ტექნოლოგიათის სფერო, სრავს ბავშვებს აღნიშნული ასაკისთვის საკუთარი საკუთარი კომპეტენტებისა და შემოქმედებითობის დეველოპმენტის შესაძლებლობა.**



რეჯიო ემილიას საერთაშორისო განათლების ცენტრი. მწვანე სამყარო / აუდიოვიზუალური გამოფენა/. (ავტორის ფოტო, 2015)

და ემოციური განზომილების მისაცემად: ძლიერი ქარის შემდეგ ბალის ეზოში მდგარ ხეს მოზრდილი ტოტი მოტყდა. ტოტით თამაშის შემდეგ ბავშვებმა იფიქრეს, რომ მისთვის დედასთან (ხესთან) განშორება ძნელი უნდა ყოფილიყო. ლეგოს სპეციალური კუბებით (Mindstorm), რომლებიც სინათლის მიმართ სენსიტიურია, ბავშვებმა დაამზადეს მოწყობილობა: დაამარეს სარკე ხეზე, რომელიც მზის ამოსვლასთან ერთად სინათლეს ირეკლავდა და ლეგოს მოწყობილობას გადასცემდა; სინათლებზე კი მოწყობილობა რეაგირებდა და უკრავდა აუდიოჩანაწერს: „დილა მშვიდობისა, დედიკო“. ამ მაგალითში ნათლად ჩანს ტექნოლოგიების გამოყენების ადამიანური განზომილება, რომელსაც ბავშვები გასაოცარი შემოქმედებითი ხერხებით აღწევენ.

**კვლევის ინსტრუმენტი, ახალი სოღის კონსტრუქციის წყარო:**

თანამედროვე ტექნოლოგიები ბავშვებს აძლევს საშუალებას, უმოკლეს ხანში მოიპოვონ სხვადასხვა ტიპის ინფორმაცია მათთვის საინტერესო საკითხებზე. პინგვინების მოგზაურო-

ბის პროექტის ფარგლებში, ციფრული ტექნოლოგიების საშუალებით, რეჯიოს ბავშვები მათგან ათასობით კილომეტრის იქით, ანტარქტიდაზე მყოფ მეცნიერს ესაუბრებიან, ინტერნეტის საშუალებით აგროვებენ პინგვინებსა და მათ ოჯახებზე მრავალფეროვან ინფორმაციას ტექსტური, ვიზუალური, აუდიო- თუ ვიდეოფორმატით, ფოტოშოპის საშუალებით ქმნიან ვიზუალური რუკების ფენებს პინგვინების მოგზაურობის მიმართულებათა აღსაწერად და ა.შ.

**ლოკალიზაცია, შუასაბა,**

**კომუნიკაცია:** ტექნოლოგიების საშუალებით ბავშვების საქმიანობის, მიმდინარე პროექტებისა და განვითარების პროცესის დოკუმენტირება უფრო მარტივი და მრავლისმომცველი ხდება. ციფრული ვიდეოჩანაწერები საშუალებას აძლევს რეჯიოს მასწავლებლებს, რეგულარულად დააკვირდნენ ბავშვებს, შეაფასონ ისინი და მოახდინონ საკუთარი პრაქტიკის რეფლექსიაც, ვინაიდან ვიდეოს საშუალებით შესაძლებელია ისეთი ქცევისა თუ მოვლენის შემჩნევა, რომელიც საგანმანათლებლო პროცესის

დროს შესაძლოა მასწავლებლის ყურადღების მიღმა დარჩეს. ციფრული დოკუმენტები: ფოტოები, პროგრამული და ვიდეოჩანაწერები, ტექსტები და სხვა - წინამორბედ ფორმატთან შედარებით ადვილად კლასიფიცირებადი და, შესაბამისად, საჭიროების შემთხვევაში ადვილად მოსაძიებელია. ციფრული დოკუმენტირება საშუალებას აძლევს რეჯიო ემილიას თემს (საბავშვო ბაღს, მშობლებს, ბავშვებს), შექმნას და შეინახოს მთელი ბიბლიოთეკა ბავშვის, მისი საქმიანობის, ემოციების, თამაშის, ინტერესების შესახებ.

მოცემული მაგალითებიდან ნათლად ჩანს, რომ ციფრული ტექნოლოგიების გამოყენება ადრეულ განათლებაში შესაძლებელია ისე, რომ დაცული და გაღრმავებული იყოს ადრეულ ასაკში განვითარებისა და განათლების პრინციპები. წარმატებული პრაქტიკა მოწმობს, რომ ტექნოლოგიების სწორი გამოყენების შემთხვევაში საზოგადოებაში არსებული შიში ტექნოლოგიური საფრთხეების შესახებ გადაჭარბებულია.

**გამოყენებული ლიტერატურა:**

1. American Academy of Pediatrics (2016). American Academy of Pediatrics announces new recommendations for children’s media use. <https://www.aap.org/en-us/about-the-aap/aap-press-room/pages/american-academy-of-pediatrics-announces-new-recommendations-for-childrens-media-use.aspx>
2. Fleer, M. (2011). Technologically constructed childhoods: Moving beyond a productive and critical view of curriculum development. *Australian Journal of Early Childhood* 36(1), 16-24
3. Forman, G. (2012). The use of digital media in Reggio Emilia. *In The Hundred Languages of Children: The Reggio Emilia experience in transformation*, Eds. C. Edwards, L. Gandini & G. Forman. Santa Barbara: Praeger
4. Mitchell, L. M. (2007). Using technology in Reggio Emilia-inspired programs. *Theory into Practice* 46(1)32-39
5. Sutton Smith, B. (1997). *The ambiguity of play*. Cambridge Mass.: Harvard University Press. Sutton Smith, B. (1997). *The ambiguity of play*. Cambridge Mass.: Harvard University Press
6. Yelland, N. (2011). Reconceptualising play and learning in the lives of young children. *Australian Journal of Early Childhood* 36(2), 4-12

